



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

LP  
26  
622



*Sfr 26.622*



**Harvard College Library**

FROM THE

**CONSTANTIUS FUND**

Established by Professor E. A. SOPHOCLES of Harvard University for "the purchase of Greek and Latin books, (the ancient classics) or of Arabic books, or of books illustrating or explaining such Greek, Latin, or Arabic books." Will, dated 1880.)

Received *18 Oct., 1901.*







# DE HIATU PLAUTINO

## QUAESTIONUM

PRIMA PARS

QUA AGITUR DE HIATU QUI FIT IN THESI.


SCRIPSIT

*Erich.*  
**ERICUS BELOW.**

---

BEROLINI  
APUD WEIDMANNOS  
MDCCLXXXV.

Sp 26.622



Constantine fund

**IOHANNI VAHLENO**


**PRAECEPTORI CARISSIMO**

**SACRUM.**

---



Sp 26.622



Constantine fund

**IOHANNI VAHLENO**  
**PRAECEPTORI CARISSIMO**  
**SACRUM.**

---



## De hiatu Plautino quaestiones.

---

T. Macci Plauti codices cum satis multos versus praebeant, in quibus hiet oratio, existit quaestio subdifficilis, sintne traditi hiatus in poetae fabulis relinquendi necne. Atque haec quaestio per se diiudicari non potest, sed ratio habenda est et populi et aetatis et ex parte ipsius poetae. De Plauti consuetudine nullum certum testimonium nos edocet. Extat sane ille M. Tulli Ciceronis locus, qui in libro Oratoris 44, 149 sq. de oratorum more loquendi haec tradit: *collocabuntur . . verba, . . ut inter se quam aptissime cohaereant extrema cum proximis, eaque sint quam suavissimis vocibus. . .* (150) *nam ut in legendo oculus, sic animus in dicendo prospiciet quid sequatur, ne extremorum verborum cum insequentibus primis concursus aut hinc voces efficiat aut asperas. quamvis enim suaves gravesque sententiae, tamen si inconditis verbis efferentur, offendunt aures, quarum est iudicium superbissimum. quod quidem Latina lingua sic observat, nemo ut tam rusticus sit, qui vocales nolit coniungere.* Porro postquam de Graecorum usu pauca adtulit, paragrapho 152 pergit: *sed Graeci viderint; nobis ne si cupiamus quidem distrahere voces conceditur. indicant orationes illae ipsae horridulae Catonis; indicant omnes poetae praeter eos, qui ut versum facerent, saepe habebant; ut Naevius: 'vos qui | accolitis Histrum fluvium atque algidam' et ibidem: 'quam numquam vobis Graii | atque barbari'. at Ennius semel: 'Scipio | invicte'. et quidem nos: 'hoc motu radiantis etesiae | in vada ponti'. hoc idem nostri saepius non tulissent, quod Graeci laudare etiam solent.* — Sed quid haec Ciceronis verba ad Plautum eiusque aetatem?

Primum quidem ex oratoris persona locutus hiatum damnat, id quod ex contextu verborum luculenter apparet. Et oratori facillimum est tali modo voces collocare, ne ullo loco hiatum efficiant: haud aequae poetae licitum est, quippe qui numeris non raro adstringatur. Iam vero Plauti iudicium *superbissimum* fuisse quis existimabit?

Deinde de sua aetate Tullius loquitur. Neque vero omnes aetates pari modo concursum vocalium perhorruerunt. Nam versus

Saturnii, perantiquus Itolorum numerus, hiatum haud ita multo rarius quam synaloephen habent; ut in Scipionum elogiis Corp. inscript. Lat. I n. 30. 32, quorum illud ex V, hoc ex VI versibus constat, bis hiatur, ter vocales coniunguntur; in epigrammate Sorano (ibid. n. 1175) — sunt V versus — bis hiatur, semel eliditur; in IIII versibus tituli Mummiani (ib. n. 541), quamquam ineunte septimo saeculo inscriptus est, ter hiatur, bis eliditur; similiter in Livii Andronici Odysseae fragmentis X hiatus, XXI elisiones, in Cn. Naevii de bello Punico reliquiis XIII hiatus, XXIII elisiones inveniuntur. Inde efficitur, ut vocalium concursus veterum Romanorum auribus molestus non fuerit. Quo modo qui subsequuntur poetae? Naevium in eo numero fuisse qui saepe hiarent, Ennium semel vocales non coniunxisse disertis verbis Tullius affirmat. Estne hoc verum? non est; nam in reliquiis poesis Ennianae multo saepius hiatum repperi; in arsi: Trag. 166.<sup>1)</sup> 227. 307; Satur. 35; fortasse Ann. 275; in thesi habes praeter illum locum a Cicerone laudatum (Ann. 321): Ann. 336. 486; Trag. 76. 363; Epigr. 1; fort. Trag. 188; Sat. 9.<sup>2)</sup> Ennii autem versus multo politiores sunt quam Naevii, quem in versibus Saturniis saepe hiasse supra vidimus; ex fabulis duo exempla Cicero posuit (Trag. 65 et 64); quibus addenda sunt: Trag. 38; Com. 53. 88. 110; haec in arsi leguntur; in thesi Trag. 62; Com. 18. 19. 21. 27. 52. 81. 96. 98. 115. Quid iam Plautus? Tullius aperte eum non nominat; sed cum Naevium Ennium exempli gratia adduxerit, non quod soli hiaverint, Plautus non minus recte cum Naevio eodem loco et numero habetur, quam cum iis, qui Naeviano more uti noluerunt<sup>3)</sup>. An putabimus Plautum eadem licentia qua ante et post poetas usum non esse? Quin Ciceronis verba quae sunt in paragraphis 150 et 152 consideranti putandum est nullius fere poetae Romani versus umquam hiasisse. Quod longe aliter se habet; neque ipsa Tullii aetate poetae, et ii boni peritique, defuerunt qui nequaquam, ut Quintiliani<sup>4)</sup> verbis utar, hiatum ut crimen ingens expavescerent. Ut exempla proferam: C. Lucilii Saturarum libri exhibent vocalium concursus in his versibus<sup>5)</sup>: 288. 872. 588. 656. 694. 699 (si cum Lachmanno dime-  
tiris: *si | alia*); porro in thesi: 19. 34. 232. 339. 471. 484. 961; fort. 660<sup>6)</sup>. In T. Lucretii De rer. nat. versibus hiatur 6, 716 et 743; praeterea saepe post vocabula monosyllaba; velut 2, 404. 617.

<sup>1)</sup> in Scaen. Rom. poesis fragmentis Ribbeckii (Lips. 1871 et 73), in Ennii Annal. Vahleni (Lips. 1854) rationem sequor.

<sup>2)</sup> ut omittam Trag. v. 26 ('med' Ribb. posuit); Sat. 38 ('tute' locum habet); emendati sunt Ann. 308; Trag. 306.

<sup>3)</sup> neque Ritschellius hoc negavit; v. Proleg. Trinummi p. 198 sq. Cf. Ussing Proleg. Plaut. vol. I p. 218; Bergk, Symb. ad gram. Lat. I: de exeunte d, Halis 1870 p. 108 sq. et 122.

<sup>4)</sup> Instit. orat. 9, 4, 35.

<sup>5)</sup> Luc. Sat. em. Lachmann. Ber. 1876.

<sup>6)</sup> emendati sunt hiatus in caesura facti 497 et 1141; dubitari potest de v. 33 et de v. 268, de quo v. Lachm. in Lucr. III 941 p. 194.

681; 3, 394. 1082; 4, 1061; 5, 7. 74; 6, 276. 740. 796 alia<sup>1</sup>). In Catulli Tibulli Propertii carminibus non modo interiectiones *oh heu* non coniunguntur (ut Tib. 2, 3, 5. 49. 4, 7. 5, 108; 3, 4, 82; 4, 11, 3; — 2, 3, 2; 4, 13, 17; Prop. 2 (3), 33, 31 al.), sed etiam nomina; v.<sup>2</sup>) Cat. 66, 11; 68, 158; 107, 1; Tib. 1, 5, 33; Prop. 2 (3), 15, 1. 32, 45; 3 (4), 7, 49; in thesi: Cat. 55, 4; 57, 7; 97, 1; 114, 6; Prop. 3 (4), 11, 17; fort. Cat. 10, 27. Ac ne Horatius quidem hiando abstinuit; vide Carm. 1, 28, 24; Epod. 13, 3; praeterea *o* interiectio integra manet Carm. 1, 1, 2; 1, 35, 38; 4, 5, 37; Epod. 12, 25; Sat. 2, 3, 265; Epist. 1, 19, 19; 2, 3, 301 al. Idemque poeta versus in thesi hiulcos fecit hos: Epod. 5, 71. 100; Sat. 1, 9, 38; 2, 2, 28; Epist. 2, 3, 65<sup>3</sup>). Iam Vergilii carmina hiatum in arsi accidentem locis XXXXII (vel, si interiectiones non coniunctas adnumeravisti, XXXXVI), in thesi XIII (vel XIII) praebent; Ovidius in Metamorphoseon libris ter decies (vel bis et vicies) in arsi, in thesi ter (vel quater) hiatum admisit<sup>4</sup>). Denique Ciceronem ipsum non semel hiavisse credendum est; in eodem De consulatu suo libello legitur (de Div. 1, 13, 22): *inque academia | umbrifera nitidoque Lyceo*, de quo versu disserit Lachmannus ad Lucr. III 374 p. 159.

Quae cum ita sint, id quod Cicero illo Oratoris loco exponit, non modo parum definitum est, quam ut inde colligi possit Plautum non hiasse, sed ne verum quidem est. Immo hunc poetam eadem hiandi licentia usum esse qua ceteros aliunde probabile fit.

Plautus enim ut fabularum argumenta, ita metra a Graecis petivit. Nec tamen eodem modo versus condidit; nam hi ex monometris, ille ex singulis pedibus versus trochaicos iambicosque composuerunt. Atque in hac re domesticam rationem servavit, qualem in versibus Saturniis traditam habemus. Ibi enim omnium pedum thesis neglegenter tractatur, ita ut aut ex syllaba brevi aut ex longa aut ex duabus brevibus constare, aut paenultima unius cuiusque hemistichii thesis omnino opprimi possit: eadem varietas in Plauti versibus accidit, nisi quod numquam plane deest thesis. Et alias res T. Maccii ars metrica ostendit, quae sine dubio Saturniorum propriae, inde ab eo petitae sunt. Illi versus vim positionis contemnunt; neque aliter hic poeta saepissime eam neglexit et in mediis vocibus et in binarum vocum concursu, neque umquam ante mutam litteram cum liquida brevem vocalem non corripit. Deinde et hic et illic breves syllabae in arsi positae producuntur. *Omnia sagmina atque neque namque alius capitibus* producta syllaba extrema in versibus Saturniis leguntur; apud Plautum invenias *omnia cetera oppida*

<sup>1</sup>) cf. Bouterwek, Lucretianae quaestiones grammat. et crit. Halis 1861 p. 41 sq.

<sup>2</sup>) cf. L. Mueller. Cat. praef. p. 77; Tib. praef. 31; Prop. praef. 50. — Emendati sunt Cat. 66, 48; 67, 44; 97, 2.

<sup>3</sup>) emendati sunt v. Carm. 2, 20, 13 et 3, 14, 11.

<sup>4</sup>) exempla Vergiliana et Ovidiana congessit Bieling, De hiatus vi atque usu ap. poetas epicos qui Aug. aetat. floruerunt. Lips. 1868.

*venimus sinctum promere omnibus lampadibus alia*<sup>1)</sup>. De arsis solutis dicere nolo, quippe quae non minus in Graecis quam in Saturniis versibus locum habeant. — Haec igitur omnia Plauto cum Saturniis consociata sunt. In his autem versibus multa hiatus exempla ante oculos habuit: num mirum est ipsum quoque quibusdam licentiis in hiatu admittendo usum esse?

Et in genere sermonis usitato vocalium concursum minime evitatum, nedum evitandum fuisse eiusdem Oratoris libri capite XXIII Tullius probat, cum de oratore quem solum quidam vocant Atticum haec prodit: (23, 76) *summissus est et humilis et consuetudinem imitans, ab indisertis re plus quam opinione differens . . .* (77) *primum igitur eum tamquam e vinculis numerorum eximamus . . . solutum quiddam sit nec vagum tamen, ut ingredi libere, non ut licenter videatur errare. verba etiam verbis quasi coagmentare neglegat. habet enim ille tamquam hiatus concursu vocalium molle quiddam, et quod indicet non ingratam negligentiam de re hominis magis quam de verbis laborantis.* — Si haec ei oratori *liberiora* fuerunt, qui communem vitae usum imitatus sit: quid? Plauto, ipsi quoque vitae consuetudinem non imitanti, sed ut ita dicam agenti, eadem licentia non dabitur? Quin in iis fabularum partibus, quae a prosa oratione quam proxime abesse solent, in epistulis dico interpositis, paulo saepius quam in sermonibus hiari videtur<sup>2)</sup>.

Accedit quod qui argumenta et prologos fabularum scripserunt, eadem hiandi genera quae ipse Plautus admittunt, nisi quod ea licentia immoderatus utuntur. Atque viri docti dubitant, an his scriptoribus hiatus tribui possit<sup>3)</sup>. Prologi autem et argumenta posterioris aetatis sunt, qua hiari magis magisque desitum est. Inde igitur colligi posse puto hos scriptores hiatum in Plautinis fabulis haud raro invenisse eamque ob causam, ut ipsorum oratio antiquior evaderet, ab illo accepisse.

Denique ipsum Tullium in carminibus scribendis semel atque iterum vocales non coniunxisse constat. In hoc autem scriptore ut in Vergilio<sup>4)</sup> aliisque id excusant, quod aut vocabula Graeca posuerint in versibus aut in eo carmine hiaverint, quod sermone Latino interpretati sint, ita ut hiatus Graeci admonere velint. Si autem ob eam rem hiare licitum erat, quid? in Plauto, qui ipse Graecas fabulas Graecis numeris vertit, nonne prorsus eadem excusatione utemur?

Vel haec summa meditatio docet mirum non esse, si Plautus priorum auctoritatem secutus ab hiatu non abhorruit. Quatenus

<sup>1)</sup> exempla conlata habes in CFG. Muelleri Prosodia Plautina (Berol. 1869) p. 11 sq., 57, 80, 22 sq.; huc accedunt Supplem. prosod. Plaut. (Ber. 1871) p. 5 sq.

<sup>2)</sup> v. Uss. Prol. Pl. vol. I p. 218 cum adnot.

<sup>3)</sup> v. Uss. Prol. p. 150; Ritsch. Opusc. phil. II Lips. 1868 p. 414 sq. Cf. Ritsch. Prol. Tr. p. 319.

<sup>4)</sup> v. Bieling l. I. p. 60.

autem eum admiserit quasve leges in admittendo servaverit, ex codicibus Plautinis discere et possumus et debemus. Id enim unicum in hac re testimonium habemus; cui si fidem vellemus abrogare, ipsi nobis quasi fundamenta everteremus. Est sane concedendum fabulas, quo modo traditae nobis sunt, nequaquam integras esse, id quod ex Ambrosiani libri cum Palatinis collatione elucet. Atque ipsum vocalium concursus Rescriptus interdum removit; quamquam non desunt loci — totidem fere sunt<sup>1)</sup> — quibus hic codex servaverit, Palatini sustulerint hiatum. Neque vero ulla ratione per hos tam paucos locos nobis liberum est infinitam ceterorum copiam, quibus omnium librorum testimonio hiatus firmantur, corruptam putare. Immo Ritschelius prorsus improbandus est, qui in Prolegomenis Trinummi (p. 187 sq.) hiatum angustissime coercuit. Nam praeterquam quod ipse hic vir doctus postea<sup>2)</sup> sibi persuasit se longius progressum: omni caret probabilitate tot locos mutare; deinde Ritschelius non ab exemplis leges repetiit integro iudicio, sed opinione praeiudicata rem aggressus est, quia illud Ciceronis ad Plautum pertinere existimabat, de quo quae nobis videantur supra exposuimus. Propius ad verum accessit Spengelius<sup>3)</sup>, cum codicum auctoritate usus easdem fere quas G. Hermannus<sup>4)</sup> leges constitueret: in caesura trimetri iambici semiquinaria non minus quam in legitima tetrametri trochaici cretici bacchiaci hiatum veniam prorsus legitimam habere; porro relinquendum eum esse omnibus iis locis, quibus pronuntiandi continuas sententia intermittatur, ut in mutatione personarum, in exclamationibus, in appellationibus, post fortem distinctionem al. In hisce rebus verissime traditam scripturam servavit Spengelius. Idem vir doctus negavit in thesi syllabam longa vocali vel littera m finitam usquam hiatum recipere, nisi monosyllabum vocabulum esset; in arsi legitimum hiatum fieri post monosyllabas voces in longam vocalem vel in m consonam cadentes, dum priorem syllabam arsis in duas breves solutae efficerent<sup>5)</sup> — et post iambicas, quae in hiatu pyrrhichium facerent. Atque num Spengelius in his rebus nimius fuerit, neque tam angusti fines constituendi sint, disputatiuncula mea explicare conabor; nam mihi proposui codicibus diligenter examinatis has duas res in quaestionem vocare,

I. num theticae vocales longae in hiatu correptae sint;

II. num Plautus iis vocibus bisyllabis, quarum vocalem extremam et brevem et longam facit, ante sequentem vocalem pro pyrrhichiis usus sit. Cum autem de metris anapaesto cretico

<sup>1)</sup> hoc ex exemplis infra adlatis apparebit; cf. Geppert, de cod. Ambr. Lips. 1847 p. 43; Stud. Plaut. I Ber. 1870 p. 120 sq.

<sup>2)</sup> v. cum Men. praef. p. 10 sq., tum Nov. exc. Plaut. I Lip. 1869 p. 120 sq.

<sup>3)</sup> in extremo libro T. Maccius Plautus, Goett. 1865.

<sup>4)</sup> Elem. doct. metr. Lips. 1816 p. 190 sq. al.

<sup>5)</sup> hanc legem constituit Bentleius Sched. de metr. Ter. p. XIII extr. editionis Terentianae (a. 1726 Cantab.)



bacchiacoque singillatim quaerendum sit, hoc loco ea exempla excutere satis habeo, quae in iambicis trochaicisque versibus inveniuntur<sup>1)</sup>).

Haec disputatiunculae meae praemittere volui, ut quid de summa quaestionis sentirem in universum patefieret. Sed ab argumenti antelugio — ut Plautino verbo<sup>2)</sup> utar — ad argumentum venimus, atque priore loco quaerimus, num in thesi longae vocales vel diphthongi ultimae a Plauto non coniunctae, sed ante subsequentem vocalem correptae sint. Qua in quaestione de monosyllabis et de polysyllabis vocabulis separatim disputabitur.

## CAPVT I.

### De monosyllabis vocabulis.

Monosyllabae igitur voces in thesi facile hiatum recipere neque cum insequenti vocali coire, hoc alii viri docti intellexerunt. Hermannus in Bacchidum recensione<sup>3)</sup> eos hiatum defendit, cum in anapaestis versibus prior syllaba thetica esset monosyllabum longa vocali finitum, quod ante sequentem vocalem corripere<sup>4)</sup>; neque hoc Ritschellius (Prol. Trin. p. 203) impugnauit. Tales autem correptiones cum hiatu iunctas non minus in trochaeorum iamborumque thesibus admissas esse Fleckeisenus, cum de Ritschelii Prolegomenis iudicium faceret, demonstravit<sup>5)</sup>; ita tamen hunc hiatum circumscipit, ut insequentem syllabam brevem esse debere contenderet. At vere Spengelius (Plaut. p. 210 sq.) monuit, quod ad rem spectaret, nihil omnino interesse, utrum ex longa syllaba an ex duabus brevibus arsis constaret; ac ne si esset quidem, ut Fleckeiseni lex usu Plautino confirmaretur, consulto aut cogitatum id fieri putandum esse, quod nulla huius rei iusta causa adferri posset. Qua re cum libri arsi non soluta correptionem etiam saepius praebeant, illam exceptionem cum Spengelio reiciemus.

Restat ut huius hiatus exempla conferam<sup>6)</sup>. Corripiuntur igitur monosyllaborum hae vocales longae et diphthongi:

e i o u ae oi;

huc accedunt ea verba quae exitum habent in

am em om um.

<sup>1)</sup> Fabulas omnes lectitavi, quae quidem ad hoc tempus ab Ritschelio (Pl. com. I—III 2), a Loewio Goetio Schoellio (I—II 5), ab Ussingio (I—III 2) editae sint. Praeterea in usum meum verti: Capt. ed. Sonnenschein, Lips. 1880; Men. ed. Vahlen, Ber. 1882; Mil. glor. em. adn. Ribbeck Lips. 1881; Truc. ed. ill. Spengel, Goett. 1868.

<sup>2)</sup> Men. prol. 13.

<sup>3)</sup> Lipsiae a. 1845 emissae.

<sup>4)</sup> v. Spengel. Symb. ad emendanda metra Plaut. Berol. 1882 p. 321 sq.

<sup>5)</sup> Iahnii Annal. vol. 61 a. 1851 p. 49 sq.

<sup>6)</sup> cf. Spengel. Plaut. p. 211 sq.; Muell. Pros. 726 sq.

1. De e vocali.

In e cadunt haec vocabula: *de ne re*, quibus fortasse *me te se* addenda sunt.

*De* cum hiato positum his locis libri exhibent: Amph. 2, 2, 104: *vera dico*. — *Non de hac quidem hercle re; de aliis nescio*; Asin. 3, 3, 116: *demam hercle iam de | hórdeo, tolútum ni badíssas*.

Coniunctio *ne* non eliditur Bacch. 3, 6, 15: *sibi ne | inuideatur, ipsi | ignavi recte cavent*; Capt. 4, 4, 4: *quasi lupus esuriéns, metui ne | in me faceret inpetum*; Mil. 4, 1, 36: *placet ut dicis; sed ne | istam amittam et haec mutet fidem*, ubi Brixius aptissime *et* interponit; Mil. 4, 6, 19: *ne | óculi eius senténtiam mutént, ubi viderit me*; Most. 3, 1, 9: *ne | hoc senex resciscat. ibo huic obviam*. — Neque aliter particula *ne* hiatum recipit Epid. 3, 3, 25: *edepol ne | istam temperi gnato tuo*; et, nisi *illunc* formam praefers, Asin. 5, 2, 19: *tace modo; ne | illum ecastor miserum habebo*. — *Ego istuc scio*. Nec tamen huc referendum est cum codice Ambrosiano Bacch. 3, 4, 4: *ne | illa id hercle cum malo fecit suo*, in quo versu cum ceteris libris scribemus *ne illa illud hercle*.

*Iam* ablativus *re* non coniunctus duobus locis defenditur Asin. 1, 3, 71: *si papillam pertractávit, haud est ab re | aucupis*; Truc. 1, 1, 26: *bis perit amator, ab re | atque animo simul*. — Nihil valet Mil. 5, 12: *dic*. — *Oratus sum, ad eam ut irem*. — *Qua re | ausus? em tibi*; nam *qua re* in interrogatione recta positum non iniuria offendit; qua de causa *quor ire ausu's?* Seyffertus<sup>1)</sup>, *exquire rem sis* Bergkii scribenda coniecerunt.

His exemplis Fleckeisenus Spengelius *me te se* et accusativos et ablativos adnumerant. Ritscheliu autem, cum haec pronomina omnibus locis, quibus arsim explent subsequente vocali, *med ted* scribantur necesse sit<sup>2)</sup> — quae formae in ipsis libris saepius exhibentur<sup>3)</sup> —, in thesi quoque *med ted sed* ponere non dubitavit: neque codices repugnant, qui *med ted* in thesi haud minus quam in arsi tradunt (v. Bergk. Symb. p. 45 cum adn.). Utri recte fecerint, hodie diiudicare non licet. Immo utramque opinionem et suadere et dissuadere possumus. Nam in metro anapaesto *me* al. corripitur certum est; velut cum Pseud. 4, 1, 34 *te | amo et* vel Bacch. 5, 2, 75 *te | ama-anapaestos pedes efficiunt*; — neque vero minus certum *med* pro longa syllaba esse; vide Bacch. 5, 1, 8 al. Similiter in baccheis non modo *med ted* reperiuntur (ut Bacch. 4, 3, 7), sed etiam *me* correptum; nam in hoc pede *me | haec ver-* non dubitabimus *me* cum hiato legere (cf. Uss. ad Aul. 120). Atque in ipso senario iambico probantur et improbantur *med ted* formae.

<sup>1)</sup> v. Stud. Plaut. Ber. 1874 p. 21.

<sup>2)</sup> v. Ritsch. Nov. exc. Plaut. 1, 34 sq. Easdem formas Ennius Trag. 142; Epich. 1 (de quo v. Vahl. Mus. Rhen. 16 a. 1861 p. 582) in arsi collocavit; cf. Ritsch. p. 53 sq.

<sup>3)</sup> v. Ri. l. l. p. 21 sq.

Poetae enim Comici secundum illam legem, quam Bentleius in Hor. Serm. 2, 5, 79 observavit, in quinta senarii sicut in sexta trochaici septenarii sede brevem thesim quam maxime fugerunt. Si igitur illa pronomina paenultimam thesim expleant, valde arrident Ritschelii formae, quibus longa syllaba in thesi restituitur. Ex contrario non desunt loci, quibus illi legi non satisfacit, nisi *me* corripitur; velut cum poeta *ad me | epistulam* (Truc. 2, 4, 43) aut *ut se | amet potest* (Poen. 1, 2, 77) in extremis versibus ponit<sup>1)</sup>. Denique Ritschelio, ut sibi constaret, hae formae deformes *sese med med* fingendae erant (Nov. exc. 1, 51 cum adn.). Quae cum ita sint, in his quidem exemplis ego lineola posita eum locum significari volo, quo aut hiari aut d littera adscribi possit. Exempla autem haec sunt<sup>2)</sup>:

In prima senarii thesi leguntur Bacch. 2, 3, 123: *me | et Mnesilochum. quas ego hic turbas dabo!* (med cod.); Mil. 2, 6, 37: *me | expurgare haec tibi videtur aequius*; Vetus habet *mea* h. e. *med*; Ritschelius Opusc. II 431 *expurgare* voluit. Incerti sunt duo versus: Bacch. 4, 9, 97: *me | obiurgavit plurimis verbis malis*; Pers. 1, 3, 87: *me esse effecturum hodie. nimis longum loquor*; nam in hoc melius in caesura hiatur, in illo Ritschelius (Opusc. II 428) *obiurgavit* posuit.

In altero pede Asin. 1, 1, 5: *si quid me | erga | hodie falsum dixeris* (med libri); Men. 5, 1, 10: *quae res te | agitat, mulier?* — *Etiamne inpudens*; Mil. 1, 1, 58: *amant te | omnes mulieres, neque iniuria*, in quo versu voc. *iniuria* correpta prima syllaba pronuntiandum est; neque aliter *esse* in v. Pseud. 4, 4, 5: *quoiam te | esse vis maxime, ad eum duxero*; Stich. 3, 2, 33: *scis tu me | esse unum imi subsellii virum*, ubi *unum imi* Ritschelius edidit, libri scripti exhibent *uni*; Truc. 2, 4, 46: *bona sua me | habiturum omnia [esse]*. — *Auscullo ludens*<sup>3)</sup> — Eximendus est: Men. 5, 1, 13: *rogas me? <o> hominis inpudentem audaciam*.

Porro in legitima senarii incisione *me te* collocantur: Amph. 3, 2, 42: *per dextram tuam te, | Alcumena, oro, obsecro*; Ussingius *dexteram* in textu posuit: postea (ad Curc. 307) *dextram* expressum mavult. Aul. 2, 4, 27: *sic mihi te ut tibi me | aequomst, credo, credere*; Curc. 1, 1, 17: *caruine febris te | heri vel nudius tertius*; Curc. 3, 16: *edepol ne ego hic me | intus explevi probe*; Men. 3, 3, 21 et 22: *da sodes abs te: | <ego> post reddidero tibi*. — *Immo cedo abs te: | ego post tibi reddam duplex*; Men. 5, 1, 37: *ut veniat ad me: | ita rem | esse dicito*; Ritschelius hiatus expulit coniungendo *rem <natam> esse* . . Pseud. 1, 5, 71: *paritas ut a me | auferas?* — *Abs te auferam?* Pseud. 3, 2, 59: *fateor equidem me | esse coquom*

<sup>1)</sup> v. Luchs, Quaest. metr. (in Studemundi Stud. in prisc. script. Lat. collata I 1 Ber. 1873) p. 18 et Herm. 13 a. 1878 p. 504. Omnes eius generis locos in fine huius disputationis composui.

<sup>2)</sup> cf. Ritsch. N. exc. 1, 35 sq.; 45 sq.

<sup>3)</sup> v. Buecheler Annal. 105 a. 1872 p. 571.

*carissimum*; Pseud. 4, 3, 10: *ne deserat me | atque ad hostis trans-  
eat*; Stich. 3, 2, 48: *qua lege nunc me | essurire oporteat*. — Du-  
bitationem habent duo versus, quos Ambrosianus sic prodit: Most. 3,  
1, 80: *non edepol nunc me | istis verbis territas*; Poen. 5, 2, 93:  
*ergo hic apud me | hospitium praebebitur*; sed aptissime ceteri codices  
priori loco *tu* ante *istis*, altero *tibi* post *hospitium* inserunt. De  
Stich. 5, 2, 20 infra dicetur.

Quarti iambi thesim explent pronomina Pseud. 1, 5, 108:  
*studeo hercle audire; nam te | ausculto lubens* (*ted* in Vetere est);  
Truc. 1, 1, 72: *mihi verba retur dare se: | an me censuit*. Recte  
autem vocum *ad te* | *exeo* ordinem ita immutat Guyetus Bacch. 4,  
6, 24: *manedum parumper; iam exeo ad te, Chrysale*.

Iam ad quintam senarii sedem venio: Aul. 3, 6, 46: *nunc hoc  
mihi factu est optimum, ut te | auferam*; Bacch. 4, 8, 68: *immo oro,  
ut facias, Chrysale, et te | obsecro* (Vetus et Alter Camerarii codices  
*ted*); Most. 2, 2, 95: *atque Herculem invoca*. — *Hercules, te | invoco*.

Haec in senariis; plura exempla septenarii exhibent; in primo  
pede Bacch. 1, 1, 68: *bene me | accipis advenientem, mea soror*. —  
*Quid ita, obsecro?* Capt. 2, 3, 45: *neque me | umquam deseruisse  
te neque factis neque fide* (Vetus *med*)<sup>1)</sup>; Capt. 3, 4, 120: *satin  
me | illi hodie scelesti capti ceperunt dolo*, de quo cf. Ritsch.  
N. exc. 1, 94; Schmidt, Quaest. de pronom. demonstr. form. Plaut.  
Ber. 1875 pag. 69. Epid. 4, 2, 16: *non me | istanc cogere aequomst  
meam esse matrem, si nevolt*; Men. 4, 2, 83: *viden te | ut scelestus  
captat? huic surruptast, non tibi*; Men. 5, 7, 45: *apud te | habitabo  
et, quando ibis, una tecum ibo domum*; Mil. 5, 28: *ut te | hodie hinc  
amittamus Venerium nepotulum*; Poen. 1, 2, 88: *bono me | esse  
ingenio ornatum quam auro, multo mavolo*; Poen. 5, 7, 21: *quid  
me | hac re facere deceat, egomet mecum cogito*; Geppertus (*in*) *hac  
re scribi vult*; sed Muellerus confert Pseud. 3, 1, 13, Lorenzianus  
Cas. 5, 3, 1. Stich. 2, 2, 7: *ad me | et relinque egentem parasitum,  
Panegyris*. — Aut post primum aut post quartum pedem hiatur  
Asin. 2, 2, 80: *ait se ob asinos ferre argentum atriensi Saureae*.  
Emendatus est ab Ritschelio Men. 5, 2, 79.

In altero trochaeo haec habes: Amph. 1, 1, 278: *tu negas  
me | esse?* — *Quid ego ni negem, qui egomet siem?* (cod.: *med*);  
Amph. 1, 3, 13: *ego faxim te | Amphitruonem | esse malis quam  
Iovem*; Amph. 2, 2, 31: *ecastor me | haud invita se domum recipit  
suam*; Asin. 2, 2, 33: *quod pondo te | esse censes nudum?* — *Non  
edepol scio* (*ted* Vaticanus et Veteris altera manus praebent); Asin.  
3, 1, 1: *nequeone ego te | interdictis facere mansuetem meis?* (*ted*  
in solo Vaticano extat); Merc. 5, 2, 86: *nunc si eo te | intro du-  
cam*. — *Tollo ampullam atque hinc eo*; Stich. 5, 5, 15: *numquam  
edepol me | istoc vinces, quin ego ibidem pruriam* (*mé*, non *med* teste  
Goetzio Vetus). — In dubio relinquendus est v. Capt. 3, 4, 87:

<sup>1)</sup> cf. Brix. Annal. 101 a. 1870 p. 779.

*sed hoc primum me | expurgare tibi volo, me insaniam*, ubi *expurgare* Brixius edidit cum Ritschelio (Opusc. II. 431). — Certum est huc non referendum cum Ritschelio: Men. 1, 3, 24: *scin quid volo ego te accurare?* — Scio, curabo quae voles; nam ego, quod Ambrosianus omisit, post *volo* negligentia potius praetermissum quam in ceteris libris consilio additum est. Neque cum Palatinis Poen. 4, 2, 63: *si | erus meus me | esse locutum quoiquam mortali sciat*, ubi Rescripti lectio *elocutum* perplacet.

In tertia septenarii sede *me* non coniunctum ponitur: Amph. 1, 1, 244: *nec nobis praeter me | alius quisquamst servos Sosia*; Amph. 1, 1, 279: *per Iovem iuro me | esse neque me falsum dicere* (med cod.); Aul. 3, 4, 6: *condigne etiam meus me | intus gallus gallinaceus*; Bacch. 1, 1, 27: *et ille adveniens tuam me | esse amicam suspicabitur* (in Decurt. et Vatic. med). — In eodemque numero Ritschelius (N. exc. 1, 38) posuit Poen. 4, 2, 67: *id esse facinus ex te | ortum*. — *Male credam et credam tamen*; sed vide infra ad Epid. 3, 2, 25 et Muell. Suppl. pros. p. 117 adn. 2.

Iam vero in caesura eiusdem versus pronomina integra manent: Amph. 1, 1, 228: *nam Amphitruonis socium nunc me | esse volui dicere*; Amph. 2, 2, 74: *hanc est obiurgare, quae me | hodie advenientem domum*; Asin. 1, 3, 11: *solus solitudine ego te | atque ab egestate abstuli* (ted cod.); Asin. 2, 2, 99: *defraudare; dixit sese | operam promissam dare*; Ritschelius N. exc. 151 de *seded* forma cogitat. Asin. 3, 1, 31: *hic dies summust apud me; | inopiae excusatio*; Aul. 3, 4, 3: *veluti Megadorus temptat me | omnibus miserum modis*; Capt. 4, 2, 51: *hic homo ad cenam recipit se ad me. | — Aperite hasce ambas foris*; Curc. 5, 3, 43: *tu me sequere. — Quo aequar te? | — Ad tarpezitam meum*; Men. 2, 3, 77: *eamus intro. — Iam sequar te: | hunc volo etiam conloqui*; Men. 5, 5, 39: *et ob eam rem in carcerem te | esse compactum scio* (ted cod.); Men. 5, 7, 39: *sic aino igitur, si tuom negas me | esse, abire liberum*; hac dimensione dactylus pes in quarta sede evitatur. Men. 5, 7, 54: *id si adtulerit, dicam ut a me | abeat liber quo volet*; Merc. 3, 4, 26: *mulier alienatast abs te. | — Eutyche, capital facis*; Mil. 3, 1, 195: *sed quid ea usus est? — Ut ad te | eam iam deducas domum*; Mil. 4, 8, 60: *dicant servorum praeter me | esse fidelem neminem*; Mil. 5, 33: *si posthac prehendero ego te | hic, carebis testibus*; Pseud. 1, 3, 11: *ego abeam. — Mane, iam ut voles me | esse, ita ero. — Nunc tu sapis*; Pseud. 4, 2, 26: *hanc epistulam accipe a me; | hanc me tibi iussit dare*; Stich. 5, 4, 28: *bibe, si bibis. — Non mora erit apud me. | edepol convivi sat est. — In quattuor versibus post mihi hercle ego non minus recte quam in caesura hiari alio loco exponam; sunt hi: Capt. 3, 4, 21: et eum morbum mihi esse, ut qui me opus sit insputarier? Epid. 2, 2, 8: id ego excrucior. — Di hercle omnes me adiuvant, augent, amant; Most. 2, 1, 18: quid ita? — Pater adest. — Quid ego ex te audio? — Absumpti sumus; Trin. 3, 1, 12: postremo edepol ego istam rem ad me attinere intellego.*

In quinto septenarii pede his locis pronomina non eliduntur: Asin. 2, 2, 34: *scibam ego te nescire; at pol ego qui te | expendi scio*; Capt. 2, 2, 87: *fac, is homo ut redimatur. — Faciam. sed te | oro, | Hegio*; librorum scripturam *te id in ted* mutavit Fleckeisenus. Capt. 2, 3, 75: *quom me servom in servitute pro te | hic reliqueris*; Men. 5, 7, 34: *ergo edepol, si recte facias, ere, me | emittas manu*; Mil. 4, 5, 7: *etiam me? quo modo ego vivam sine te?* | — *Age animo bono <es>*; Mil. 4, 8, 31: *bene quaeso inter vos dicatis et me | absenti tamen<sup>1)</sup>*; Most. 5, 2, 53: *nihil opust profecto. | — Age iam sine te | exorariet. — Eodem referendus est, si modo illicinest pro illic queest* Muellerus recte restituit, Truc. 2, 7, 40: *novi hominem nihili: illicinest? — Illic est. — Me | intuitur gemens. Neque aliter* Pers. 5, 2, 73: *et post dabis sub furcis. abi [intro] in crucem. — An me | hic parum exercitum*, in quo vocem *intro* eici Schmidtus (de pron. dem. p. 25 sq.) iubet. — Dubia sunt haec exempla: Aul. 2, 2, 55: *et te utar iniquiore, et meus me ordo inrideat*; Truc. 4, 3, 78: *sed nimium pol opportuna eccam ab se egreditur foras*, quia eodem iure in incisione hiatus statuitur. Neque minus ambiguum iudicium est, cum *eunt* bisyllabum esse possit, v. Capt. 3, 4, 2: *nunc enimvero ego occidi<sup>2)</sup>*; | *eunt ad te hostes, Tyndare*. Sed duo Poenuli loci excludendi sunt; quorum prior ex Ambrosiano sic adfertur: Poen. 1, 2, 127: *... ibi me | ostendi volo*; recte tamen editores ceteros libros sequuntur, qui post *ibi* addunt *ego*. Posteriorem versum codices Palatini praebent Poen. 1, 2, 167: *quam ob rem, amabo, mea voluptas, sine te | exorariet*; sed cum Rescriptus hoc, non *te* exhibeat, viri docti *sine te hoc* reposuerunt, quemadmodum Poen. 4, 2 51; Trin. 2, 2, 97 al.

Ante ultimum creticum haec tria habes: Amph. 2, 2, 180: *obsecro ecastor, quor istuc, mi vir, ex te | audio?* Bacch. 4, 4, 88: *sycophantias componit, aurum ut abs te | auferat*; Men. 5, 5, 37: *egomet haecte vidi facere: | egomet haec te | arguo. — Aut me aut cepi* vocalem extremam retinet Amph. 1, 1, 110: *et enimvero, quoniam formam cepi huius in me et statum*.

Restat ut ea exempla adscribam, quae in septenario iambico, in octonariis, in dimetro inveniuntur. In illo metro haec extant: Asin. 3, 2, 35: *ut adsimulabat Sauream me | esse quam facete!* Mil. 4, 6, 7: *audin quae loquitur? — Audio. quam laetast, quia te | adiit!* Mil. 4, 6, 52: *illa ad nos pergit. — Vos volo. | — Et nos te. | — Ut iussisti. — Huc spectare non videntur: Asin. 3, 3, 43: argenti viginti minae me ad mortem adpulerunt; Mil. 4, 6, 58: postquam te adspexit. — Viri quoque armati idem istuc faciunt, ubi melius post mortem in thesi et post quoque in caesura concursus*

<sup>1)</sup> v. Vahl. Herm. 17 a. 1882 p. 600 sq.

<sup>2)</sup> De hiatu qui post vocabulum creticum fit, v. infr. Sentent. contr. I; cf. Lachm. ad. Lucr. VI 743 p. 388.

vocalium efficitur; neque Poen. 5, 4, 88: . . *at me | ita di servant*, in quo Geppertus recte transposuit *at ita me di servant*<sup>1)</sup>).

In octonario trochaico non coniunguntur pronomina: Aul. 5, 14: *quod ego facinus audio ex te?* | — *Eucioni huic seni subripui*; Capt. 2, 1, 43: *audio*. — *Et propterea saepius te | ut memineris moneo*; Men. 4, 2, 21: *agere aut quicum licitum est: ita me | attinuit, ita me detinuit*; Pers. 1, 1, 13: *quis illic est qui contra me astat?* — *Quis hic est, qui contra me | astat?*<sup>2)</sup>

Denique in iambico octonario Capt. 4, 1, 12: *coniciam in col- lum pallium, primo ex me | hanc rem ut audiat*, in dimetro trochaico Epid. 1, 1, 70: *quid istuc ad me | attinet?*

## 2. De i vocali.

Iam i vocalis ultima corripitur in his vocabulis *i di mi qui si*. Imperativus *i* non eliditur Asin. 5, 2, 91: *i domum*. — *Da savium etiam prius quam abis*. — *I | in crucem*. Ceteris locis ante imperativum hiari potest et melius hiatur. Poen. 5, 5, 30: *lubet?* — *Ita dico*. — *Ligula, i in malam crucem*; Truc. 2, 3, 8: *sed obsecro hercle, Astaphium, <i> intro ac nuntia* (tu *i intro* necessario scribendum esse vix quisquam Schoellio (praef. 16 adn. 3) credet); Poen. 4, 2, 51: *volucres tibi erunt tuae | hirquinae*. — *<I> in malam rem*. — *I tu atque erus*; Pseud. 3, 2, 57: *it incenatus cubitum*. — *I in malam crucem*; Truc. 3, 2, 28: *quian 'nihili' dico?* — *I intro amabo: cedo manum*.

*Di* nomen non coniungi Ussingius vult, quamquam post *hercle* interiectionem hiatum statuere licet, Merc. 2, 3, 99: *hercle illunc di infelicit, quisquis est*. — *Ibidem mihi*. Quod autem Fleckeisenus pro *di illos homines* scribendum proposuit Men. 2, 2, 34: *habitas?* — *Di | homines, qui illic habitant, perduint*, genus erroris male perspexit; id enim librarii peccaverunt, quod hoc loco, ut permultis aliis, frequentativam formam *habitas* pro primitiva *habes* posuerunt.<sup>3)</sup> Denique in asseverandi verbis *ita me di ament* Lorenzius (adn. crit. ad Most v. 170 editionis alterius) *di* cum hiatu legit. Neque improbabilius hoc statuitur; nam idem vocabulum non modo in arsi non eliditur, ubi *ita me di ament* monometrum trochaicum efficitur; verum etiam in anapaestis versibus; v. Pseud. 4, 1, 33. Sed cum vocales coniungere pravam non sit, eius modi versus adscribere nolui.

Vocativus *mi* duobus exemplis comprobatur, quorum alterum ne Ritschellius quidem impugnavit, Asin. 3, 3, 74: *da meus ocellus*,

<sup>1)</sup> v. Kellerhoff, De colloc. verb. Plaut. quaest. select. Argent. 1881. p. 31 sq.

<sup>2)</sup> 'contra' et spondeum et trochaicum efficere exposuit Usener, de Pseud. scaena II Ind. schol. aest. Univ. Gryph. a. 1866 p. 10 sq. — Aliter Brixius Emend. Plautin. Brieg. 1847 p. 10.

<sup>3)</sup> sic Vahlenus Ind. lect. aest. Un. Ber. 1880 p. 13.

*mēa rosa, mi | dñime, mea volūptas*; Mil. 4, 8, 20: *o mei oculi, | o mi | anime.* | — *Obsecro, tene mulierem.*

Saepe exhibitur pronomen relativum *qui*: Amph. 3, 4, 2: *nec quisquam tam audax fūat homo, qui | óbviā obsistat mihi*; Asin. 3, 3, 40: *qui | hódie numquam ad vésperum vivdm.* — *Quapropter quaéro?* Aul. 3, 2, 23: *etiam rogitas? scelēste homo, qui | anglos ómnis*; Bacch. frg. v. 8 R.: *qui | ilico errat intra muros civicos*; Merc. 4, 1, 10: *qui | hanc vicinī nostri | aram | augeam*; in hoc versu prorsus nihil offendit nisi hiatus. Quo fit, ut in emendando viri docti inter se magnopere dissideant. Memoria dignum videtur quod Ussingius edidit *nostri <rite> aram*. Syrae autem nomen, quod Camerarius in extremo versu addidit, facile reponitur, cum codices iniuria proximo versui Syrae personam praemittant, — apte adici non puto. Mil. 2, 5, 42: *neque moror neque vos qui | homines sītis novi neque scio*; Truc. 5, 17: *respice ergo, | accipe hoc, qui | istuc ecfcias opus*; de priore huius versus hiatu infra dicitur. — Vix addendus est Pseudoli versus, quem libri vitiose tradunt Pseud. 4, 7, 118: *symbolum qui | hoc accepit . . .*, quod saltem *symbolum . . hunc* dicendum fuit; v. Lor. adn. crit. ad Ps. 648. Sed optime sententiae convenit quod Bothius voluit *qui <ab> hoc*. — Neque eos senarios in hoc numero habuerim, in quibus si cum Ussingio Ritschelio in caesura hiatur, verborum accentus cum numero consociatur: Bacch. frg. v. 6: *qui annis viginti | errans a patria afuit*; Curc. 1, 1, 55: *qui e nuce nuculeum | esse volt, frangit nucem*; Stich. 5, 1, 3: *qui hercle illa causa | octus nihilo venit*; hanc Ambrosiani scripturam Ritschelius (N. exc. 1,73) ita probat, ut *causad* substituat, antea ceteros libros secutus edidit *nihilo citius advenit* sicut in versu quinto *nihilo citius veniet*: quam repetitionem, etsi offensioni non est, contra codicum memoriam non inferemus. — Falso exhibentur in libris: Bacch. 2, 3, 98: *quine auro | habeat (qui cod.)*. Men. 3, 1, 6 sq.: *illum . . perduint, qui primus <hoc><sup>1)</sup> commentus est Contionem habere, quae homines occupatos occupat*; ubi *hac re qui* vel *ha re qui homines* in libris est. Poen. 2, 3: *(qui immolarit) Quive ullum . . et Poen.* 3, 3, 93: *quin hercle accipere . .*, in quibus *qui | ullum ex Rescripto, qui | hercle ex Palatinis solis* adfertur; neque *qui hercle* pro *hercle qui* dictum defenditur versu 4, 2, 88, in quo Palatini illi quidem *qui hercle* habent, sed in Ambrosiano recte *quin* scribitur; cf. Fleckeis. Misc. crit. Dresd. 1864 p. 28 sq. et p. 30.

Denique particula *si* ante vocales ponitur Aul. 2, 7, 5: *si | autem deorsum comedent, si quid cowerint*; ita enim vox *deorsum* hoc quoque loco bisyllaba fit; v. Muell. Pros. p. 451 sq.; Uss. Proleg. p. 214. Aul. 3, 2, 25: *ibi ubi tibi erat negotium, ad focum si | adesses*; sic cum Spengelio (de emend. metr. p. 298) dimetior, non quod putem alteram versus Reiziani partem esse anapaestum monometrum hypercatalectum, sed quia altera huius tripodiae iambicae thesis

<sup>1)</sup> 'hoc' addidit Vahlenus; cf. Herm. 17 p. 608 sq.



brevis esse non solet. Bacch. 3, 3, 29: *quom librum legeres, si | unam peccavisses syllabam*; Bacch. 4, 4, 46: *quem si | orem, ut mihi nihil credat, id non ausit credere*; sic Ussingius, quamquam dativus *mihi* in altera syllaba acui potuit. Men. 3, 2, 37: *si | aequom facias, mihi odiosus ne sies*, quamvis non alienum a Plauti more loquendi sit *si te aequom*; cf. Vahl. adn. Mil. 4, 8, 46: *et si | ita sententia esset, tibi servire malui*, quam elocutionem Ussingius tutatus est. Pseud. 2, 1, 12: *atque ad hoc meas legiones adducam. si | hoc expugno*, quem versum octonarium trochaicum esse cum Ussingio existimo. — Dubitari potest de his locis Bacch. 1, 1, 1: *quid? si | hoc potis est, ut taceas, ego loquar!* — *Lepide; licet*; sic enim in libris scriptis traditur; neque necesse erat pronomina inter se contraria suo quoque loco addi; vide Ussing. ad Epid. 351; ubi adde Epid. 3, 2, 1 (*tu non iam delendum est*); Curc. 2, 3, 26; Merc. 2, 3, 119; Mil. 3, 1, 216; Most. 1, 1, 63; Truc. 5, 63 (*tu peregrinus es, hic habito.* .). At cum Charisius praebeat *ut tu taceas*, in codicibus Plautinis pronomen *tu* errore intercidissee censendum est. Capt. 2, 1, 2: *decet id pati animo aequo; si | id facietis, levior labos erit*; sed Brixius legi vult *decet id pati animo aequo; si id . .*

In alia versus sede non minus recte hiatus statuitur Asin. 2, 3, 9: *si istoc exemplo omnibus qui quaerunt respondebis*; Most. 5, 1, 42: *quid si igitur ego accersam homines?* — *Factum iam esse oportuit*; Truc. 5, 44: *nunc si hanc tecum esse speras, alia opust auri mina*; in hoc versu aut *si* aut *tecum* non eliditur; itemque in secundo aut *si* aut *accersam* (v. infra); in primo, qui est septenarius iambicus, Ritschelii (N. exc. 1,62) *exemplod* posuit. De Pseud. 4, 6, 9 v. inf. cap. II § 4. — Eximendi sunt Poen. 5, 2, 45: *si | est, nega esse . .*, ubi *si ita est* cum Camerario aut cum Gepperto *id si est* non poterit non scribi; Aul. 1, 1, 9: *si | hodie fustem . .* Bacch. 1, 1, 12: *nam haec si | habeat aurum, quod illi renumeret, faciat lubens*; ita enim hos versus solus Vetus codex habet; reliqui in altero transponunt *nam si haec habeat . .*, in priore addunt *hercle*, quod in Vetere altera manus suprascrispsit.

His vocabulis adiungenda non erant *hi* aut *ni*. Illud libri exhibent Amph. 3, 3, 19: *iam hi | ambo, et servos et era, frustra sunt duo*; sed rectissime hisce editores reposuerunt; v. Schmidt de pron. dem. p. 27. Post alteram vocem *ni* hiatum esse Ussingius putabat Men. 3, 2, 6: *non hercle is sum qui sum, ni | hanc iniuriam*; at si hic verborum sonus cuiquam placere possit, non hiandum, sed *nisi* scribendum sit; ipse interiectionis *hercle* vocalem extremam servari credo.

### 3. De o vocali.

Tertio loco de o correpto dicere institueramus. Corripitur autem in voce *pro*: Poen. 5, 4, 65: *dato mihi pro | offa saviū, pro | osse linguam obcito*. Neque vero huc pertinere videtur Curc. 5, 2, 20; v. cap. II § 2. — Commemoranda erat vox *pro*, si verum esset

quod codices Decurtatus et Vaticanus habent Poen. 3, 1, 32: *quod tu invitus numquam reddas domino, de quo | ederis*; sed ex Veteris scriptura *de quioederis* Buggius vere *de quioio ederis* eruit<sup>1)</sup>.

#### 4. De u vocali.

Proximum est, ut de *tu* pronomine disseram. Hoc igitur saepissime non coniungitur; vide Amph. 2, 1, 46: *feri nunc uti<sup>2)</sup> tu | hic sis et domi? id dici volo*; Asin. 5, 2, 47: *ain tandem? edepol ne tu | istuc cum malo magno tuo*; Ussingius (Prol. p. 198) priorem verbi *ain* syllabam longam esse contendit propter duos Amphitruonis locos, quibus *ain vero* ditrochaicum efficiat (1, 1, 128 et 188) aliosque. Postea sententiam commutasse videtur; nam in Mostellariae et Poenuli versibus (quos paulo infra adscribam) *ais tu* cum hiato pronuntiandum disertis verbis adnotat. Et recte hoc adnotat; nam quod Priscianus de littera i geminata tradit, ad ea vocabula spectat, in quibus illud i producta vocalis praecedit; velut in *maius aio* (h. e. mag-jus ag-jo) al. In Amphitruone autem qui *ain tu vero* cum Ritschelio (Prol. Trin. p. 190) recipere non vult, ei *aisne vero* vel *aine vero* reponere licet; cf. tamen Muell. Suppl. pros. p. 100 sq. Curc. 2, 3, 44: *pernam, abdomen, sumen sumes, glandium*. — *Ain tu?* | *omnia haec?* Epid. 1, 1, 71: *quó tu | intereas modo?* Men. 2, 3, 28: *ubi tu | hunc hominem novisti?* | — *Ibidem ubi hic me iam diu*; Ritschelii scriptura *tute* gravior pronominis vis existit, quam quae huic sententiae conveniens sit (cf. Muell. Pros. p. 580). Men. 3, 2, 48: *omnis cinaedos esse censes, quia tu | es?* de quo cf. Speng. Plaut. p. 136. Merc. 1, 2, 77: *eho tu, | eho tu, quin cavisti, ne eam videret, verbero?*<sup>3)</sup> Merc. 4, 1, 11: *da sane hanc virgam lauri. | abi tu | intro*. — *Eo*; Mil. 1, 1, 45: *sunt, omnes quos tu | occidisti uno die*; voc. *omnes* pro *homines* Studemundus<sup>4)</sup> restituit; aliter iudicat Ussingius. Mil. 5, 19: *quod tu | hodie hic verberatu's aut quod verberabere*; Most. 3, 1, 65: *quid ais tu, | hominum | omnium taeterrume?* sic cum libris Palatinis scribendum censeo; si cum Rescripto *omnium | hominum taeterrume* reciperemus, incisio versus desideraretur. Et haec tam similia vocabula a librariis facillime permutari potuerunt. Poen. 1, 2, 183: *ut tu | huic irata ne sis aut, si id fieri non potest, Capias restim ac te suspendas*; editores aut

<sup>1)</sup> nam 'quouis' non solum pronomen interrogativum — in interrogatione recta ponitur Curc. 1, 2, 18 et 2, 1, 14; Bacch. 4, 9, 55; Merc. 4, 3, 20; Pseud. 2, 4, 11; Stich. 2, 2, 46; Trin. 1, 2, 7; in pendentia Merc. 1, 2, 87; 3, 1, 31; 4, 3, 21; 5, 2, 23 — verum etiam relativum est; v. Bergk. Symb. p. 59 sq.; adde Epid. 2, 1, 109 et Pseud. 4, 4, 5.

<sup>2)</sup> in libris 'ut' exhibetur, quod tum demum retineri possit, si 'feri' in medio versu creticum pedem expleat. Nec tamen ullum huius dimensionis exemplum repperi; nam Poen. 5, 2, 96: 'quid ais? qui potuit fieri, ut Carthagini' post 'feri' hiari infra videbimus.

<sup>3)</sup> hunc versum Plautinum esse Ussingius vol. III 2 praef. p. 4 concedit.

<sup>4)</sup> Annal. 93 a. 1866 p. 62.

particula post *huic* addita orationem corrumpunt; nam *huic* ad prius, non ad posterius membrum spectat. Poen. 5, 2, 25: *quid ais tu?* | *ecquid commemorasti Poenice?* Pseud. 1, 2, 85: *unctiusculô?* | *sed scio, tu | ôleum haud magni pëndis; vino;* Pseud. 4, 7, 43: *quid iam?* — *Quia tu | ipse ipsum praesens praesentem vides;* sic Ussingius praeceunte Luchsio<sup>1)</sup> versum restituit; litteraeque in spatium conveniunt, quod Ambrosianus praebet. Ceteri codices *te* habent, unde Ritschelius (N. exc. 1, 39) *tute* scribi vult. Stich. 5, 7, 3: *fac tu hóc modo.* — *At tu | hóc modo.* — *Babae.* — *Tatae.* — *Papae.* — *Pax;* Ritschelius priorem *modo* vocem in persona mutata non elidit censuit: mihi prorsus idem verborum *hoc modo* sonus valde displicet. Trin. 3, 1, 5: *non credibile dices.* — *At tu | edepol nullus creduas;* in libris est *tua edepol*, quod interpretandum *tu aedepol* ut in versibus satis multis.<sup>2)</sup> Atque cum hic vocabulorum ordo *tu edepol nullus* usui Plautino prorsus respondeat (v. Brix. adn. crit. ad h. v.), stultum est transponere *tu nullus edepol*, cum praesertim ille hiatus caesura defendatur. — Hisce exemplis adiungi possunt Capt. 3, 4, 11: *equidem tam sum servos quam tu, | etsi ego domi liber fui;* Capt. 3, 5, 10: *tuos sum;* *tu | has quidem vel praecidi iube;* Epid. 2, 2, 95: *secus sententia [est].* — *Immo docte.* — *Quid tu | ais, Apocides?* Most. 3, 1, 58: *eu | hercle ne tu | abi modo; ausculta mihi;* quamquam *tuus* et *ais* in versibus secundo et tertio bisyllaba esse possunt, in primo et quarto *domi* et *abi* non falso in syllaba posteriore acuuntur; porro Capt. 2, 1, 28: *nam si | erus mihi es tu dtque ego me tuom esse servom adsímulo;* Men. 5, 2, 76: *viden tu illi oculos virere? ut viridis exoritur colos?* Most. 3, 2, 123: *tamquam?* — *Ah, cave tu illi obiectes nunc in aegritudine;* Pseud. 1, 5, 75: *memini.* — *Quor haec, tu ubi rescivisti ilico;* Trin. 2, 4, 46: *homo ego sum, | homo es tu: ita me amabit Iuppiter;* in his V versibus in alia sede, non post *tu*, hiari potest: in primo post *mihi*, in altero post *illi* (cf. Lachm. ad Lucr. III 941 p. 195), in tertio aut post *illi* aut in oratione finita, in quarto ante extremum creticum, in ultimo post alterum *homo*. — Admodum suspectus est v. Mil. 2, 3, 27. Neque magis huc pertinet versus, qui in supposito Poenuli exitu<sup>3)</sup> legitur Poen. 5, 7, 7: *qui hasce emi. | — Et tu | ipse peristi, Lyce;* nam in Rescripto *tute* extat. Id quoque eximendum videtur, quod legimus Trin. 2, 4, 181: *tu | istuc cura . . ;* aptissime enim, si modo versus inde a 2, 4, 175 in pristinum ordinem Ritschelius revocavit, scribitur: *(eo) tu istuc cura . .*

## 5. De ae diphthongo.

Haec de *tu* correpto; nunc venio ad pronomen relativum *quae*, quod his locis cum hiatu ponitur: Capt. 2, 2, 13: *secede huc; nam*

<sup>1)</sup> Herm. 6 a. 1872 p. 276.

<sup>2)</sup> severius iudicat Ritschelius Prol. Tr. 195.

<sup>3)</sup> spurios esse versus a 5, 6, 18 ad 5, 7, 16 Ussingius ad v. 1352 demonstrat.

sunt quae | ex te solo scitari volo; Capt. 3, 3, 4: neque [exilium] exitiost neque adeo spes, quae | hunc mihi aspellat metum; Mil. 2, 5, 29: egone? — Tu. — Quae | heri | Athenis Ephesum adveni vesperi; editore s auctore Ritschelio ne post tu interponere solent, qua re legitimus ille hiatus quae | heri Athenis efficitur; Muellerus vero hunc quoque hiatum expellit, cum scribit egone? Tu (ne). Quae(ne) heri Athenis. . . Atque potest ne affirmativum addi; v. Fleckeiseni Analecta Plaut. (Philol. 2 a. 1847) p. 91 sq.: nec tamen necessarium est, quia Most. 4, 2, 39 scriptum videmus: egone? — Tu. — Tu ne molestus's . . ; cf. Amph. 2, 1, 25: . . egone? — Tu istic. . ; Men. 4, 2, 88; 5, 5, 35. Poen. 5, 4, 78: ubi sunt eae aut quae? | obsecro. — Satis idem sunt maceratae. Adiciendus erit versus Reizianus Aul. 3, 2, 19: utinam mea mihi modo auferam, quae | attuli, salva! nam attuli in hoc metro pro dactylo pede poni posse suo iure Wagnerus probavit<sup>1)</sup>. — Huc referri non debent Mil. 3, 1, 12, ubi duriores numeri levantur Ambrosiano codice, aut Merc. 1, 2, 33. Neque minus omittendum censeo Asin. 3, 2, 39 sq.: manedum. — Quid est? Philaenium | estne haec, quae | intus exit Atque Argyrippus una? — Opprime os; is est; subauscultemus; nam cum versus 40 metrum turbatum sit, cum Grutero atque particulam in priorem septenarium retraxerim nullo hiatu, in proximo pronuntiaverim: Argyrippus una. | Opprime . . (cf. Muell. Pros. 230 sq. et 263 sq.).

Quod autem hae non coniunctum Decurtatus et Vaticanus praebent Most. 1, 3, 9: madent iam in corde parietes; periére hae | oppido aedes, Vetus liber haec formam vere tradidit; v. Schmidt. de pr. dem. p. 42.

## 6. De oi diphthongo.

In oi exitum habet pronomen quoi, quod ante vocales collocatum quattuor locis thesim explet: Asin. 2, 4, 53: suscenseat, quoi | omnium rerum ipsus semper credit; in libris scribitur qui h. e. cui. Asin. 4, 1, 33: spectandum ne quoi | anulum det neque roget; Pylades Ritschelius alii quoiquam scribi voluerunt: quo fieret, ut in tribus deinceps versibus (32—34) idem pronomen quoiquam haberemus. Curc. 4, 2, 45: quoi | homini di sunt propitii, lucrum ei profecto obiciunt; atque eadem verba cum eodem hiatu in trochaico septenario legimus Curc. 4, 4, 1: quoi | homini di sunt propitii . . Pers. 1, 3, 40: nihili parasitus est, quoi | argentum domist. — Accedit huc, si verum est quod Madvigius coniecit Mil. 2, 6, 105: quoi | id adimatur, ne id quod vidit viderit, ubi Ambrosianus quin id, reliqui quod vel quod in praebent. Brixius igitur hoc loco, ut Goetzius Ritschelius (ad Trin. 358 edit. alt.)<sup>2)</sup> bisyllabam formam quoi restituit; eamque iis locis firmari putant, quibus quoi ante vocales arsim efficit (Amph. 3, 1, 1; Trin. l. l.); sed vide infra Sent. contr. I.

<sup>1)</sup> Aul. ed. II Cantabr. 1876 Proleg. p. 27.

<sup>2)</sup> v. Buecheler. de declin. Lat. Lips. 1866 p. 59.

7. De extremo am.

Hae sunt monosyllabae voces in longam vocalem vel in diphthongum cadentes; nunc eas consideremus, quae in consona finiuntur. Hanc igitur litteram vocalis a praecedit in tribus vocabulis *iam nam quam*.

*Iam* non coniunctum his exemplis defenditur: Aul. 2, 3, 7: *atque occlude aedis. iam | ego | hic adero*. — *Quid ego nunc agam?* Spengelius (Plaut. p. 223) vix recte *occludito* scribi iubet, Goetzius cum Guyeto transponit *atque aedis occlude* . . Capt. 3, 5, 91: *peristis, ni hunc iam | e conspectu abducitis*; Epid. 5, 2, 3: *tace; sine modo me hominem apisci*. — *Dico ego tibi iam, | ut scias*; initium versus Goetzius restituit pro *tace sis modo sine me* . . Trin. 2, 4, 181: *<eo> tu istuc cura quod iussi: ego iam | hic ero*; Ritschelii satis moleste *te ante iussi* addit. Truc. 2, 6, 57: *perii | hercle miser: iam | auro contra constat filius*; Spengelii coniectura *aurichalco contra* uterque hiatus haud improbabilius tollitur; atque in fabulis et hoc et illud invenitur (cf. Uss. ad Curc. 201). Sed illa orationis vanitas milite dignior est, quam ut aliqua pars inde detrahatur. Goetzii vero scriptura *perii hercle <ego> miser: iam <mi> auro* . . probabilitate caret. Truc. 2, 7, 51 et 52: *verbum unum adde istoc: iam | hercle | ego te hic hac offatim offigam*. — *Tange modo: iam | ego | hic agnum faciam et medium distruncabo*; in priore versu facillime cum Spengelio *iam* duplicatur. In altero idem vir doctus *hac* post *hic* inseruerat; quod cum caducum sit — v. Schoellii adnot. —, postea (de em. metr. p. 425) *agnum <te> faciam* ei placuit. Et hoc habet quo se commendet; id tamen fieri nulla ratione potest, ut anapaesti versus sint. — Adnumerandus est, nisi forte *abi* in posteriore syllaba acuere mavis, v. Amph. 1, 3, 45: *eamus, Amphitruo; lucescit hoc iam*. — *Abi prae, Sosia*. — Porro duobus locis codex Alter Camerarii tradit: Mil. 4, 9, 11: *ipsus illic se iam | impedivit in plagas*; Pers. 1, 3, 11: *iam | adfuturum* . .; sed in Vetere sunt *sese (illicese)* et *iam hic adf*. Neque aliter in Poenulo Ambrosianus *dilidam*, ceteri cum hiato adferunt Poen. 2, 46a: *colaphis quidem hercle tuom iam | elidam caput*.

Alterum vocabulum *nam* hiatum recipit Aul. 4, 5, 3: *nam | hic iam non audebit aurum abstrudere*; Epid. 1, 1, 48: *vae misero mihi! male perdidit me!* — *Quid istuc? quidnam | est?* Men. 1, 1, 6: *nam | homini misero si ad malum accedit malum Maior lubido est fugere* . . Muellieri *nam <hoc> homini* deteriore facit orationem, quia dativus *homini misero* non solum cum sententia condicionali *si* . . *accedit*, verum etiam cum primaria sententia *maior lubido est* . . copulandus est. Men. 2, 2, 18: *nam | equidem insanum | esse te certo scio*; Mil. 2, 4, 7: *dispessis manibus patibulum quom habebis*. — *Quamnam | ob rem?* Pers. 2, 3, 14: *nam | id demum lepidum est, triparcos [homines], vetulos, avidos, aridos, quem verum Ritschelii pro septenario trochaico accipit; ipse ab hoc versu iambicos octo-*

narios incipere persuasum habeo, ut una cum sententia metrum mutetur. Poen. 5, 2, 94: *nam | haud repudio hospitium neque Carthaginem*. — Si Goetzius recte dimetrum iambicum descripsit, huc pertinet Aul. 2, 1, 17: *ubi east, quis east nam | optuma?* Spengelius (de emend. metr. p. 339) versum trochaicum esse putat. — Aliquid dubitationis inest in his exemplis: Capt. 4, 4, 13: *nam | <hóc>, hic quidem ut adórnat, aut iam nihil est aut iam nihil erit*; sic cum Lindemanno Ussingius; Pers. 2, 4, 27: *nam | úmbra mea intus vápulat*. — *Ut istúnc di deaeque pérđant*; ita enim codices Palatini; Ritschelius autem, cum Ambrosianus post *mea* trium litterarum spatium praebeat, *iam* inseruit. Incerti sunt, quoniam non minus recte in alia versus sede hiatus statuitur, hi senarii: Curc. 3, 28: *nam illaec catapultae ad me crebro conneant*; Men. 1, 1, 22: *nam illic homo homines non alit verum educat*; Pers. 4, 3, 43: *nam is mihi honores suae domi habuit maximos*; quorum in primo Ussingius vocem *catapultae* coalescere negat; in reliquis vocabula *homo mihi* cum hiatu corripí posse postea videbimus. Haud minus ambigui sunt septenarii iambici Curc. 4, 2, 37: *nam et operam et pecuniam benigne prae buisti*; Truc. 1, 2, 97: *nam equidem illi uterum quod sciam numquam extumere sensi*; ibi enim *nam* aut *operam* integrum manet, hic aut *nam* aut *illi*, si Rescripti auctoritate utimur; Spengelius ceteros secutus dimetitur *nam equidem uterum illi quod* . . In Stichio Ritschelius (N. exc. 1, 38) *med* recipit, Spengelius *nam* confundere non vult Stich. 1, 3, 5: *nam illa me in alvo mensis gestavit decem*. — Vix tamen — ut Stich. 2, 2, 6 hoc loco omittam — Ussingio assentiemur, cum in caesura hiari adnotat Pseud. 1, 3, 116: *quín tu te occídís potius? nam hunc fames iam occiderit*; immo verissime *ted* probavit Ritschelius (N. exc. 1, 38). — Denique certo detrahendi sunt: Epid. 1, 1, 64: *mitte nunc íám <me>*; *nam ille mé vetuit domúm venire*, ubi *me* Camerarius inseruit conlato v. 69; Merc. 3, 1, 10: *namque edepol equidem* . . , ubi *nam* in Decurtato et Vaticano, *namque* in Vetere et Ambrosiano extat.

Iam pronomen relativum *quam* uno loco thesim explet subsequente vocali: Truc. 1, 1, 51: *quos quidem quam | ad rem dicam in argentariis*. — Saepius adverbium *quam* invenitur: Aul. 3, 2, 10: *etiám rogítas? an, quia minus, quam | aequum erat, fécí?* Brixius *me* interponit; sed cf. Men. 3, 2, 37 (supr. § 2). Bacch. 4, 9, 8: *nunc prius quam | huc senéx venit, lubet lámentari, dum éxeat*; Epid. 1, 1, 82: *fidicinam emít, quam iste [ipse cod.] amat, quam | abiéns mandavit mihi*; Men. 4, 3, 1: *quis hic me quaerit?* — Sibi inimicus *magis quam | aetati tuae*; atque haec brevitás loquendi Menaechmum magis decet, quam quod Ritschelius eum dicentem facit: *magis <quist> quam* . . Merc. 4, 3, 16: *faciunt quam | illi, qui non fiunt rustici*; Mil. 2, 3, 80: *nec quoiquam quam | illi <in> nostra meliust famulo familia*; quod Ritschelius induxit *alii* optimo iure omittit Brixius, qui conectit verba *meliust quam illi*. Mil. 4, 6, 44: *nasó*

*pol iam haec quidem plus videt quam | oculis.* — *Caeca amōrest;* Most. 3, 2, 165: *tam placidast quam | est aqua.* <quō>vis ire intro audacter licet, ubi quōvis Buggius restituit. Stich. 4, 2, 26: *non tu scis quam | afflicentur homines noctu hic in via?* sic bene cum Palatinis libris Ambrosianus teste Goetzio; cf. Vahl. Herm. 17 p. 598. Trin. 2, 4, 174: *natust quam | illud est 'spondeo' natum mihi;* Truc. 2, 7, 66: *captiost istaec: machaeram longiorem habes quam | haec est,* in quo octonario Spengelius <tu> habes voluit; Schoellius cum in ultimo versu *haec meast* poneret, septenarium effecit. — De nonnullis locis certum nescimus: Curc. 2, 3, 26: *haud <me> magis cupis, quam ego te cupio.* — *O mea opportunitas,* ubi cum Muellero *ego* producta syllaba posteriore legi potest. Paulo improbabilius *me* post *magis* additur a Goetzio in hunc modum: *haud magis [mage Goetz.] <mē> cupis quam ego te cupio.* | — *O mea opp.* Epid. 2, 1, 10: *neque sexta aerumna acerbior Herculi quam | illa mihi obiēctast,* qui versus septenarius iambicus esse nequit; Goetzius non sine dubitatione *quam mi illa* edidit, Seyffertus (v. Goetz. Curc. praef. 18) *illi* in *Herculi* locum substituit. Pers. 2, 2, 37: *numquam ecastor hodie scibis prius quam | ex te audivero;* Ritsch. *ted* scripsit (N. exc. 1, 38). — Eximendus est, quoniam Rescriptus *numquit*, non cum ceteris *num* adfert, versus Trin. 1, 2, 161: *numquid prius quam abeo, me rogaturu's?* — *Vale.*

#### 8. De extremo em.

In em cadunt hae voces *dem quem rem.*

Ille coniunctivus certo exemplo defenditur Capt. 2, 3, 89: *sequere me, viaticum ut dem | a tarpexita tibi.*

Iam pronomen *quem* in thesi ponitur Asin. 4, 1, 24: *ad eorum ne quem | oculos adiciat suos;* cf. sup. § 6 ad Asin. 4, 1, 33; Trin. 2, 1, 10: *amōris artis eloquar quem | ad modum se expēdiant;* septenarium iambicum ducibus libris descripsit Spengelius (de em. metr. p. 418), cui tamen *quemnam* ad . . placuit. — Nescio an addendi sint Amph. 4, 3, 6: *quid ego <ago>, quem | advocati iam atque amici deserunt?* ita Gruterus versus mutilum supplevit; sed cf. Speng. Plaut. p. 41. Trin. 3, 3, 63: *illum quem | habuit perdidit,* [aliū post] *fecit novom,* in quo *aliū* post Ritschelium expulit, aliter Lachmannus ad Lucr. II 719 p. 116.

Accusativus *rem* non eliditur his locis: Epid. 4, 2, 26: *quid? ob eam rem | hanc emisti, quia tuam gnatam es ratus?* Men. 3, 1, 8: *non ad eam rem | otiosos homines decuit deligi?* id quod non cum Ritschelio *rem <hercle> otiosos,* sed sententiae causa cum Vahleno *non <sallē> ad . . scribi potest.* Men. 5, 1, 37: *ut veniat ad me: | ita rem | esse dicito;* Ritschelium voluisse *rem natam* esse supra diximus. Stich. 1, 3, 55: *ipse egomet quam ob rem | auc-tionem praedicem;* Ambrosianus hunc quidem versus praetermisit, sed duos alios (v. 79 et 80) hoc quoque loco scriptos habet. Qua de causa v. 55 deleri solet ut interpretamentum versus 53: *dicam*

*auctionis causam, ut damno gāudeant* — *Nam curiosus nemo est, quin sit malevolus* —, *Ipse egomet quam ob rem auctionem praedicem*. Mihi tamen haec copia dicendi eo minus a Plauto abhorrire videtur, quod hoc loco aliquid novum adnectitur<sup>1)</sup>. Trin. 3, 3, 71: *uxorem quoque ipsam | hanc rem | ut celes face*; Bothius *uti* edidit; *eampse* Ritschelio in mentem venit. — Adnumerare possumus cum Fleckeiseno Spengelio Poen. 3, 3, 66: *cum illoc te meliust tuam rem, | adulescens, loqui*, quo in versu *tuam* postponi non debebat; sed cum Rescriptus verbum substantivum nomini *melius* adiunctum habeat — ceteri *melius* exhibent, ut v. 64 —, possit sane fieri, ut talimodo legamus: *melius est tuam rem, ad.* . . Atque e Trinummo afferri posset Trin. 3, 2, 26: *atque istum ego agrum tibi relinqui ob eam rem enixe expeto*, nisi cum Bergkio *denixe* ex Placidi glossa sumendum esset. Neque Palatini libri comprobandi sunt, qui in Pseudolo haec produnt: Pseud. 1, 2, 63: *lānios, qui | ūem ut nōs iurando iūre malo quaerunt rem, | audi*; Ambrosianus enim post *malo* aptissime *male* inserit.

#### 9. De extremo om.

Sequitur ut de *quom* correpto disseram. Ea igitur particula thesim efficit: Curc. 1, 1, 22: *quom | illa noctu clanculum ad me exit, tacet*; Men. 3, 1, 1: *plus triginta | annis natus sum, quom | interea loci*; Ritscheliu in exemplari scripsit: *plus triginta natus annis <ego> sum*; Muellerus *iam* vocabulum vel eodem loco reponit vel sic collocat: *plus triginta <iam> sum natus annis quom* . . vel aliter. Optio igitur nobis data est! — Ambiguum est iudicium Mil. 3, 1, 216: *ut, quom | etiam hic aget, actutum partis defendas tuas*, ubi *aget* producta syllaba posteriore pronuntiari potest, neque opus est *tu* pronomen inserere; cf. supr. § 2 ad Bacch. 1, 1, 1. Merc. 5, 4, 19: *quem quidem hercle ego, in exiliū quom ibat, reduxi domum*; Ussingius, qui *ibat* pro *iret* inter alia suaserat, in incisione hiari voluit; ipse maluerim *hercle* interiectionem non elidere. Neque aliter in his Bacchidum et Poenuli senariis in caesura, nullo pacto post *quom* concursus vocalium accidit: Bacch. 2, 3, 70: *quom extemplo a portu | ire nos cum auro vident*; Poen. 3, 5, 46: *eheu, quom ego habui | ariolos haruspices*; Poen. 5, 3, 19: *quom huc advenisti | hodie in ipso tempore*. — Denique rectius cum Placido Lactantio *quando* scribimus quam *quom* vel *qūm* quod codices praebent: Men. 2, 1, 2: *maior meo animo, quam quando ex alto procul*.

#### 10. De extremo um.

Quoniam de litteris *am em om* ultimis dixi, reliquum est ut recenseam, quae voces in *um* exitum habeant. Sunt autem hae: *cum dum num sum tum*.

<sup>1)</sup> de enuntiato interposito cf. Vahl. Ind. lect. aest. Ber. 1880 p. 12 et 15; Brix. ad Mil. 801.



Cum praepositio in tredecim versibus integra manet: Amph. 1, 1, 245: *qui cum | Amphitruone hinc una | iveram | in exercitum*, quem versum corrigi non posse Goetzius libere profitetur. Neque vero eam ob causam spurium eum existimo; immo tam alter hiatus in incisione, quam tertius post creticum vocabulum factus veniam legitimam habet; v. infr. Sentent. contr. I; cf. Speng. Plaut. p. 178; Luchs. in Studem. Stud. I. 1 p. 22 sq. Amph. 1, 2, 36: *cum | Alcumena | uxore usuraria*; cf. Fleckeis. Annal. 61 p. 52 sq.; Ritsch. Opusc. phil. III (Lips. 1877) p. 125 sq. Asin. 2, 2, 66: *animum advorte, ut aequae mecum | haec scias. — Taceo. — Beas*; Bacch. 4, 4, 5: *quicum | ego bibo, quicum | edo et amo*, qui versus ex duobus tripodiis trochaicis catalecticis constare mihi videtur, ut antea *nunc amanti ero, filio senis et callidum senem callidis dolis*; Ritschelius Spengelius (de emend. metr. p. 95) pro dimetro iam-bico acceperunt. Bacch. 4, 4, 11: *improbis cum | improbus sit, harpaget (cum) furibus*; quem versum liberos secuti tetrametrum creticum, non trochaicum intellegunt Spengelius Pl. p. 162, Weisius (De Bacch. Pl. retractat. quae fertur Ber. 1883 p. 45 adn.). Capt. 1, 1, 25: *ita nunc belligerant Aetoli cum | Aleis*; atque hic hiatus ea re firmatur, quod in prologo (v. 24) prorsus eodem modo legimus *post quom belligerant Aetoli cum | Aleis*. Capt. 2, 3, 35: *dicito patri, quo pacto mihi cum | hoc convenerit*; Merc. 2, 3, 114: *post autem communist illa mihi cum | alio; qui scio*; Merc. 5, 2, 27: *quid me vultis? — Ire tecum. | — Alium comitem quaerite*; Most. 2, 1, 45: *ubi ego ero? — Ubi maxime esse vis, cum | hac, cum istac eris*; Most. 4, 3, 43: *quid vis? — I mecum, | obsecro, | una simul*; Stich. 2, 2, 63: *post autem advexit parasitos secum. | — Ei, perii miser*; sic cum Ambrosiano Ritschelius. Stich. 5, 4, 51: *tecum ubi autemst, mecum | itidemst: neuter neutri | invidet. — Huc accedere possunt ex Truculento v. 3, 2, 20: rabonem habeto, ut mecum hanc noctem sies*; 5, 44: *nunc si hanc tecum esse speras . . . , ubi tamen non minus vere post habeto et post si (v. sup. cap. I. § 2) hiatur. — Eundem autem post cum hiatum — ut de Bacch. 4, 1, 5 et Curc. 1, 1, 2 taceam — Ambrosianus solus praebet Stich. 4, 1, 15: pax commercisque est vobis mecum. | hoc tu facito ut cogites*; at recte Palatini codices nam interpositum habent. Neque aliter idem Rescriptus teste Gepperto (Stud. Plaut. II. Ber. 1871 p. 33): Bacch. 3, 3, 92: *melius multo, me quoque una si cum | hoc relin- queres*, ubi editores cum ceteris illo reposuerunt.

Paulo rarius dum in thesi corripitur: Pseud. 1, 3, 102: *ex tua re [non] est, ut ego emoriar. — Qui dum? | — Ego dicam tibi*; Truc. 1, 1, 17: *dum | huc dum | illuc rete vortit, impedit*; sic Spengelius; Schoellius versus 17 et 18 unius secluit, qui tamen ad describendam similitudinem prorsus necessarii sunt. Truc. 1, 2, 9: *oenus eorum aliqui idculum amicae usque oggerit. dum | illi agunt*; cf. Schmidt, de pron. dem. p. 68 sq. Truc. 4, 4, 21: *tri- duum hoc saltem, dum | aliqui miles circumducitur*. Eodem huc

Spengelius (Pl. 213) retraxit Most. 2, 1, 53: *omnium primumdum | aedes iam face oclusae sient*; ipse referendum censeo Bacch. 4, 9, 27: *dum | ibi | exquiri fata illorum. adstimiliter mihi hodie optigit*; ita hunc octonarium dimetior; nam Ritschelii numeri ferri vix possunt.

Duobus exemplis defenditur *num*: Poen. 4, 2, 44: *malus es?* — *Malus sum.* — *Male mihi est.* — *Memora, num | esse aliter decet*; sic Ambrosianus; et ceterorum codicum *memorandum* merum librarii errorem esse versus 5, 2, 103 ostendit. Pseud. 1, 2, 84: *nitidiusculum caput? aut num | ipse pulmento utor magis.*

Iam verbum *sum* non coniungitur his locis: Amph. 1, 1, 200: *hic inquam habito ego atque horunc servos sum.* | — *At scin quo modo?* Camerarius transposuit *sum servos.* Bacch. 4, 1, 1: *parasitus ego sum | hominis nequam atque improbi*; Merc. 3, 4, 17: *uno verbo eloquere: ubi ego sum? | hicine an apud mortuos?* Trin. 2, 4, 46: *homo ego sum, | homo es tu . .*, quem iam supra (§ 4) laudavimus. — Post secundum trochaicum, non post *sum* hiari puto (v. infr.) Truc. 4, 1, 3: *divi magni! ut ego laetus sum et . .* Vix dignus est qui memoretur v. Trin. 4, 2, 143: *quam ob rem?* — *Quia illum quem ementitus es, ego sum ipsus Charmides*, ubi duriores illos numeros, quos Ritschellius inesse opinabatur, facile evitabit qui dimetietur: . . *ementitu's, ego sum | ipsus . .* Is autem, quod editores post *ementitu's* inserunt, a Plauti consuetudine abhorret; nam in tali attractione inversa quae a grammaticis vocatur nominativus *is* iterari non solet; v. Amph. 4, 1, 1; Epid. 3, 4, 12 sq.; Curc. 3, 49.<sup>1)</sup> Mihi quidem nulla videtur esse durities metrica, quoniam in una quaque fabula saepius verbum substantivum post caesuram collocatum est. — Detrahendi erunt de hoc numero Capt. 5, 3, 16; Men. 1, 1, 29: *domi domitus sum usque cum caris meis*, quem verbum corruptum Vahlenus egregie ita emendavit: *domi dominatus sum*.. cf. Ind. lect. aest. Un. Ber. a. 1880 p. 6. De Merc. 2, 2, 41 et Pers. 4, 9, 13 hoc loco dicere nolo.

Denique *tum* particula cum hiato posita invenitur Poen. 3, 4, 20: *si exierit leno, quid tum? | hominem interrogem*; sic fere Geppertus edidit ex Ambrosiano, qui hunc versum una cum decimo post 3, 3, 95 in fine folii exhibet. Nostro autem loco Rescriptus non exstat; in ceteris pro *quid tum* traditur *censerit* vel *censeo* in *censent* correctum, unde Bothius *censen* reponebat. Ac per se utrumque recte dicitur; ipse tamen Ambrosiani lectionem probaverim cum propter vetustatem huius libri, tum quod altera scriptura ex versu 18 (*censeo*) inlata esse potest. — Huc referre non licet, quia Plauti non est, v. Poen. 5, 7, 14.

<sup>1)</sup> cf. Holtze, Synt. prisc. script. Lat. I (Lips. 1861) p. 387 sq. al.

## CAPVT II.

### De polysyllabis vocabulis.

De monosyllabis igitur correptis res iam inter viros doctos, etsi non inter omnes, convenit; haud ita de polysyllabis. Spengelius enim (Plaut. p. 232 sq.) negat commissis inter se verbis duobus, quorum prius polysyllabum sit et in longam vocalem vel in diphthongum excidat, posterius a vocali incipiat, ultimam prioris vocis vocalem in thesi corripui potuisse. Qua in re tali ratiocinatione utitur, ut dicat: cum pars hiatus exemplorum ipso codice Ambrosiano expellatur, pars transponendo, pars facilibus emendationibus eximatur, quales sint *homonis* pro *hominis* positum, *uti* pro *ut*, *illunc illic istic* pro *illum illi isti, itidem* pro *item*, *expurgatio* pro *expurgatio*, *dice* pro *dic* aliaque —, eos locos qui supersint eadem aestimatione dignandos, simileque veri esse eius modi hiatus Plautum fugisse. Haec Spengelii ratio quam non gravis sit, nemo est quin sentiat. Respiciamus igitur quae exempla libri scripti adferant, atque examinemus, sintne ea ita comparata, ut necesse sit mutentur. Hoc autem ordine de longis vocalibus extremis disputabimus

o i a e u ae oi;

adiungentur ea vocabula, quae in m litteram exitum habent.

#### 1. De o vocali.

Ac primum ea polysyllaba consideramus, quae o vocali finiuntur. Quorum non pauca exempla eius generis sunt, ut in legitima versuum incisione hiatus efficiatur. Atque hi versus quo modo a criticis emendando transponendo addendo demendo tentati sint exponere et longum et inutile est. Hiatus enim, qui in medio septenario trochaico accidit, ab ipso Ritschelio (v. Men. praef. p. 10 sq. al.) excusatio datur; atque etiam in senarii iambici caesura hiatus multi et doctissimi viri, quo in numero est Vahlenus noster, assensu suo comprobaverunt.<sup>1)</sup> Quod cum ita sit, versus illos enumerare satis habebō, nisi forte aliam ob causam in suspicionem vocantur.

Senarios igitur in incisione hiulcos hos repperi: Amph. 3, 1, 14: *esse adsimulabo | atque in horum familiam*; Aul. 3, 5, 34: *stat fullo, phrygio, | aurifex, linarius*; voc. *phrygio* in Menaechmis legi certissimum est; v. 2, 3, 72: 3, 2, 4; 4, 1, 5; 4, 2, 54. At tamen Goetzius cum Vetere libro *phrygio* in textu posuit. Aul. 4, 6, 13: *indeque observabo, | aurum ubi abstrudat senex*; Aul. 4, 8, 3: *memorare nolo. | hominum mendicabula*;<sup>2)</sup> Bacch. 2, 3, 45: *dum circumspecto, | atque ego lembum conspicio*; Bacch. 4, 9, 148: *domum re-*

<sup>1)</sup> haud aliter Brixius olim iudicavit; v. Men. ed. I p. 9 sq.

<sup>2)</sup> cf. Langen Symb. ad emend. et enarrand. Plaut. Lips. 1880 p. 155.

*duco* | *integrum omnem exercitum*; Men. 3, 3, 26: *iamne abiit intro?* | *abiit, operuit fores*; Men. 5, 3, 6: *lumbi sedendo*, | *oculi spectando dolent*; Merc. 1, 1, 6: *quos pol ego credo* | *humanas querimonias*; Mil. 4, 9, 3: *investigabo*; | *operae non parcam meae*; Most. 3, 1, 18: *dixi hercle vero* | *omnia*. — *Ei misero mihi!* Most. 3, 2, 94: *habent, ego habeo* | *homines clitellarios*; Most. 4, 3, 38: *turbavit?* — *Immo* | *exturbavit omnia*; Pers. 4, 3, 55: *at suo periclo* | *is emat, qui mercabitur*, ubi eam post qui Ambrosianus omittit. Poen. 3, 3, 81: *quam regi Antiocho* | *oculi curari solent*; sic recte Geppertus Ussingius dimetiuntur; neque quisquam post *regi* hiari posse putabit cum propter sonum tum propter dactylicam formam *Antioch* —. Poen. 3, 3, 88: *ibi te replebo* | *usque unguentum cheumatis*; Rescriptus exhibet *ibi ego te*: qua re Geppertus ego post *replebo* insererat. Poen. 3, 5, 37: *idque in istoc adeo* | *aurum inest marsuppio*; Poen. 5, 2, 91: *patritus ergo* | *hospes Antidamas fuit*; Pseud. 1, 4, 17: *erum ecum video* | *huc Simonem una simul*; Pseud. 3, 2, 84: *immo edepol vero* | *hominum servator*. — *Ehem*; Pseud. 3, 2, 100: *em illic ego habito*; | *intro abi et cenam coque*; Stich. 3, 2, 23: *nescio quid vero* | *habeo in mundo*. | — *I modo*. — Alia pedum dimensione nonnullos hiatus sustuleris: Asin. 4, 2, 16: *cum suo sibi gnato* | *unam ad amicam de die*; Men. 2, 1, 26: *illoc enim verbo* | *esse me servom scio*; Merc. 4, 1, 25: *ecastor vero* | *istuc eo quantum potest*; Pseud. 4, 6, 10: *sive eam tuo gnato* | *hodie, ut promisi, dabit*; Trin. 1, 2, 169: *quod quisque in animo* | *habet aut habiturust, sciunt*; nam in primo versu Spengelius (Plaut. p. 56) sibi pro pede iambo accipit, id quod Ritschelius (Opusc. III p. 126) merito reprehendit; alterum emendare maluerunt quam pronuntiare *illōc enim* . . ; tertium Ritschelius Goetzius minus bene dimetiuntur . . *istūc eo quantum potest*, ut quattuor continuae voces in altera acuuntur; in reliquis vocum *tuo* *habet* syllabam posteriorem producere possis. — Prorsus certi non sunt Truc. 3, 2, 20, de quo v. sup. cap. I § 10; Bacch. 2, 2, 19: *egone ut, quod ab illo* | *adtigisset nuntius*, ubi *illoc* facillime restituitur. (cf. Ritsch. N. exc. 1,67); Mil. 1, 1, 23: *me sibi* | *habeto*, | *ego me mancupio dabo*; duos hiatus Ambrosianus habet; Palatini *habetot* vel *habeto et*, quod Ribbeckius interpretatur *habetod*. Melius Muellerus alii ei reponunt, quod reciperem, si in priore membro *is* traderetur. — Complures loci in hunc numerum asciscendi non erant: Poen. 5, 2, 101: . . *illo* | *ad te* . . , ubi solus Ambrosianus *illoc* recte exhibet. Idemque cadere videtur in Trinummi versum, ut in quo *haud nescias* ex Rescripto eruerit Ritschelius, ceteri adferant Trin. 1, 2, 24: *ne tu hercle fawo* | *haud scias* . . Contra in Ambrosiano hiatus traditur Poen. 5, 5, 43: *qui tibi lubido*, | *obsecro, Antamoenides*; Poen. 5, 6, 14: *duplum pro furto* | *opus est* . . ; sed Palatini codices *es* h. e. *est* priore loco, posteriore *mihi* interposita habent. Porro eximendi sunt Merc. 3, 3, 9: *nam nunc si illo intro* | *ieris, amplecti voles*; sic enim ex libris Decurtato Vaticano Ussingius, Ritschelius (N. exc. 1, 82) ex Vetere

*illuc* edidit. Curc. 1, 1, 3: *quo Venus, Cupido | inperat suadetque Amor*, ubi ex Nonio Servio *Cupidoque* editores in textum receperunt; cf. Studem. Ann. 93 p. 62. Poen. 5, 2, 8: *creta est profecto | haec horum hominum oratio*; nam genetivi *horum harum* nusquam ita ponuntur, ut cum sequenti vocali coniungendi sint; <sup>1)</sup> qua re *horunc* cum Bothio scribendum est. Poen. 5, 6, 32: *malum postremo | omne ad lenonem redit*; et hic versus ideo reiiciendus est, quod in spurio fabulae exitu legitur; in Ambrosiano vero *reccidit* pro *redit* fuisse iam Studemundus suspicatus erat. Truc. 3, 1, 20: *qui non ex-templo | ieris . . . ubi Brixius<sup>2)</sup> introieris* pro *ire si recte scribere videtur*. Truc. 3, 2, 16: *quid id est amabo? | istaec ridicularia*; sic Spengelius olim (Plaut. p. 198); in exemplari idem vir doctus *mitte*, Schoellius *siste* posuerunt.

Haec quidem de senariis; subiciam septenarios trochaicos, in quorum caesura post o litteram hiatur: Amph. 1, 1, 252: *fecit hercle; nam <mi> misero | etiam nunc malae dolent*; Amph. 2, 2, 41: *ni | ego illi puteo, si ocepso, | animam omnem intertraxero*; post omnem hiatum non facile quisquam statuet, ne duae breves syllabae ante legitimam incisionem collocentur. Amph. 4, 1, 4: *apud emporium atque in macello, | in palaestra atque in foro*; Amph. 4, 3, 16: *seu patrem sive avom videbo, | opruncabo in aedibus*; Asin. 2, 1, 55: *certe hercle ego quantum ex augurio | auspicioque intellego*, de quo v. Ritsch. N. exc. 1, 74 cum adn. Bacch. 3, 2, 10: *nam pol quidem meo animo ingrato | homine nihil infensius*; cf. Ritsch. N. exc. 1, 75 adn. 2; Weis. l. l. p. 11. Bacch. 3, 3, 12: *paulisper, Lyde, est lubido | homini suo animo obsequi*; Bacch. 3, 3, 43: *itur illinc iure dicto. | hocine hic pacto potest*; Capt. 2, 2, 99: *ne vereare; meo periculo<sup>3)</sup> huius ego experiar [vice] fidem*; Curc. 2, 3, 90: *tu tabellas consignato; | hic ministrabit, ego | edam*; ut alterum post ego hiatum removerent, Fleckeisenus Reizius (<dum>) ego scribi vulerunt: possis tamen dimetiri *hic ministrabit ego edam*. Curc. 5, 3, 12: *atque ita te nervo torquebo, | itidem ut catapultae solent*; Men. 4, 2, 40: *ne illam ecastor faenerato | abstulisti. sic datur*; Men. 5, 2, 57: *iam | ego ex hoc, ut factum est, scibo: | <ibo> ad hominem atque adloquar*; sic cum Camerario Vahlenus Ussingius versum mutilum restituerunt. Men. 5, 2, 98: *ne hic te obtundat*. — *Fugio. amabo, | adserva istunc, mi pater*; Men. 5, 2, 106: *osse fini dedolabo | assulatim viscera*; Men. 5, 2, 117: *sed quis hic est qui me capillo | hinc de curru deripit?* Men. 5, 5, 47: *helleborum potabis faxo | aliquos viginti dies*; Men. 5, 7, 24: *maximo hodie malo hercle vostro | istunc fertis: mitte*; Merc. 3, 4, 11: *sed isne est,*

<sup>1)</sup> v. Schmidt de pron. dem. p. 49 sq., qui in anapaesto versu Aul. 4, 9, 9 'horunc' verissime restituit; in Epidico autem (2, 2, 54) codex Rescriptus 'earum' formam scriptam habet teste Goetzio.

<sup>2)</sup> Men. edit. l p. 10; Epist. ad Speng. Progr. Liegn. 1868 p. 3 sq.

<sup>3)</sup> in medio versu 'periculo' semper dici Kampmannus animadvertit (Res milit. Plaut. Vratisl. 1859 p. 21 sq.).

*quem currentem video?* | *ipsus est. ibo obviam*; Merc. 5, 2, 17: *me usque quaerere illam, quoquo* | *hinc abductast gentium*; Merc. 5, 4, 61: *neu quisquam posthac prohibeto* | *adulescentem filium*; Mil. 2, 2, 82: *nunc sic rationem incipisso* | *hanc institutam astutiam, Ut . . . sic Ribbeckius Ussingius; aliter Brixius. Mil. 4, 4, 32: ne ille mox vereatur intro* | *ire in alienam domum*; Mil. 4, 8, 32: *age, Palaestrio, bono animo* | *es. — Heu, nequeo quin fleam*; Mil. 4, 8, 34: *sed quid hoc? quae res? quid video?* | *<o> lux salve. — <Salva sis>*; sic fere Ribbeckius Brixius versum definiunt. Mil. 5, 5: *quin iam dudum gestit moeche* | *hoc abdomen adimere*; Most. 2, 1, 47: *nam intus potate haud tantillo* | *hac quidem causa minus*; Pers. 4, 4, 110: *faciam ita ut te velle video* | *ut emas, habe centum minis*; in codicibus est *trecentum* vel *trecentis*, unde Bothius voluit *habe tibi centum*. Pers. 5, 2, 16: *at tibi ego hoc continuo cyatho* | *oculum* | *excitiam tuom*; alterum hiatum Ritscheliuss sustulit male transponendo *ego continuo cyatho* | *oculum hoc exc.*; saltem post *cyatho* pronomen collocandum erat. Muellerus Spengelius (de em. metr. p. 391) anapaestos describunt. Poen. 5, 5, 9: *sed mea amica nunc mihi irato* | *obviam veniat velim*. — Fortasse adsumendi sunt duo versus: Amph. 1, 3, 52: *dies e nocte accedat. ibo* | *et Mercurium subsequar*; Mil. 2, 2, 112: *res paratast; vi pugnando [que]* | *hominem capere est certa res*; quamquam prioris versus initium nondum sanatum est; in posteriore particula *que*, quam libri adnectunt omnes, a Fleckeiseno<sup>1)</sup> deleta est: et facile ex o littera illud q oriri potuit; cf. ex contrario Curc. 1, 1, 3 et Asin. 2, 1, 15.

At certe eundem in caesura hiatum statuemus, etsi alia dimensione uti possimus, his novem locis: Amph. 2, 2, 209: *non ego illam mihi dotem duco* | *esse, quae dos dicitur*; Amph. 5, 1, 42: *manibus puris, capite operto* | *ibi continuo contonat*; Capt. 4, 2, 80: *non enim es in senticeto* | *eo non sentis. sed iube*; Curc. 2, 3, 66: *'dedistin tu argentum?'* inquam. | *'Immo* | *apud tarpexitam situm est'*; Epid. 5, 1, 46: *tibi quidem, quod ames, domi praesto* | *est, fidicina, opera mea*; Merc. 2, 4, 2: *fuisse credo, praeut quo pacto* | *ego divorsum distrahor*; Pers. 2, 2, 41: *par pari respondes dicto* | *abi iam, quando ita certa rest*; Pseud. 2, 4, 72: *avi sinistra, auspicio liquido* | *atque ex <mea> sententia*; Truc. 2, 5, 13: *id illi morbo* | *id illi senio* | *ea illi misera miserast*; ex his quartus et ultimus versus binos hiatus praehent. Qua de causa in Truculento Muellerus *id illi senio, ea illi* . . legebat, id quod primo pede *id illi* minime commendatur (ceterum cf. infra). In Curculionis versu utrumque hiatum Pylades expulit, qui inquit post *immo* addidit; possis etiam de verbo *dedidisti* cogitare: nec tamen haec opus sunt. Nam in tertia sede facilius fit vocalium concursus orationis mora; alterum vero hiatum vix quisquam ita evitabit, ut pronuntiet *apud* . . Neque in reliquis versibus voces *illam* in priore, *ibi eo domi ego abi mea*

<sup>1)</sup> Annal. 107 a. 1873 p. 502.

in posteriore syllaba acutae placent. — Atque iisdem exemplis adnumerandus esse videtur v. Mil. 3, 1, 43: *ut apud <te> exemplum experiundo | habeas, ne quaeras foris*; nam quod libri tradunt *experiundi* ab Ribbeckio<sup>1)</sup> emendatum est; idem tamen *ted* formam posuit. — Nonnullis locis pro certo dici non potest, utrum in incisione an in alia versus sede hiatus accadat: Amph. 2, 2, 82: *ecastor equidem te certo heri advenientem ilico*; Asin. 2, 2, 112: *ille est ipse . iam ego recurro huc; tu hunc interea hic tene*; Curc. 5, 3, 2: *nam et bene et male credi dico*; id adeo hodie expertus sum; nam in Amphitruone aut *certo | heri | advenientem ilico* aut *certo heri advenientem | ilico* pronuntiandum est. In Asinaria cum probabilitate *interea* non coniungitur, qua re neque vocabula *recurro huc* dirimpuntur et dactylica vox evitatur (Speng. Plaut. p. 227 sq.). In Curculione denique aut *dico* aut *adeo* integrum manet; neque enim deteriorum codicum scriptura, qui *ego* pronomen inserunt, nobis utendum est. — Pauca extant, quae hoc loco praetermittenda sunt: Pers. 4, 4, 27: *... venio, adduco | hanc . . ubi Ambrosianus teste Studemundo (Annal. 93 p. 60) adduco ad te hanc* exhibet. Idemque liber hos hiatus exemit: Pseud. 2, 2, 60: *hostis vivos rapere soleo | acie; ex hoc nomen mihi est*; Truc. 2, 1, 17: *quemquem hominem attigerit, profecto | aut malum aut damnum dare*; ille enim optimus codex *soleo ex acie* et *profecto ei* aut verissime tradit. Ex contrario non probatur eiusdem lectio Trin. 4, 3, 64: *satin oculis ego plane video? | estne hic an non est? is est*; immo *estne ipse an . . ex Palatinis* restituendum est cum Fleckeiseno (Annal. 93 p. 61 adn. 1).

Ut de septenarii, ita de octonarii trochaici caesura iudicandum est, in qua concursum vocalium habes Bacch. 4, 3, 1: *petulans, protervo, iracundo | animo, indomito, incogitato*; Pseud. 1, 3, 3: *nilil curassis; liquido es animo*; *ego pro me et pro te curabo*; hoc tamen loco trochaeos, non anapaestos solus Ussingius recte agnovit.

Veniamus nunc ad ea exempla, quae in persona mutata hiatus praebent. Et hos quidem hiatus praeter Muellerum Goetziū nemo vir doctus improbavit; v. Speng. Plaut. p. 201 sq.; Ritsch. Prol. Trin. p. 189; Opusc. phil. II p. 192 et 446 cum adp. Senarii igitur iambici huc referendi sunt: Aul. 2, 4, 28: *immo equidem credo. | — At scin etiam, quo modo?* Bacch. 2, 2, 33: *tanto hercle melior. — Immo . . | — Immo hercle abiero*; Men. 3, 3, 23: *non habeo. | — At tu, quando habebis, tum dato*; Mil. 4, 7, 24: *habeo equidem herce oculum. — At laevom dico. | — Eloquar*; Most. 3, 1, 40: *spes est de argento. | — Hilarus est; frustrast homo*; Pers. 4, 9, 13: *sine dicam. — Nolo. | ... Audi. — Surdus sum: ambula* (cf. cap. I § 10); Poen. 5, 2, 152: *statura haud magna, corpore aquilo. | — Ipsa ea est*; Pseud. 1, 5, 38: *tibi auscultabo. | — Itur ad te, Pseudole*; Stich. 3, 2, 23: *nescio quid vero | habeo in mundo. | — I modo. — Eodem pertinere mihi videntur Amph. 3, 2, 68: ego istuc curabo. | — Eo-*

<sup>1)</sup> Mus. Rhen. 29 a. 1874 p. 23.

*cate huc Sosiam*; Asin. 4, 2, 18: *ego istuc curabo*. | — *At ego te opperiar domi*; cum Muellero Goetzius male dimetitur *ego istuc curabo*; Men. 2, 2, 7: *non hercle vero*. | — *Ubi convivae ceteri*? in quo ubi pro iambo esse possit; Truc. 3, 2, 28: .. *dico*? | — *I intro* .. cf. cap. I § 2; et vocabula *i intro* etiam in initio versuum saepissime trochaeum explent. — Aliquid dubitationis habet Most. 3, 1, 59: *iam hercle ego illum nominabo*. | — *Euge strenue*, quia cum Muellero ante Tranionis verba *euge strenue* rectius quam post versum 59 defectus statuitur. — Egregie emendatus est Stich. 5, 2, 20: *sequere ergo | hac me | intro*. | — *Ego vero sequor*; <sup>1)</sup> Ritscheliu enim addito Sagarini nomine, cuius extrema sunt, hiatus sustulit omnes: .. *ergo hac me intro*, (<*Sagarine*>). — *SAG. Ego vero sequor*.

Iam septenarios componam, qui in finita oratione vocalium concursum exhibent: Amph. 1, 1, 188: *ain <tu> vero*? | — *Aio enimvero*. — *Verbero*. — *Mentiris nunc*; de initio v. cap. I § 4; Camerarius *nunciam* scripsit nullo hiatu. Epid. 2, 2, 117: *face modo; est lucrum hic tibi amplum*. — *Deos quidem oro*. | — *Impetras*; Men. 2, 3, 29: *in Epidamno*. | — *In Epidamno*, qui huc in hanc urbem pedem; Men. 2, 3, 68: *nunc quando vis, eamus intro*. | — *Etiam parasitum manes*? Men. 5, 9, 35: *hunc meum fratrem esse*. — *Spero*. | — *Et ego idem spero fore*; Mil. 2, 5, 35: *non omitto*. | — *At mihi iam crepabunt manus, malae tibi*; sic Vetus habet; mihi, quod reliqui libri omittunt, editores post *crepabunt* collocant. Mil. 4, 8, 2: *ubi pulcherrime egi aetatem, | abeo*. | — *Em | hominem tibi*; sic fere Decurtatus Vaticanus; in Vetere est *video abeo hom.*; quare inde *abeo* non improbabilius restituitur, quamvis non flagitet usus; v. Uss. adn. ad h. l. et ad Amph. 38. Mil. 5, 34: *causam haud dico*. | — *Eamus intro, Cario*. — *Servos meos*; Most. 5, 2, 53: *nil opus profecto*. | — *Age iam sine te | exorari*; Pers. 4, 3, 13: *quid agis*? — | *Credo*. | — *Unde agis te, Dordale*? — *Credo tibi*; Pseud. 4, 2, 40: *propera perlegere epistulam ergo*. | — *Id ago, si taceas modo*; cum Bothio transponunt *ergo epist.* Stich. 1, 2, 90: *nunc, soror, abeamus intro*. | — *Immo intervisam domum*; Truc. 2, 7, 59: *perii hercle hodie, ni hunc a te abigo*. | — *Accede huc modo, adi huc modo*. — De alia vocum dimensione cogitari possit his locis: Asin. 5, 2, 51: *quid, quom adest*? — *Perisse cupio*. | — *Amat homo hic te, ut praedicat*; Merc. 2, 3, 102: *nequiquam poscit; ego habeo*. | — *At illic pol licitust prior* (*pol licitust* duobis verbis reposuit Forchhammerus apud Uss. vol. III 2 praef. p. 4 et 6); Merc. 5, 2, 66: *est profecto*. | — *Opta ergo ob istunc nuntium quidvis tibi*; Mil. 4, 8, 15: *quom te video*. | — *Habe bonum animum*. — *Scio ego quid doleat mihi*; Truc. 5, 22: *accipe hoc atque auferto intro*. | — *Ubi mi amicast gentium*? in Mercatore Goetzius *at illic et opta ergo ob istunc* legi vult; in reliquis vocabulorum *amat habe ubi* syllabam

<sup>1)</sup> initium versus immerito immutat cum Muellero Kellerhoffius de coll. verb. p. 37 sq.



posteriorem producere non ita falsum est. — Neque minus recte post *em* et post *verba* quam post o litteram hiatur Curc. 1, 3, 56: *quando ego te videbo?* — *Em* istoc verbo *vindictam para*; Pers. 2, 2, 68: *nisi fortasse blanda verba*. — *Abi*: et ego *abiero*. — *Ambula*. — Dubius esse potest, quia *illoc* cum Muellero asciscere nullam habet difficultatem: Capt. 2, 2, 104: *mihi des pro illo?* | — *Optume immo* .. — Eximendus vero est de hoc numero v. Most. 4, 2, 61.

Porro huc spectat octonarius iambicus Epid. 1, 1, 61: *potin ut molestus ne sis?* — *Abeo*. | — *Adsta*; *abire hinc non sinam*; atque meo iudicio octonarius trochaicus Pers. 1, 1, 15: *is est profecto*. | — *Eum esse opinor*. — *Congrediar*. — *Contra adgredior*.

Ut hos locos paulisper praetermittamus: restant haud ita pauci, quibus tali modo non opitulemur.

Atque ut a senario iambico exordiar, in altera sede his locis hiatum invenimus: (1.) Aul. 4, 7, 19: *ibo intro*, | *ubi de capite meo sunt comitia*; Ritschelius, qui adverbium *ubi* pro iambo pede positum merito dissuadet, aut secundum ea quae in Novis excursibus 1, 81 sq. exposuit, *introd* scribere aut priscam formam *cubi* hoc loco, aliis *cunde* *cusque* *cumquam* *cutrumque* *cundique* in Plauti fabulas inducere vult<sup>1)</sup>. At illa forma *introd* nulla est. Alteras autem priore aetate aliquando usu receptas fuisse iunctae voces *alicubi* *sicubi* *numcubi* aliae comprobant. Sed ut simplices *cubi* ceteraeque ad Plauti tempora manserint inde minime consequens est. Immo cum uno Trinummi versu 4, 2, 89, ubi *nón illa cùbitus gignitur*, nihil evincatur<sup>2)</sup>, Ritschelii argumentatio mihi probata non est. Hoc tamen inde discimus, huic viro docto persuasum fuisse alio modo versui medicinam non quaerendam. 2. Bacch. 2, 3, 98: *quine auro* | *habeat soccis suppactum solum?* Ritschelius in editione *soccis habeat*, postea (N. exc. 1, 63) *aurod* posuit. 3. Most. 2, 2, 67: *hic habito*; | *haec mihi deditast habitatio*; idem criticus anaphoram quae dicitur transponendo corrumpit. Spengelius (Plaut. p. 222) Lorenzium id excusant, quod oratio paulisper intermittatur. 4. Poen. 5, 2, 22: *adibo* | *hosce atque adpellabo Punice*; verbum *adibo* non coalescit, sive illam Rescripti et Veteris scripturam sequeris, sive ex Decurtato et Vaticano depromere mavis *adibo* | *atque hosce adp.*, quae lectio sane digna est quam spectemus. Novissimi editores Camerarii emendationem *adibo* <ad> *hosce* sibi sumpserunt: at quamquam Stich. 1, 1, 83 eundem hiatum *adibo* | *hominem* et Vetus et

<sup>1)</sup> Opusc. phil. III p. 135 sq. (Mus. Rhen. 25 a. 1870 p. 306 sq.)

<sup>2)</sup> idem Brixius putat, cum 'cubi' Trin. l. l. damnat — 'da ein Abschreiber das zufällig zusammengeschriebene 'ubitus' durch Vorsetzung des c wenigstens zu eiaem lateinischen Worte machen wollte' (v. adn. crit., et cf. Muell. Suppl. pros. p. 29 adn.); quod si est, nulla ratione in versu 1, 2, 121 'cunde' in textum recipere debuit — 'weil Ritschl diese älteren Formen aus direkten und iadirekten handschriftlichen Zeugnissen ... erwiesen'; neque enim praeter illud 'cubitus' quidquam in codicibus extat.

Ambrosianus codex delet interposito *ad*, hoc Poenuli loco praepositionem ferri non posse nemo est quin sentiat. 5. Stich. 3, 2, 6: *auspicio | hodie | optumo exivi foras*; ita cum Rescripto Palatini praebent; *auspiciod* scribere satis erat, cum alter hiatus in caesura accidat: Ritschelio vero, quia et *hodie* et *hocedie* formis illud d adiungere non dubitavit, tres versus formationes praesto erant (N. exc. 1, 95 sq.): *auspiciod hodied* . . vel *auspiciod hocedie* . . vel *auspicio hocedied* . . — Ambigi potest, num huc pertineat Bacch. 4, 8, 66: *quid eo intro | ibis?* — *Ut eum dictis plurumis*; in quo Ritschelius (N. exc. 1, 81) *introd* scripsit, ut in Aululariae versu supra laudato al. Neque inepte *intro ire* duo verba, non verbum iunctum esse existimatur, quod saepissime *intro abire* vel inverso ordine *ire intro, abire intro* legitur. Sed etiamsi post *intro* caesura incidit (ut Mil. 4, 4, 32), non minus verbum iunctum esse potest quam *intelligere* Trin. 5, 2, 21. Nec tamen quidquam demonstratur huius modi locis: *intro edmus*, *intro eiundi*, *intro edt* (Bacch. 1, 1, 72; Merc. 5, 2, 75; Most. 2, 1, 43). — His quinque vel sex exemplis adici possunt: Aul. 2, 5, 3: *atque abi intro illuc, et vos illum sequimini*; Bacch. 2, 3, 77: *si me illo auro tanto circumduxerit*; etsi in altero ante *intro* eodem iure quo post hiatur; in altero Fleckeisenus *ned*, Ritschelius *illoc* in textum recepit (v. N. exc. 1, 43). — Neque minus in medio relinquendi sunt: Amph. 1, 2, 9: *conplebo atque omnem Amphitruonis familiam*; Asin. 1, 1, 90: *perficito argentum hodie ut habeat filius*; Bacch. 2, 3, 27: *continuo antiquom hospitum nostrum sibi*; Merc. 2, 1, 35: *inscendo in lembum atque ad navem devehor*; quamquam mihi quidem persuasum est in incisione his locis hiari, licet Ritschelius secundo et tertio *perficitod, continuod* probaverit (N. exc. 1, 86 et 102); porro neglegendi erant versus Stich. 5, 2, 20, de quo paulo supra dictum est; Trin. 3, 3, 27: *quo pacto | igitur clam dos depromi potest?* sic ex Rescripto adfertur; sed Palatini ergo additum habent, quod in illo codice post *pacto* facile intercidit, ita ut eodem modo quo Most. 3, 2, 161 oratio abundet.

In quarto iambo haec habes: 1. Mil. 4, 3, 43: *una exeuntis video | hinc e proxumo*; Ussingius cum Gertzio *huc*, Ritschelius *iam*, Bothius *ego* inseruerunt. 2. Most. 3, 1, 30: *cape, obsecro hercle, cum | eo | una iudicem*; comparandum est quod in Menaechmis legitur *cum | utro | hanc noctem sies* (1, 3, 6): quos hiatus ea excusatione defendere possumus, quod post iambica vocabula fiunt; cf. Lachm. ad Lucr. III 941 p. 195 et ad III 954 p. 200. Ritschelius olim verbo obsecrandi *te* adiunxit contra Plauti consuetudinem:<sup>1)</sup> idem tamen criticus mutatione opus non esse concedit, cum (N. exc. 1, 64) *eod* reponit. 3. Poen. 2, 7: *quoniam litare nequeo, | abii illum ilico*; Gepperto *non queo* placuit, Ritschelius *ego* indidit.

<sup>1)</sup> sic recte Brixius ad Men. 1013; Loch. de imperat. ap. Plaut. usu Progr. Mem. 1871 p. 13 sq.

4. Poen. 3, 3, 72: *blande hominem compellabo*. | *hospes hospitem*; nihil novant editores. 5. Poen. 5, 2, 130: *inimico possum, amico | insipientia est*; hanc simplicem verborum compositionem turbant, qui *amico est insipientia* transponunt. 6. Stich. 1, 3, 68: *logos ridiculos vendo*. | *age, licemini*; sic etiam Ritscheliuss Fleckeisenus. Nescio an adnumerandus sit (7.) Stich. 1, 3, 4: (*neque quisquam melius referet matri gratiam*.) *Quam ego meae matri refero* | *invitissimus*; in hunc modum Ambrosianus; neque aliter Palatini praebent, nisi quod *matri meae* convertunt. At cum Charisio teste *fami* dativo casu Plautus in Stichos posuerit, Ritscheliuss tali modo versum constituit: *quam ego matri refero meae* <Fami> *invitissimus*. Mihi tamen — nisi Charisius de fabula erravit — aptius faciliusque videtur FAMI (FAMEI) in MEAE locum substituere. — Incerti sunt tres loci: Mil. 4, 7, 25: *maris*<sup>1)</sup> *causa hercle hoc oculo* | *utor minus bene*; Mil. 4, 9, 4: *me quaerit illic*; *ibo huic puero obviam*; Stich. 1, 3, 95: *ego illuc mehercle vero eo quantum potest*; nam in hoc versu *eo* pro iambo accipit Goetzius; Ussingius in altero melius post *puero*, in primo minus bene post *hercle* hiari iubet. — In coniectura valde probabili positum est: Truc. 1, 1, 71: *eo isti supposito puero* | *opus* <est> *pessumae*; nam in libris est *eum isti suppositum puerum opus pessime*; cf. Ritsch. N. exc. 1, 70. — Pridem correctum est quod in codicibus exhibetur Men. 2, 1, 45: . . *quando* | *habeo, cavero*, quemadmodum, ne longius abeamus, in versu 1, 2, 61 *iubeo pro tubebo* in Vetere scriptum videmus.

Porro ante extremum creticum in his senariis hiatur: 1. Curc. 2, 2, 8: *facit hic, quod pauci, ut sit magistro* | *obsequens*; Muellieri coniectura *oboediens* Goetzius probata est; Brixius parum feliciter — ut Ussingii verbis utar — *magisterio* scribendum proposuit. Spengelius autem (Plaut. p. 235 sq.) tales quidem hiatus retinendos esse censuit, quia in hac senarii sede morae aliquid in pronuntiando intercederet<sup>2)</sup>. 2. Curc. 3, 59: *miles Lyconi* | *in Epidauro* | *hospiti*; v. Speng. Pl. p. 236. Vulgo cum Fleckeiseno ponitur *Epidauro* <hospes> *hospiti*; sed in sermone communi, qui est in epistulis, hiatus minus offendunt; v. supr. p. 4 cum adn. 2. 3. Epid. 2, 3, 1: *nullum esse opinor ego agrum* | *in agro* | *Attico*; Lomanus in <omni> *agro* restituit, eumque editores sequuntur. At *omni* probabilius ante quam post *in* excidisse recte sensisse videtur Ritscheliuss, quippe qui (N. exc. 1, 69 sq.) de <omni> *in agro* cogitaret. Si nihil additur, praeterea aut ante aut post *agrum* hiatur. 4. Men. 3, 3, 3: *atque huc ut addas auri pondo* | *unciam*; Ritscheliuss in

<sup>1)</sup> v. Ussingii adnot.

<sup>2)</sup> Luchsius vero (Studem. Stud. I 1 p. 6 sq.) in eadem illa sede caesuram seminovenariam interdum statuendam esse opinatur. Sed de ea ne cogitari quidem potest, nam ii senarii, quos adduxit, aut legitimam aut semiseptenariam incisionem etiam tum habent, si in ipsa incisione vocales coniungendae sunt.

editione verbis male Latinis usus <sup>1)</sup> *pondo* (*unam*) *unciam*, postea (N. exc. 1, 64) *pondod* scripsit. 5. Merc. 2, 2, 41: *Lysimache, auctor sum ut me secando | enices*; in quo *secando enices* Niemeyerus <sup>2)</sup> Ussingius restituerunt pro eo quod in omnibus codicibus exhibetur *amando enices*; neque enim Veteris *amando hic* ē aliud valet nisi *amando nices*. Goetzius iniuria illud *amando* retinuit, hiatumque qui aut post vocativum in altera thesi aut in tertia post monosyllabum accidit, remove studuit, id quod simpliciter *med* forma potuit efficere. 6. Stich. 1, 3, 26: *propterea, credo, nunc essurio | acrius*; v. Speng. Pl. p. 235. In Ritschelii exemplari *adessurio* scriptum videmus. Hisce exemplis addo 7. Capt. 3, 3, 17: *nugas, ineptias incipisso? | haereo*; cui versui vim attulerunt editores; et 8. Most. 3, 1, 56: *immo abi domum; verum hercle dico; | abi domum*; Ritscheliu tamquam ex Rescripto post alterum *abi* interposuit *modo*, quod in Palatinis pro *domum* illatum est; sed in Ambrosiano Studemundus *abi domum* legit <sup>3)</sup>. Hiatus autem statuendus est, ne in duobus iambis versus desinat. — Melius huic numero adscribuntur Men. 3, 2, 30: *qui mihi male dicas homini ignoto | insciens?* <sup>4)</sup> Mil. 4, 9, 4: *... ibo huic puero | obviam*; atque ita priorem versum Spengelius (Pl. p. 235), alterum Ussingius dimetiuntur; possit tamen utroque loco post quartam thesim non elidi. — In dubio relinquendi sunt Aul. 3, 6, 2: *ain? audivisti?* — *Usque a principio | omnia*; Most. 2, 2, 33: *di te deaeque omnes faxint cum isto | omine*; Most. 3, 1, 143: *sane in loco emit perbono*. — *Immo optumo*; Most. 4, 3, 20: *quid, a Tranione servo?* — *Multo | id minus*; in primo versu Ussingius in incisione hiari iubet; Bentleius *audivisti* scripsit, idemque ascivit Goetzius. In secundo editio princeps *istoc* posuit, quod editores receperunt. Iam in tertio creticam vocem *perbono* non coniungere licet; in Rescripto autem *immo optuoptumo*, non *immo in optimo* traditur; v. Geppert. Stud. Plaut. II p. 5 sq. In quarto denique libri Vetus et Vaticanus post *multo* intervallum praebent, qua re Ritscheliu *hercle* supplevit. — Certum est huc referri non debere Poen. 5, 3, 16: *... quando hic hic adest*, in quo Decurtatus *quando | hic adest* habet.

Deinceps de iis hiatibus dicatur, qui in septenario trochaico inveniantur. In primo igitur pede unum certum exemplum repperi: 1. Pers. 4, 4, 65: *virgo, | hic homo probus est*. — *Credo*. — *Non diu apud hunc servies*; olim viri docti ordine immutando versum sanare studuerunt; Ritscheliu *... probust. Credo <edepol>*. *Non* scripsit. At verissime Spengelius (Pl. p. 218) omnes criticorum conatus reiecit atque id excusavit, quod vocativus semper liber solutusque est. Huc accedere possunt: Mil. 4, 4, 41: *facito, | ut*

<sup>1)</sup> v. Studem. comment. de Vid. Plant. (Ind. schol. hib. Univ. Gryph. 1870 et 71) p. 14 adn. 8.

<sup>2)</sup> Herm. 14 a. 1879 p. 449 sq.

<sup>3)</sup> cf. Studem. Stud. I 1 p. 50.

<sup>4)</sup> de extremo versu v. Vahl. adnot.

venias <ornatu> ornatus huc nauclerico, ubi tamen nihil facilius esse dicas quam uti ponere. Atque in Trinummo lacuna, quam soli codices Decurtatus Vaticanus servatam habent Trin. 4, 2, 104: . . . o hercle, si est molestum. — Nam pudicum neminem fortasse non cum Ritschelio taceo ego hercle explenda est, sed taceo | hercle; ita enim illud quattuor litterarum spatium optime tenetur. Et haec opinio Persae versu 4, 4, 71 commendatur et comprobatur, ubi iidem duo codices in hunc fere modum scribunt

Malum meum di istam . .

habet cor quam . .

Tibi est non te . .

quam in lacunam bene quadrat quod in Ambrosiano servatur *Ut sapiens (habet cor . .)*. — Dubitationem iniiciunt: Asin. 5, 2, 90: immo | intus potius sequere hac me, mi anime. — Ego vero sequor; nam intus vitiosum est; Fleckeisenus intro restituit, Goetzius Loewius liberius intro eamus potius: sequere . . Aul. 3, 3, 7: intro abi. opera huc conducta est vostra, non oratio; Ritscheli (N. exc. 1, 81 sq.) est conducta transponere mavult quam introd recipere. Mea quidem sententia Spengelius verum invenit, cum (Plaut. p. 218) abi in altera syllaba acueret; v. Sent. contr. I. Nam abite, quod Goetzius cum Lomano Muellero edidit, speciosa, non vera est coniectura; vide eiusdem scaenae versus 10 et 11 et Mercatoris scaenam quartam actus quarti, ubi coquus eiusque operae saepe singulari, non plurali numero appellantur, quia ille solus verba facit; itemque in Poenulo advocati duo v. 3, 4, 18. 23. 24. — Manifesto peccatum est a librariis Truc. 4, 2, 39: immo | istoc ad vos ire. — Non potest: nimium petis; quod tum demum stare posset, si infinitivus ire abesset; Buechelerus supplevit ad vos <volo> ire.

In altero trochaeo haec collocantur: 1. Asin. 5, 2, 71: (pol me quidem) Miseram | odio | enicavit. — Surge amator, i domum; ut duplicem hiatum eximerent, Fleckeisenus istic, Bentleyus suo post miseram addiderunt; traiectione usus est Guyetus hac Enicavit odio miseram: qua adiectivum a me pronomine non bene seiungitur. 2. Curc. 5, 3, 17: hocine pacto | indemnatum atque intestatum me abripi? hiatum hiatu expellit Goetzius; nam si me ex ultimo versu in tertiam sedem retrahitur, in sexta potius quam in quarta thesi hiatum habemus. Antea hinc vel vi interponebatur. 3. Pers. 2, 2, 9: faciam. — Quo ergo | is nunc? — Domum: uti domi sim, quom illi censeas; sic cum Rescripto codices; ergo nunc is apud Ritschelium legitur. (4.) Poen. 5, 5, 11: uia replebo | atritate, | atrior multo ut siet; Geppertus replevero haud male coniecit; cf. Lor. ad. Most. (1883) v. 590. 5. Stich. 2, 2, 60: iam non facio | auctionem: mihi optigit hereditas; ita libri omnes, nisi quod in Palatinis faciam traditur. Viri docti aut convertendo (iam non auctionem facio) aut addendo (iam <ego> non et iam <iam> non) locum tentaverunt. 6. Truc. 5, 17: respice ergo: | accipe hoc, qui | istuc efficias opus; priorem huius versus hiatum Bothius non inepte

exemit, cum atque insereret; cf. Stich. 1, 2, 97; de altero v. cap. I § 2. — Porro in codicibus haec exhibentur: Curc. 5, 2, 30: *miles, quaeso, | ut mihi dicas, unde illum habeas anulum*; Most. 5, 2, 50: *mitte quaeso | istum*. — *Viden ut ri <dens ad> stat furcifer?* Stich. 4, 1, 46: *quis istuc, quaeso? | an ille quasi ego?* — *Is ipse quasi tu. <tum> senex*; Truc. 5, 66: *i intro amabo, | et tu ergo a me: post tu eris mecum quidem*; Merc. 2, 4, 20: *Achillem orabo, | aurum ut mihi det, Hector qui expensus fuit*; horum nullum hiatum prorsus certum esse lubenter concedo. Nam in Curculione nullo negotio *uti* reponimus — quae editores voluerunt, minime laudo —. Mostellariae versum ex Ussingii coniectura adscripsimus; in libris inсто brevior traditur: . . *viden* (*vident* in Vetere, unde *viden tu* Ussingius) *ut restat furcifer*. In tertio etiam Ritschelii vocalium concursum admittit, cum voces *an ille* eodem modo tribrachyn esse putat, quo tribus versibus ante *quis istuc dicit? an ille quasi tu?* . . ; Goetzius autem vocalam *ille* tertium pedem efficere significat. Idem vir doctus in Mercatore dimetitur *orabo, aurum ut mihi det*. In Truculento denique Schoellius apte *abi* post *ergo* inserit. Quae cum ita sint, possumus de hiatu dubitare; sed dubitabimusne? Ego quidem solum Truculenti versum in medio ponam; cetera exempla<sup>1)</sup> adeo similia sunt, ut hiatus inter se defendant. — Non nihil sane scrupuli iniiciunt hi loci: Most. 5, 1, 65: *iam iubebo | ignem et sarmen, carnifex, circumdari*; voc. *sarmen* nihil esse Ussingius existimat, neque ullo alio loco extat; recte igitur cum Pylade Ussingius Lorenzius *sarmenta* videntur scripsisse. Truc. 2, 5, 13: *id illi morbo, | id illi senio, | ea illi misera miserast*; in quo vix *id illi senio, ea illi* . . pronuntiandum supra vidimus; editores bis verbum *est* addiderunt, quod posteriore loco codices deteriores, non Vetus, exhibent. Truc. 5, 25: *sed eccam video: | heus, amica, quid agis [mille]?* — *Quis illic <est> homo? mille* Spengelius delevit; aliter Brixius versum conformavit: . . *video amicam: heus, quid agis, mulier? Quis* . . — Ex optimis libris emendantur Most. 4, 2, 34: *puere, hic nemo | habitat* . . , ubi Ambrosianus *puere, nemo hic habitat* . . , Stich. 1, 2, 22, ubi et Vetus et Ambrosianus *exorando, haud advorsando* . . tradunt, cum *haud* in reliquis libris casu omissum sit.

Atque ut ad tertiam septenarii sedem veniamus, hisce locis verba aspere concurrunt: 1. Asin. 2, 2, 97: *ni | hodie Argyrippe | essent viginti argenti minae*; qui versus alio vocabulorum ordine componi poterat a poeta, velut quem Pylades proposuit *Argyrippe viginti essent arg.* . . vel Fleckeisenus *Argyrippe argenti | essent vig. m.*; verum aptior veriorque compositio quam quae librorum memoria proditur, nulla potest reperiri. 2. Aul. 3, 3, 1: *hoc quidem hercle, quoquo | ibo, mecum erit, mecum feram*; Ritscheli (N. exc. 1, 80) *quoquod* formam finxit, Bergk (Symb. p. 76) suadet ut *quoquam-*

<sup>1)</sup> atque accedunt alia: Men. 5, 2, 98; Merc. 3, 1, 41; Most. 4, 3, 43; Curc. 2, 3, 29, in quibus vers. 'amabo' et 'obsecro' integra manent; cf. Speng. Pl. 220.

que scribatur; alii ego iniciunt. 3. Bacch. 3, 3, 21: *gymnasi prae-  
fecto | haud mediocris poenas penderes*; cum Ritschel. transponere  
*prae-  
fecto poenas haud m. penderes* necessarium non est; ea enim caesura  
quae post quartam arsim incidit, non ita raro apud Plautum et  
Terentium invenitur. 4. Bacch. 3, 3, 24: *ibi cursu, luctando, | hasta,  
disco, pugilatu, pila*; hiatum Spengelius (Plaut. p. 221) tutatus est,  
Ritschelius (N. exc. 1, 63) *luctandod* forma sustulit; olim hic vir  
doctus cum Hermanno vocum *hasta disco* ordinem inverterat. 5. Men.  
1, 4, 5: *nam parasitus octo | hominum munus facile fungitur*; Rit-  
schelius cum Mureto male sic ordinavit: *octo munus hominum*, non  
melius Guyetus *parasitus hominum munus octo*; Muellerus (Suppl.  
pros. p. 97) *hominum* <unus> *munus* scribendum censet. Bergk<sup>1)</sup>  
vero servata codicum omnium memoria de forma *homonomum* cogita-  
vit, de qua paucis dicendum est. Ea igitur exemplis Plautinis  
fulciri nequit. Nam in Persae versu 5, 2, 2 *solus ego omnibus an-  
tideo facile, miserrimus hominum ut vivam* in Vetere codice *homo-  
num* a mero librarii errore profectum est, neque locum habet, sive  
anapaestos sive trochaicos numeros describas. Neque aliter illud  
*homoinem* (Pseud. 2, 4, 44) manifesto mendo debetur. Petitur autem  
illa forma ex Prisciano, qui (VI 206 ed. Hertz.) Ennium auctorem  
adfert his verbis: *vetustissimi tamen etiam homo homonis declinave-  
runt. Ennius: Volturus in spinis miserum mandebat homonem. Heu  
quam crudeli condebat membra sepulcro*. (Annal. v. 141 sq.). Atque  
eundem Ennii locum Festus ante oculos habuisse videtur, cum p. 100  
(*hemona humana et homonem hominem dicebant*) eundem accusativum  
laudat. Et ne Charisius quidem aut Servius aliud exemplum adfer-  
runt. His igitur testibus usus cum Bergkio saepenumero Brixius  
*homonis homonem* al. in exemplaribus scripsit. Ex his cognoscas,  
si modo Plautinas esse has formas iudicavimus, permultis locis hia-  
tum tali modo eximi. At eam ipsam ob causam dubitatio movenda  
est: inde enim quod totiens formae restituendae sunt, necessario  
consequens est, ut more receptae fuerint earumque usus latissime  
pateat. Id tamen cum Prisciani verbis vix consentit, qui praesertim  
unum exemplum habeat Ennianum, idque in metro dactylico<sup>2)</sup>. Sed  
redeundum est in viam. 6. Men. 5, 9, 64: *quod nunc est, Me-  
naechmo; | illum tum vocabant Sosiclem*; Ritschelius *illunce* in textu  
posuit, quam formam Muellerus (Suppl. pros. Pl. p. 130 sq.) optimo  
iure addubitat; is igitur *illum* <autem> *tum*, Fleckeisenus <at> *illum*  
inducebant. 7. Mil. 4, 8, 33: *quom abs te abeam. — Fer aequo |  
animo. — Scio ego quid doleat mihi*; Ritschelius (N. exc. 1, 64) *aequod*  
recipit. Idem vero errare videtur, cum alteram versus partem *scio . .  
mihi* ut ex versu 4, 8, 15 errore iteratam damnat versusque a 33

<sup>1)</sup> v. Stud. Plaut. in Philol. 17 a. 1861 p. 54 sq. (Opusc. phil. I Hal. 1884 p. 147 sq.)

<sup>2)</sup> olim Ritschelius prudenter de his obsoletis formis iudicavit; v. Prol. Trim. p. 143 adn. — De 'homonom' al. dubitat Muell. Pros. p. 502 adn. 1; Supp. 80 sq.

ad 35 in duos cogit<sup>1)</sup>. Immo saepius hemistichia duo inter se comparia legimus; in eadem Militis gloriosi scaena v. 4 et 28; in actus quinto v. 20 et 28; cf. Merc. 1, 2, 70 et 101; Poen. 4, 2, 56 et 67; 5, 3, 18 et 5, 4, 107 al. 8. Pers. 4, 4, 96: *quouismodi is in populo | habitus?* — *Nemo quisquam acceptior*; Ritschelius dic post *is* interponit, ita ut *quouis* monosyllabum, non bisyllabum sit. Prorsus certum exemplum non est (9.) Truc. 2, 2, 65: *nunc ad eram revidebo | — eccum | odium progreditur meum*; quia *etcum* in codicibus est, Camerarius *sed eccum* scripsit; hoc tamen in quartum trochaicum non ita probabiliter infertur secundum ea quae Spengelius (Plaut. 110 sq.) docet: qua re Bothius insuper *sed odium eccum* transposuit. — Porro Ritschelius (N. exc. 1, 81) huc retraxit Men. 4, 2, 99: *nam domum nunquam intro | ibis, nisi feres pallam simul*; v. supra ad Bacch. 4, 8, 66. Si Rescriptum sequimur, huc referendus est v. Poen. 5, 7, 36: *dum auctionem facio | opus est aliquot ut maneat hic*; at hic, quod ceteri libri post *facio* inserunt, non incommode cum sequenti verbo copulatur. Neque magis firmus est Epid. 2, 2, 94: *ubi erit empta, ut aliquo ex urbe amoveas; nisi quid tua*, ubi non solum in incisione hiari potest (*aliquod vel urbed* Ritsch. N. exc. 1, 76), sed etiam cum Luchsio facillime scribitur *ex urbe (eam) amoveas*. De accusativo *quid* v. Bergk. Symb. p. 54.

Adiungimus eius hiatus exempla, qui post quintum pedem efficitur: 1. Aul. 4, 10, 51: *noscere. — Filiam ex te tu | habes. — Immo | eccillam domi*, in quo versu Seyffertus<sup>2)</sup> *immo eccillam (meae) domi* scribendum coniecit. 2. Men. 1, 3, 6: *tues est: legito ac iudicabo, cum | utro | hanc noctem sies*; in libris est *tues legio adiudicato* . . , quod; optime Vahlenus<sup>3)</sup> correxit; neque enim praesens tempus et aut duo verba posita Brixium offendere debebant. Hiatus vitandi causa Ritschelius (N. exc. 1, 64) *utrod.* antea cum Fleckeiseno *utrone* edidit. Cf. supr. ad Most. 3, 1, 30. 3. Men. 5, 5, 60: *quid ego nunc faciam? domum ire cupio: | uxor non sinit. Huc autem nemo intromittit* . . Camerarius at, Pylades *sed* adiecerunt: quae particulae propter subsequentem *autem* satis molestae sunt. Kochio<sup>4)</sup> priscam aliquam formam *voxor* vindicare lubuit, quam repudiandam esse Ritschelius rectissime censuit (v. praef. Trin. (a. 1871) p. 63). Et ne unum quidem certum testimonium extat; nam Trin. 3, 3, 71

<sup>1)</sup> v. 34 et 35 integri non sunt; v. supr. et inf. § 7.

<sup>2)</sup> Philol. 27 a. 1868 p. 439. Idem vir doctus 'immo' suo iure retinet; v. Aul. 4, 10, 35 (negas? — Pernego immo); Bach. 2, 2, 29 sq. (ecquid meminit . . ? — Rogas? immo unice unum . . pendit); Ba. 2, 3, 42 (quin tu audi. — Immo . . haud pernuoram); Ba. 2, 3, 106; 4, 4, 47; 4, 8, 51 (sentio . . quae te sollicitet: cum esse cum illa muliere. — Immo est quoque); Epid. 2, 2, 20; 3, 3, 37; 3, 3, 40 (bardum me faciebam. — Immo ita [stat' cod.] decet); 3, 4, 15; Merc. 4, 4, 19 (non ego sum . . — Quid est? immo hercle tu istic ipsus); Mil. 2, 2, 90; Most. 3, 3, 4 (ecquid placeant . . ? immo hercle vero perplacent); Most. 5, 1, 61 al.

<sup>3)</sup> Mus. Rhen. 16 a. 1861 p. 631.

<sup>4)</sup> Annal. 101 a. 1870 p. 283 sq. et 685.



non minus quam Truc. 2, 6, 34 a librario codicis Veteris illa forma illata erit. 4. Most. 5, 1, 71: *sed eccum tui gnati sodalem video | huc incedere*; nihil aliud enim librorum scriptura huic valet; Ritschelius igitur *sodalem huc* <ad vos> *video incedere*, Lingius<sup>1)</sup> illic posuit. Poen. 4, 2, 2: *quoi homini erust consimilis, velut ego habeo | hunc huiusmodi*; hunc pro nunc restituendum certum est. Geppertus genitivum casum cuius hominis adiectivo similis adnexuit, qua lectione hiatus eximitur; sed dativum haud numquam legi Ussingius ad Amph. 595 statuit. Aliter versum dimetitur Lachmannus (ad Lucr. VI 743 p. 388): *quoi | homini | erust est* . . — Forsitan accedat Amph. 1, 3, 48: *nunc te, nox, quae me mansisti, mitto | ut cedas die*, ubi non cum Camerario concedas, quemadmodum in versu 1, 1, 120, sed cum Grutero uti scribere licet. — Aut post quintam aut post quartam thesim hiari Curc. 5, 3, 2: . . *dico; id adeo hodie expertus sum* supra commemoravimus. — Neque vero adscribendus erat in hunc numerum Curc. 1, 3, 11: . . *sum deus*. — Immo | *haud magni preti*; sic in Vetere a prima manu scribitur, idemque reliqui codices habent; sed ab altera manu in illius margine additur *homo*, quod recipere non dubitabimus, sicut 1, 1, 50; 2, 3, 85; 4, 1, 6 al. Corruptus est Epidici v. 5, 1, 43, de quo alio loco dicemus.

Iam in sexta septenarii sede haec leguntur: 1. Capt. 2, 2, 87: *fac, is homo ut redimatur*. — *Faciam. sed ted oro, | Hegio*; 2. Capt. 2, 3, 66: *id ut scias, Iovem supremum testem laudo, | Hegio*; Capt. 3, 4, 76: *dum istic itidem vinciat*. — Immo enimvero, | *Hegio*; tertium versum si quis detrahare volet, non repugnabo, quamquam enimvero minus bene in altera syllaba acuitur. In secundo autem laudo pro do Nonius verissime nobis servavit, qui in explanando laudandi verbo hunc Captivorum versum adscribit. Qua re condemnatur Reizii coniectura *testem do* <tibi>, *Hegio* (cf. Uss. adn.). Neque vero minus falso in primo versu Fleckeisenus hoc interposuit. Ac ne Bentleii quidem emendationes *oro, o Hegio* et *laudo, o Hegio* usui Plautino conveniunt. Quae cum ita sint, hiatus non possunt non ferri, atque eo magis ferentur, quod ante appellationem accidunt (cf. Speng. Plaut. p. 219). 3. Merc. 5, 2, 11: *egomet mihi comes, calator, equos, agaso, | armiger*; de quo cf. supr. Ba. 3, 3, 24; Ritschelius <sum> *armiger* voluit: qua mutatione opus non est, quoniam in proximo versu verbum substantivum ponitur. 4. Merc. 5, 4, 9: *(qui bono sunt genere nati, <si> sunt ingenio malo,) Suaept culpa genere cedunt, genus ingenio | improbat; cedunt* Ussingius pro *captiunt* restituit; verba autem extrema primus sic scripserat Lipsius, idemque Ritschelio (N. exc. 1, 40) placuit. Et profecto *ingenio* pro *ingenium* (h. e. *ingeniū*) positum vix ulla mutatio est. — Si Rescripti auctoritate movemur, in hoc numero habendus est Epid. 5, 2, 14: *dum sine me quaeras, quaeras mea causa medio | in mari*; sed *vel medio* . . , quod reliqui praebent, aptius est quam quod neglegamus;

<sup>1)</sup> De hiatu in vers. Plaut. Vratisl. 1817 p. 65.

cf. Pseud. 1, 3, 89 al.<sup>1)</sup> — Dubii sunt hi versus: Men. 5, 2, 87: *in capiti tuo*. — *Ecce, Apollo mihi ex oraculo imperat*; Trin. 5, 2, 81: *miseria (una) uni quidem hominist adfatim*. — *Immo huic parumst*; Trin. 4, 2, 129: *neque edepol tu is es neque hodie is unquam vis* — *euro huic quidem*; in Menaechmis Ritschelii (N. exc. 1, 64) *eraclos* probavit; etsi eodem iure pronomen *mihi* vocalem extremam retinet. In Trinummio melius fortasse cum Ritschelio Brixio vocabula *adfatum eris* in ultima acuuntur. — Ad extremum Stichii versum ludo, in quo si cum Ritschelio nomen Pamphilippi expulerimus, post *Epignomo* hiandum est ut versus stet: Stich. 4, 2, 4: *sed videte ego Pamphilum cum fratre Epignomo?* | *atque is est*; atque Ritschelii coniecturam sequi similis veri mihi videtur quam Goetzi (v. Stich. ed. II praef. p. 15 sq.). Nam cum in versibus 4, 1, 22 et 4, 2, 16 hiatus offensioni non sint, haud amplius duo loci emendandi sunt (4, 1, 2 et 4, 2, 5), quorum alterum etiam Goetzius pro corrupto habuit<sup>2)</sup>. Nomen autem Epignomi recte se habet, neque hoc falsum esse numeri persuadent; cf. infr.; Ritsch. Opusc. III 310 sq.

Neque vero solum in senario septenarioque, verum etiam in octonariis et in iambico septenario o vocalis non coniungitur. In hoc metro inveniuntur 1. Asin. 3, 3, 2: *vale*. | — *Aliquanto* | *amplius valerem, si hic maneres*; sic libri, quibuscum consentit Nonius; alterum hiatus Bothius et Ussingius sustulerunt, qui *aliquantod* et *aliquanto* (ego) posuerunt; utrumque Fleckeisenus, cum *pol* ante *aliquanto*, Goetzius Loewius, cum in primo versu *mane sis* adderent. 2. Merc. 3, 1, 41: *etiam cum uxore non cubet?* — *Amabo, | an maritust?* extrema Ambrosianus servavit, neque aliud in Palatinorum lectione *amaritust* latet. Hiatus autem Spengelius (Plaut. p. 220) tuebatur (cf. paulo supra); Ritschelii *amabo te*, sicut Men. 4, 3, 4; Bacch. 1, 1, 10; Truc. 2, 7, 32 edidit, quamquam his obtestandi verbis *amabo obsecro* accusativus *te* adiungi non solet (v. supr. ad Most. 3, 1, 30). Alii critici alia voluerunt; velut *num maritust* Ussingio, *an* (iam) *maritust* Muellero placuit. 3. Stich. 5, 7, 5: *satis esse nobis non magis potis est quam fungo | imber; hoc post magis* in Ritschelii exemplari inditum est. — Prorsus certi non sunt hi versus: Poen. 5, 4, 102: *cur numero | estis mortui, hoc exemplo ut pingeretis?* ubi ex Festi scriptura qui *exeam numero* . . Ussingius eruit *quidnam numero* . . Mil. 3, 3, 17: *obliviosa extemplo | ut fiat, meminisse nequeat*; ubi uti vel *extempulo* levi opera scribuntur. Asin. 2, 3, 9: *si istoc exemplo | omnibus* . . v. supra cap. I § 2. Pers. 2, 5, 18: *enim metuo ut possim in bubile reicere, ne vagentur*; ubi aut in tertio aut in altero pede hiatur, aut forma *possiem* sub-

<sup>1)</sup> aliter indicat Goetzius; v. Analect. Plautin. scrips. Schoell. Goetz. Loew. Lips. 1877 p. 96.

<sup>2)</sup> cf. Darnmann Observ. in locos nonnull. Stich. Pl. Progr. Graud. 1871 p. 11 sq.

stituenda est (v. infr. § 7); Ritscheliuſ traiectione *poſſim reicere in buſile* uſus numeroſ nitidiores effecit. — Omittendi erant duo loci: Curc. 4, 2, 31: *eloquere, quid viſ?* — *Quaeſo, ut hanc cures, <ut> bene ſit iſti*; alterum ut deeſſe non poſſe olim intellectum eſt; v. Lachm. ad Lucr. VI 231 p. 362. Epid. 3, 2, 25: *iſ adornat adveniēſ domi extemulo ut marituſ ſiaſ*; in libris *veniēſ* exhibetur, non recte; nam aut *veniēſ domum* iungendum aut absolute *adveniēſ* dicendum erat. Neque quidquam faciliuſ eſt quam hoc verbum reponere. Nam ſi duo deinceps vocabula ab eadem praepoſitione incipiunt, velut *adornat adveniēſ*, in libris Plautiniſ non raro ita peccatum eſt ut ſecundo loco particula praetermitteretur. Ut in Palatinis traduntur *ad te venio* Epid. 3, 4, 20, *ad me iri* Stich. 2, 1, 21, ubi Reſcriptuſ *advenio* et *adiri* exhibet; contra in hoc codice erratum eſt cum ceteri veriſſime ſic habeant: *adornat ad fugam viaticum* Epid. 5, 1, 9 et *ad te advenio* Trin. 1, 2, 29, ubi v. Brix.; cum Ambroſiano Vetus liber verum ſervavit Stich. 1, 3, 83: *adibo ad hominem* (cf. ſupra); idemque in Poenuli verſum 4, 2, 67 cadere videtur (v. cap. I § 1). Iam a viriſ doctiſ recte emendantur Epid. 4, 2, 2: *videaſ, adeaſ, adveniēti deſ ſalutem atque oſculum* (in libris eſt *veniēti*); Men. 5, 2, 57: . . *ibo ad hominem atque adloquar* (cod. *adquemloquar*); Mil. 4, 9, 9: *te volt, te quaerit teque expectaſ expectit* (v. Brix. adn. crit.); Poen. 5, 2, 22 al. Cf. Bacch. 3, 6, 6.

In octonario iambico haec repperi exempla: 1. Amph. 5, 1, 25: *tua Bromia ancilla*. — *Totuſ timeo, | ita me increpuit Iuppiter*; 2. Amph. 5, 1, 29: (*vae mihi*.) *Amphitruo! | ita mihi animuſ etiam nunc abeſt*. — *Agedum expedi*; huic poſt vocativum hiatui opitulatur Spengeliuſ (Plaut. 218 ſq.). Fleckeiſenuſ eundem verſum edidit *ita animuſ <meuſ> mihi etiam*, in priorē *timeo totuſ* tranſpoſuit; eademque Goetziuſ Loewio probavit. 3. Bacch. 4, 9, 17: *tum quae hic ſunt ſcriptae litterae, | hoc in equo | inſunt militeſ*; Ritscheliuſ (N. exc. 1, 64) *equod* ſcripſit verborumque traiectionem *hoc inſunt in equo militeſ* flagitari negat (ib. p. 66). Uſſingii vero emendatio *litterae <tot> hoc* vehementer diſplicet. 4. Bacch. 4, 9, 22: *mileſ Menelauſt, ego Agamemno, | idem Ulixeſ Lartiuſ*; hiatuſ poſt nomen propriuſ factuſ Ritscheliuſ ipſe (Opuſc. II 498) retinet; in editionem *idem <ſum> Ulixeſ* receperat, etſi verbuſ *ſum* ex praecedente eſt facillime mente ſuppletur. — Nihil demonſtrare poteſt Pſeud. 1, 2, 57: *mihi et familiae omni ſit meaſ atque adeo ut, frumentuſ aſtuam*; ſic recte Spengeliuſ (de emend. metr. p. 398), qui tamen poſt *meaſ* in caeſura hiari mavult. Editoreſ aut *atque* corrigunt aut *ut* delent: immerito; ſic enim enuntiata copulantur: *fac. . . mihi delatuſ ſit frumentuſ (quod . . ſatiſ mihi . . ſit), atque ut . . aſtuam* h. e. und zwar daſſ ich . . Particula *ut* autem in priorē membro omittitur, poſteriori additur, quemadmoduſ Pſeud. 4, 2, 90: *nun quid aliud? . . — valeaſ, beneque ut tibi ſit*; Amph. 2, 2, 212: *tibi morigera atque ut munifica ſim boniſ . .*; neque aliter ab praepoſitio

Am. 1, 3, 11: *solitudine . . . atque ab egestate abstuli aliaque multa.*  
 — Emendatus est v. Amph. 5, 1, 23: *ibo et cognoscam, quisquis est.*  
 (ut) *Amphitruo hic quidem erus meus; recte est hoc loco a Fleck-*  
*meno adicitur.*

In octonario trochaico denique Pers. 5, 2, 63: *certo illi homi-*  
*ni mihi nescio quid mali consulunt quod faciant* aut *certo* aut *illi*  
*non* eliditur, nisi illisce scribere mavis (v. Schmidt. de pr. dem.  
 p. 69).

## 2. De i vocali.

Deinceps ea polysyllaba videamus, quae in longam i vocalem  
 autum habent. Caesura semiquinaria hos hiatus tueri licet: Amph.  
 1, 2, 28: *et id huc reverti, | ut me purgarem tibi;* Ritschelio, ut  
*purgarem* ponere posset, alia mutatione opus erat *purgarem me;*  
 v. Opusc. II 432. Aul. 1, 1, 30: *queo conminisci; | ita me miseram*  
*ad hunc modum;* Bacch. 4, 7, 1: *constringe tu illi, | Artamo, actutum*  
*numus;* nam illic aut nominativus aut locativus est; de dativo illic  
 cogitari non potest; cf. Uss. ad Aul. 663 et Men. 815. Curc. 2, 2,  
 26: *heus Phaedrome, exi, | exi; exi, inquam, | ocius.* Curc. 3, 59,  
 de quo supra cap. II § 1 dictum est. Men. 1, 1, 9: *tum compediti |*  
*eam lima praeterunt*<sup>1)</sup>; Men. 2, 2, 30: *quom nihil est, qui illi |*  
*homini diminuum caput;* Merc. 1, 1, 88: *talentum argenti | ipse sua*  
*adnumerat manu;* Merc. 4, 4, 5: *videre, amplecti, | ausculari, | adloqui;*  
 Most. 3, 1, 100: *id volo mihi dici, | id me scire <ex te> expeto;* ubi  
*scire ex te* mihi magis placet quam *sciscere*; ii autem improbandi  
 sunt, qui eandem vocolam in membrorum initio collocatam tollunt;  
 cf. Brix. ad Capt. 2, 2, 16. Poen. 1, 1, 4: *mihi reddidisti | opiparas*  
*opera tua;* Poen. 2, 5: *sex inmolavi | agnos nec potui tamen;* Poen.  
 2, 8: *iratus; votui | exta prosicari;* Poen. 5, 5, 48: *si quid lenoni |*  
*optigit magni mali;* Pseud. 1, 1, 24: *interpretari | alium posse nemi-*  
*nem;* Pseud. 1, 1, 42: *lacrumans titubanti | animo corde et pectore;*  
 Pseud. 1, 5, 28: *ō Zēv, quam pauci | estis homines commodi! em;*  
 Pseud. 3, 1, 9: *nunc huic lenoni | hodie est natalis dies;* Lorenzius  
 (Phil. 35 a. 1876 p. 173) totam hanc scaenam ut a Plauto alienam  
 damnavit; sed qua ratione posterioris aetatis scriptorem eo adductum  
 esse putabimus, ut eam iniceret? Ceterum conferas Menaechmorum  
 scaenam tertiam actus tertii. Pseud. 3, 2, 107: *pater Calidori |*  
*opere suasit maxumo;* pro *suasit* in libris proditur *fecit*, quod cor-  
 rexit Ussingius. Stich. 3, 2, 46: *eam ego auspicavi | in re capitali*  
*mea;* sic codices omnes, nisi quod Rescriptus *eam* praetermittit.  
 Trin. 3, 3, 46: *det alteram illi, | alteram dicat tibi.* — Eodem per-  
 tinent, si modo voc. *apud mea* ego sui deterius pro iambis accipi  
 concedis: Epid. 3, 3, 41: *res magna amici | apud forum agitur; ei*  
*volo;* Men. 2, 2, 1: *bene obsonavi | atque ex mea sententia;* Mil. 2,  
 1, 64: *in eo conclavi | ego perfodi parietem;* Pers. 1, 2, 14: *magis*  
*quam sui quaesti, | animus induci potest Eum esse civem | et fidelem |*

<sup>1)</sup> v. Vahl. Herm. 17 a. 1882 p. 620 sq.

*et bonum*; cum tres in his duobus versibus hiatus codices exhibeant, Acidalius a transponendo medicinam petivit; Ritscheli in priorem versum *eum* revocavit ex v. 15, et hunc ipsum traiciendo addendo ita formavit: *civem et fidelem esse et bonum <et frugi virum>*. Atque haec omnia nullam aliam ob causam instituit, nisi ut hiatus removeret. Neque minus huc referendi mihi videntur Bacch. frg. v. 6; Poen. 3, 5, 46; Poen. 5, 3, 19, in quibus post *qui* et *quom* minus bene hiari sup. cap. I § 2 et 9 diximus. — De compluribus locis certum inveniri nequit: Most. 2, 2, 2: *quom me amisisti a te vix vivom modo*, ubi Ritscheli (N. exc. 1, 49) alii *med* reponunt; Poen. 3, 3, 38: *atque istum e navi exeuntem oneraria*, ubi aut in secunda aut in tertia sede non eliditur, nisi *istunc* inducendum est. Melius in quarta sede hiari Pseud. 1, 5, 118 infra videbimus. In coniectura positum est quod in Trinummo exhibetur: Trin. 4, 4, 16: *nihil est morai*. | *ambula: actutum redi*; nam *morai* pro codicum memoria *moracii* Gepperto Seyfferto debetur, cum Gruterus *morae*. i, i restituendum suspicatus sit. — Alii versus in hoc numero habendi non sunt; quorum tres solus Rescriptus hiulcos adfert: Merc. 3, 2, 1: *tandem impetravi*, | *egomet me ut corrumperem*; Poen. 5, 2, 4: *eas liberali* | *adseres causa manu*; Stich. 1, 3, 105: *veterem reliqui*: | *eccam quae dicat 'cedo'*; at in primo simplicius planiusque est cum Palatinis *ut egomet me* ponere; in reliquis iidem codices *iam* et *illam* (post *eccam*) servaverunt. Ex Ambrosiano corriguntur, quippe in quo pluralis numerus *illis*, qui necessario requiritur, tradatur, et *est autem* transponatur: Poen. 5, 3, 43: *eamus illi* | *obviam* . . et Poen. 5, 5, 27: *quid tibi negoti* | *autem est cum istac?* . . In Milite glorioso solus Decurtatus habet Mil. 2, 6, 15: *meam ludificasti* | *hospitam ante aedis modo?* ceteri omnes recte *ludificavisti* praebent. Alia de causa, quod *ne* interrogativum deest, hiatus eximitur Most. 1, 1, 59: *ervom daturi* | *estis, bubus quod feram?* Denique in supposito Poenuli exitu legitur Poen. 5, 7, 3: *tetigit? nunc perii!* | *unde hae perierunt domo?*

Ut iambici senarii quos modo laudavimus semiquinaria, ita legitima incisione defenduntur hi septenarii trochaici: Amph. 1, 1, 194: *quid apud hasce aedis negoti* | *est tibi?* — Immo *quid tibist?* Amph. 1, 1, 273: *cadus erat vini*; *inde inplevi* | *hirneam*. — *Ingressust viam*; Asin. 2, 2, 54: *si istam firmitudinem animi* | *optines, salvi sumus*; Asin. 3, 1, 14: *et meam partem loquendi* | *et tuam trado tibi*; Asin. 5, 3, 5: *nunc si voltis deprecari* | *huic seni ne vapulet*; Aul. 2, 2, 74: *video hercle ego te me arbitrari*, | *Euclio, hominem idoneum*; Bacch. 3, 6, 15 (v. cap. I § 1); Capt. 2, 3, 78: *scito te hinc minis viginti* | *aestumatum mittier*; Capt. 4, 2, 66: *iuben an non iubes adstitui* | *aulas, patinas elui?* Capt. 4, 2, 81: *vasa tibi pura adparari* | *ad rem divinam cito*; Men. 2, 3, 80: *habeo praedam: tantum incepi* | *operis. i quantum potes*; Men. 5, 2, 28: *nescio quid vos velitati* | *estis inter vos duo*; Men. 5, 5, 15: *non potest haec res ellebori* | *unguine optinerier*; *unguine* Lachmannus restituit; in libris exhibetur *iungere*,

quod in Vetere altera manus in *inquinare* correxit. Men. 5, 5, 30: *perdomisco, si resolvi | argentum quod debeo*; Mil. 3, 1, 99: *praecantatrici, coniectrici, | ariolae atque aruspicae*; *praecantatrici* non modo in Ambrosiano et Vetere codicibus scriptum est, sed etiam Nonius, qui Varrone teste utitur, idem disertis verbis testatur. Brixius autem ex Decurtato et Vaticano formam *praecantatrici* reponendam censet. Contra monendum est simplicia vocabula *cantio cantor* omnino saepius legi quam *cantatio cantator*; atque in Plauti fabulis formas frequentativas non inveni: immo in Trinummo (2, 1, 23) *cantrices* scribitur; itemque *cantio* in tribus Stichii versibus (5, 4, 25. 5, 19. 6, 7) extat, in quorum altero idem Nonius veram formam traditam habet, cum librorum *cantationem* numeris repugnet. Mil. 4, 8, 4: *quid vis?* — *Quin tu iubes efferri | omnia quae isti dedi?* Mil. 4, 8, 66: *stulte feci, qui hunc amisi. | ibo hinc intro nunc iam*; Poen. 1, 2, 81: *quid eo opus?* — *Ego dicam: ut illi | et tibi limem caput*; Pseud. 1, 3, 34: *non potest pietati obsisti | huic, ut res sunt ceterae*; Pseud. 1, 3, 156: *pauci ex multis sunt amici, | homini qui certi sient*; Stich. 1, 2, 41: *viros nostros, quibus tu voluisti | esse nos matres familias*; Stich. 5, 4, 36: *haud tuom istuc est, te vereri. | eripe ex ore tibias*; Trin. 4, 2, 62: *lubet audire. — Illi edepol illi — | illi — vae misero mihi*; attendendum est Muellerum hoc quoque loco *illic* recipere voluisse. Trin. 4, 3, 52: *eo domum. — Heus tu, asta illico. audi, | heus tu. — Non sto. — Te volo*; de quo cf. Ritsch. adn. Truc. 5, 10: *puero opus cibo, opus est matri | autem quae puerum lavit*; in quo autem codices praebent, Kiesslingius<sup>1)</sup> *anui* optime substituit. — Alia pedum dimensione hiatus hos expellas: Amph. 1, 3, 20: *carnufex, non ego te novi?* | *abin e conspectu meo?* Amph. 1, 3, 34: *nam qua nocte ad me venisti, | eadem abis. — Quor me tenes?* et in his quidem versibus *abin* pro iambo pede et eadem pro voce trisyllaba vix quisquam accipiet; Men. 5, 7, 30: *nimis [aut] bene ora commetavi | atque ex mea sententia*; Truc. 5, 72: *lepide ecastor aucupavi | atque ex mea sententia*; Merc. 5, 2, 2: *spem insperatam quom optulisti hanc mihi, tibi grates ago*, ubi aut hiatus aut posterior *tibi* pronominis syllaba producitur. — Porro in tribus septenariis pro certo affirmari non potest, utrum in caesura an in alia sede concursus vocalium fiat: Asin. 3, 1, 29: *nunc adeo nisi mihi huc argenti adfert viginti minas*; Curc. 5, 2, 20: *ego quidem pro istuc rem solvi ab tarpezita meo*; Epid. 4, 1, 23: *novin ego te?* — *Si ego te novi, animum inducam, ut noveris*; in incisione hiarum suo iure editores existimant; etsi primo et tertio locis vocula *mihi* et *si* in arsi, secundo *pro* in thesi corripri possunt; cf. cap. I § 3. Non nihil dubius est, quia *illise* pro *illi* facile scribimus (cf. Schmidt, de pron. dem. p. 69), v. Most. 5, 1, 49: *quia enim id maxime volo, ut illi | istoc confugiant; sine. —* Iam vero nonnulli versus eius modi sunt, ut hoc loco praetermittendi fuerint.

<sup>1)</sup> v. Annal. 97 a. 1868 p. 641.

De Mil. glor. v. 3, 1, 43 sup. cap. II § 1 mentionem fecimus; porro Poen. 1, 2, 194: *sequere me soror. — Atque audin etiam? Veneri dicito*; quod Decurtatus Vaticanus exhibent *audi* ab hoc loco alienum est, quippe quo *etiam* non significet *iterum* (sicut Most. 2, 2, 43 et 4, 2, 1); cf. Langen. Symb. p. 160 sq. Truc. 2, 2, 17: *an eo bella es, quia clepis tibi armillas aeneas?* sic ex Ambrosiano adfertur; ex reliquis *quiaccepisti*, unde *quia clepsisti* Bothio placuerat.

His septenariis in incisione hiulcis octonarii trochaici addendi sunt tres: Bacch. 4, 3, 3: *incredibilis inposque animi, | inamabilis, inlepidus vivo*; Bacch. 4, 4, 1: *hunc hominem decet auro expendi; | huic decet statuam statui ex auro*; Merc. 2, 3, 7: *miser amicam mihi paravi | animi causa, pretio eripui*; de versu medio cf. Speng. de emend. metr. p. 175 sq.

Atque de hiatu in caesura facto hactenus; nunc venio ad personae mutationem. In his igitur senariis post i vocalem hiatur: Epid. 3, 3, 17: *sed tu hanc iube sis intro abduci. | — Heus, foras*, in quo *iube sis* pro *lubens* iam Gruterus restituit; de hiatu cf. Ritsch. N. exc. 1, 81. Merc. 4, 3, 10: *disperii. | — Equidem hercle oppido perii miser*; Pers. 1, 3, 27: *ita fieri iussi. | — Ecquid hal-lecist?* — *Vah, rogas?* Pers. 4, 7, 16: *inimicum ulcisci. | — Ecce me: numquid moror?* Poen. 3, 5, 38: *vae vestrae aetati! | — Id quidem (in) mundo est tuae*; Trin. 2, 4, 31: *tempust adeundi. | — Estne hic Philto qui advenit?* — Eodem modo legi possit Truc. 2, 4, 9: *promisi. | — Ubi cenabis?* — *Ubi tu iusseris*, ubi Ritschelius (Opusc. III 141) bis formam *cubi* reponere voluit, de quo quid sentiremus supra exposuimus; sed alterum *ubi* pro iambo, alterum pro pyrrhichio positum ipso versu commendatur<sup>1)</sup>. — Dubitationem movent Aul. 3, 6, 2, in quo ante extremum creticum hiari posse supra c. II § 1 vidimus; Poen. 5, 2, 115: *ostende, inspiciam: | aperi. | — Audio: atque adest*; sic enim Spengelius (Plaut. 195) versum edidit, qui in libris est *ostende inspici iam aperi audiatque ades*; utut emendatur, hoc certum est nullo modo versum deesse posse. — Duo versus his exemplis adnumerandi non sunt, quorum alter in spurio exitu legitur: Poen. 5, 7, 7 v. sup. cap. I § 4; alterum Palatini libri praebent Truc. 2, 4, 18: *benene ambulasti?* | — *Huc quidem hercle ad te bene*; in Rescripto autem *benene ambulatumst* traditur, quod comprobare non dubitabimus.

Subiciam septenarios trochaicos: Amph. 2, 2, 144: *pro cerrita circumferri?* | — *Edepol qui facto est opus*; Amph. 2, 2, 170: *lavisti. — Quid, postquam lavi?* | — *Adcubuisti. — Euge, optume*; Men. 2, 3, 33: *nimis miror, quid hoc sit negoti. | — Oboluit marsuppium*; Merc. 5, 2, 75: *quid manebo?* — *Tempus non est intro eundi. | — Enicas*; Mil. 3, 1, 199: *scietis postea. ecqua ancillast illi?* | — *Est prime cata*; particula *at*, quam Ambrosianus versui praemittit, delenda mihi videtur; ea enim facile ex personae nota oriri potuit eodem

<sup>1)</sup> sic Buechelerus teste Schoellio (Truc. prf. 34 adm. 4).

modo quo paulo supra (v. 195) AUT ex  $\sharp$ UT ortum est. In ultimo autem versu cum Scaligero Brixius *adprime* posuit pro eo quod in codicibus *primi* scribitur; immerito, opinor; nam *prime* in versu lacchiaco Truc. 2, 5, 4 *ego prime de me domo docta dico* Plautum dixisse cum Seyfferto (Stud. Pl. p. 29) credo; dixit vero teste Charisio Naevius.<sup>1)</sup> Mil. 4, 8, 37: *quid istuc est negoti?* | — *Animus hanc modo hic reliquerat*; Pseud. 4, 7, 78: *ex Sicyone huc pervenisti?* | — *Altero ad meridiem*; ita ipse Ritschelius in exemplari legi iubet; v. Men. praef. p. 16. Truc. 4, 3, 23: *quid tu? quor eum accepisti?* | — *Bra me rogavit minor*; sic Bothius spatium, quod post *eram* ero libri Decurtatus Vaticanus habent, optime explevit; cf. supr. ad Trin. 4, 2, 104. — Hiatum effugas, si vocabula *ibidem* enimvero *egomet* *habe* in secuuda syllaba acuere velis: Men. 2, 3, 28 (v. cap. 1 § 4); Men. 5, 9, 16: *te hodie mecum exire ex navi?* | — *Enimvero aequom postulas*; Most. 2, 1, 22: *tun vidisti?* | — *Egomet, inquam.* — *Certe?* — *(Certe,) inquam.* — *Occidi*; Most. 2, 1, 40: *perii.* | — *Habe bonum animum; ego istum lepide medicabor metum*; Pseud. 2, 2, 30: *immo adest.* — *Tune adtulisti?* | — *Egomet.* — *Quid dubitas dare?* — Scrupulus non potest non residere de quattuor versibus: Asin. 5, 2, 60: *invocasti.* | — *Ecquis currit pollinctorem arcessere?* in quo Camerarius nullo negotio *invocavisti* scripsit; Merc. 1, 2, 93: *perii.* — *Em, istuc unum verbum dixisti verissimum*, ubi haec nobis proposita est condicio, ut aut *perii.* | *em* aut *perii.* *em* | *istuc* pronuntiemus; Pers. 5, 2, 51: *nam ego nihil merui.* | — *At enim, quod ille meruit, tibi id obsit volo*; cum hiatu Ritschelius legit; fieri tamen potest, ut *nam* non coniungatur; Truc. 5, 28: *condidi intro quod dedisti.* | — *Ades, amica, te adloquor*; *ades* Muellero placuit. Schoellius vero cum Buechelero, quia *adest* in libris proditur, *adesto* restituit: id quod fieri potest, non debet; vide quae ipse Schoellius (praef. p. 34 sq.) contra Ritschelium disserit.

Quae in octonariis versibus leguntur, nituntur coniecturis. In iambico enim octonario habes Most. 3, 2, 53: *velim ut fabellas, Tranio.* *(sed quid) est negoti?* | — *Eloquar*; in trochaico Amph. 2, 1, 27: *nusquam equidem bibi.* — *Quid hoc fit homini?* | — *Equidem deciens dixi*; sic bene Ussingius; in codicibus exhibetur *quid hoc sit hominis.* Epid. 1, 1, 72: *benevolens sum benevolenti.* | — *Abi in malam rem maxumam a me*, ubi *sum benevolenti* Goetzius emendavit, quod librorum memoria *cum benevolente* depravata est.

Quoniam de eo hiatu dixi, qui in caesura legitima et in finita oratione post i litteram accidit, nunc ea exempla adferam, quae hanc excusationem non habent. In secunda igitur senarii sede repperi: 1. Curc. 3, 80: *(si forent) Conclusi* | *itidem ut pulli gallinacei*; 2. Epid. 3, 4, 41: *(quin tu fidicinam) Produci* | *intus iubes?* — *Haec ergo est fidicina*; in priore versu Ritschelius priscam formam *conclusis* re-

<sup>1)</sup> cf. testim. ad Truc. 454 edit. Schoell.



posuit; v. N. exc. 1, 114; Opusc. II 646 sq. et 767. Atque haec nominativi forma iusto iure scribi potest, cum praesertim in libris Plautinis bis servata esse videatur (Men. 2, 1, 33 ubi v. Vahl. adu. et Mil. 1, 1, 44 (sed v. Gepp. Stud. II p. 12); de Mil. 2, 4, 21 infra dicendum erit). At tamen Goetzius cum Fleckeiseno illi interponere maluit. Neque vero in Epidici versu ulla antiqua forma praeste est; neque de dimensione *intus iubes* cogitari potest, quippe quae fieret ut incisione versus egeret. Qua re transponendo aut *intus iubes produci* aut *intus produci iubes* effecerunt critici. Certum est huc accedere, quamquam in libris terrae traditum habemus 3. Bacch. 4, 7, 22: *terrai | odium | ambulat; iam nihil sapit*; nam in hoc vocabulo hiatus non solum propterea ferendus est, quod vocalis longae vocali subiecta commisceri non potest (v. Lachm. ad Lucr. III 374 p. 158 sq.); sed etiam quod obsoletas formas in versibus adhibere nisi eodem modo quo in usu esse desierunt poetis non licet: neque enim ab iis qui audiebant intellectae essent; cf. Trin. 4, 4, 16. De *terrais* autem dicere non opus (Ritsch. N. exc. 1, 116). — Verum hiatus testimonium non est Pseud. 1, 5, 10: *proficisci, | ibi nunc oppido obsaepta est via*, in quo *ibi* pro iambo esse potest; aliter Speng. Plaut. 222; — aut Stichi v. 1, 3, 84: *Epignomi ancilla haec quidem est, Crocotium*, ubi melius in incisione vocales non coeunt. — Detrahendus denique est Militis gloriosi versus, quem Palatini sic praebent: Mil. 2, 2, 65: (*quid nunc . . ?*) *Vidisti | ambas? . .* sed Ambrosiano codice, cui *vidistin* debetur, hiatus tollitur.

Porro post quartam thesim his locis concursus vocalium efficitur: 1. Asin. 4, 1, 59: *ancillam ferre Veneri | aut Cupidini*; nomen proprium excusant Hermannus (Elem. doctr. metr. p. 190) Spengelius (Plaut. p. 215); Reisigius *vel* pro *aut* substituit nulla probabilitate. 2. Bacch. 2, 3, 52: *is lembus nostrae navi | insidias dabat*; cum Py-lade Ritschelius male convertit *is nostrae navi lembus . .* 3. Curc. 3, 66: *argentum des lenoni; | huic des virginem*; Spengelius (Pl. 222) moram hoc loco factam excusat; Muellerus *<is>* *huic det* scribendum coniecit, cui opinioni minime adsentimur; nam et operam et pecuniam in emenda virgine praebet argentarius; v. 3, 63; 4, 2, 37 al. 4. Merc. 4, 1, 10: *qui | hanc vicini nostri | aram | augeam*, de quo sup. cap. I § 2 dictum est. (5.) Merc. 4, 3, 13: *quid nunc ego faciam, nisi uti | adeam atque adloquar*; in quo *uti* Ambrosianus, ceteri *ut* exhibent. Haud inepte Guyetus *eam* post *nisi ut* interponit, ne obiectum absit. 6. Pseud. 1, 5, 9: *quo in commeatum vo-lui | argentarium Proficisci, ibi nunc . . obsaepta est via*; hiatus vitandi causa volueram Ritschelius non ita commode edidit. Veri simile est eodem huc spectare v. Capt. 1, 2, 72: *propterea te vocari | ad cenam volo*; sic enim in codice Britannico traditur, idemque in Vetere correctum est teste Sonnenscheino, ubi antea fuerat *ad te ad nam*. Contra Fleckeisenus Brixius *ad me ad cenam* genuinam lectionem fuisse suspicantur. — In eodemque numero esse videntur Merc. 1, 1, 105: *quid verbis opus est? emi | atque advexi heri*; Poen.

5, 2, 96: *quid ais? qui potuit fieri, | ut Carthagini*; Pseud. 1, 5, 118: *virtute regi Agathocli | antecesseris*; quamquam in primo versu, cum Vetus *mi*, Decurtatus *mihi* praebeant, haud prave *(emi)* *mihi* reponitur. In altero hiatus nullus esset, si *fieri* pedem creticum efficeret: id quod in fine versuum saepe accidit, in mediis locum non habet; cf. supr. c. I § 4 c. adn. Quam ob causam, nisi cum Gepperto *uti* scripseris, hiatum non evitabis. In tertio vero Ritscheli (Opusc. II p. 488 sq.) *Agathocoli* Plauto vindicabat. Et haec forma per se fingi poterat; sed cum in *Mostellariae* et *Menaechmorum* versibus necessario *Agathocles* requiratur, hoc uno loco illa prorsus improbanda est. — Dubii sunt tres loci: Merc. 4, 1, 11: *da sane hanc virgam lauri. | abi tu | intro.* — *Eo*; Epid. 3, 4, 57: *euge, euge, Epidice, frugi.* — *ita pugnasti* — *homo es*, Qui . . Trin. 2, 4, 155: *me tibi dixisse hoc.* — *Dixisti | arcano satis*; illum Mercatoris versum secundum codices solus Ussingius in exemplari posuit, qui tamen *abi* producta syllaba posteriore legi vult; alii viri docti *en* vel *em* vel *do* addiderunt, ne tacita imperatum faceret *serva*. Reliquis locis formae *pugnastis dixisti* restituere lenissima mutatio est, quia librorum errore tam *dixisti* pro breviori voce quam *dixisti* pro *dixisti* scribi potuit. Quamquam in Trinummo Ritscheli ille quidem brevior, quae in Rescripto exhibetur, retinuit, cum praesertim etiam in v. 2, 4, 166 et 3, 2, 29 eandem formam solus Ambrosianus recte servaverit. In Epidico vero de scriptura ambigitur; nam *frugi* — *ita pugnasti* — *homo es* ponendum Ussingius coniecit; in libris est *frugi es pugnasti homo es*, in Vetere ita ut prius *es* ex *st* correctum sit. Itaque alii voluerunt *frugi es*; *pugnasti* *σοφως*. — Melius in quinta quam in quarta sede hiatum statuimus Men. 3, 2, 30; v. cap. II § 1; Curc. 2, 2, 26: *heus Phaedrome, exi, | exi; exi, inquam, | ocius*; in quo versu *inquam* non elidemus, ne eadem vox *exi* ter deinceps eundem sonum habeat. Camerarius vero, cum in caesura quoque versus hiet, quartum *exi* post *heus* inserebat. — Omittendi erant in enumerando Poen. 5, 7, 13: *iam pridem equidem istas scivi | esse liberas*, qui versus Plauti non est; Pseud. 1, 5, 7: . . *sensi | et subolet mihi*, ubi Ambrosiano duce *subolebat* Ritscheli reposuit, idemque oratione flagitatur; Trin. 1, 2, 66: *haec quom audio in te dici, | excrucior miser*; cum libri *dici* praebeant, Vahlenus (Herm. 12 p. 195) proxime ad eorum memoriam accessit, cum scribendum esse coniceret *dici, is*. Vix dignus qui memoretur est Poenuli v. 5, 2, 124, in quo codices vitiose habent *etsi | hic habet*, Pylades restituit *habuabit*.

Adiungimus ea exempla, quae in quinto iambo repperimus. His autem hiatibus Spengelium quodam modo patrocinari supra diximus, cum de o vocali verba faceremus. 1. Amph. 3, 1, 12: *si id Alcumenae | innocenti | expetat*; *innocentiae* cum Lachmanno (ad Lucr. III 374 p. 161) scribere nihil habet negotii, etsi in alia Plauti fabula non legitur. De genetivo *Alcumenas*, quem Ritscheli Opusc. III 133 praeterea vindicabat, infra disseram. 2. Capt. 3, 5, 24: *dum*

ne ob malefacta peream, parvi | aestumo; idem ante aestumo hiatus in senario Plautino (Fest. epit. p. 143): *rogata fuerit necne, flocci | aestumo* invenitur. Atque in his cottidianis verbis hiatus expellere scribendo *existumo* probabile non est. 3. Men. 3, 2, 11: *prandi, potavi, scortum accubui, | abstuli*; et hic versus ita comparatus est, ut nulla mutatione non corrumpatur; ac ne Ritschelius quidem tollere hiatum ausus est, quamquam retineri non potuit, quin in exemplari post *accubui* acrius distingueret; cf. supr. Bacch. 3, 2, 24. 4. Men. 3, 3, 10: *numquam hercle factum est. — Non memini, | obsecro?* cf. Speng. Plaut. p. 220. Ritschelius *te* ante *obsecro* inserit, id quod Plauti moris non est; v. supr. ad Most. 3, 1, 30. 5. Merc. 4, 4, 5: *videre, amplecti, | ausculari, | adloqui*; de quo Spengelius Plaut. p. 221 disceptat. 6. Merc. 4, 4, 57: *ibo ad forum, atque haec Demiphoni | eloquar*; Pylades *Demiphoni haec* transposuit eique Ritschelius accessit. 7. Most. 1, 1, 38: *dique omnes perdanti obolui | allium*; Goetzius Loewius (Asin. praef. p. 26) ex verso 37 *fu* ante *obolui* transtulerunt, idque *fusae* scribi voluerunt. Nec tamen sine magno orationis detrimento hoc fieri rectissime monet Ussingius (cf. Speng. de emend. metr. p. 80 adn.). 8. Pers. 4, 6, 15: *atque edepol tu me commonuisti | haud male; tute vel id tu vel ne tu* Ritschelius noluit recipere, cum etiam in Ambrosiano *atque edepol tu me* appareret; immo post *me* iniecit *nunc*, quod tamen neque probabiliter neque apte interponitur. 9. Poen. 1, 3, 34: *nam isti quidem hercle orationi | Oedipo Opus coniectore . . verbum est* in verso 35 Ussingius delet, Bothius Geppertus post *orationi* collocant; sed *opus* non minus quam *opus* pro pyrrhichio est. 10. Poen. 5, 2, 65: *sub cratim ut iubeas se supponi | atque eo*; Pylades alii sese posuerunt: id quod fieri vix potest, quoniam in subsequenti versu scriptum videmus *ut sese neces*. Et ne uti quidem numerorum causa placet. — Duobus locis in incisione legitima, non ante extremum creticum eodem iure hiatur. In altero monosyllabum *tu* corripì posse supra cap. I § 4 exposuimus. Pseud. 1, 5, 75; neque vero Ritschelii *cubi* stare posse nobis persuadetur. Alter versus est Curc. 3, 45: *quia vestimenta, ubi obdormivi ebrius*, in quo *obdormivi* non commisceri Spengelius putat. Quod ni fit, et ante et post *ubi* hiatur: de qua re alio loco disputabimus. — Scrupulum iniiciunt hi tres versus: Aul. 2, 8, 24: (*Apollo, quaeso, subveni mihi . .*) *Qui in re tali aliis subvenisti | antidhac*; sic duce Kochio restitui potest, quod in libris traditur *cui* (h. e. *qui*, v. supr.) *in re talia subvenit antidhac*; sed valde dubia res est; Men. 5, 1, 40: (*aurum meum*) *Domo suppilas tuae | uxori | et tuae Degeris amicae . .* ita cod.; sed oratione quam maxime commendatur, quod Vahlenus (Herm. 17 p. 622) scribendum proponit *tuae uxori <aufers> et tuae . .*; Pseud. 3, 2, 67: *ut nostra properes amoliri | omnia*; sic enim ex libris Palatinis adfertur; Ritschelius cum in Rescripto quinque litterarum spatium invenisset, *hinc* interposuit.

Iam in septenarii trochaici sede prima i vocalis excipitur

vocali: 1. Truc. 2, 6, 57: *perii* | *hercle miser* . . cuius sup. c. I § 7 mentionem fecimus. In Amphitruone eorundem vocalium concursus feret, nisi cum Ritschelio (Opusc. II 430 sq.) *expurgationem* scribendum esset Amph. 3, 3, 10: *habui* | *expurgationem*; *facta pax est*. — *Optume est*. In Poenulo denique unus Ambrosianus exhibet Poen. 4, 2, 50: *noli* | *edepol devellisse* . . ; Palatini codices *nolito* servarunt, quod in textum recipiemus.

Post secundi trochaei thesim hiatus efficitur: 1. Amph. 2, 2, 153: *tu peperisti* | *Amphitruonem, ego alium peper* *Sosiam*; voc. *alium* viri docti alii alibi inserebant. Si cum Fleckeiseno post *tu* ponitur, eadem in duobus membris verborum compositio non nimis placet, etsi eius generis exempla non nusquam leguntur. Neque vero magis Usingium probabimus, cum post *peperisti* collocare mavult: nam tres dactyli rarissime continuantur (cf. Ritsch. Prol. Trin. p. 273). Quam ob rem si necesse est *alium* addatur, nihil relinquitur, nisi ut post *Amphitruonem* interponatur, id quod non inepte Guyetus olim proposuit. 2. Mil. 4, 8, 20: *o mei oculi*, | *o mi* | *anime*. | — *Olivero, tene mulierem*; Ritschellius N. exc. 1, 114 formam *oculis* reponit, quemadmodum Curc. 3, 80; alteros post *mi* et *anime* hiatus neque in hoc libello neque in editione sollicitavit. 3. Poen. 4, 2, 66: *nisi ero meo uni* | *indicasso atque ei quoque, ut ne enuntiet*; Muellerus suadet ut vocum *meo uni* ordo immutetur. — His exemplis adnumerari possunt Amph. 1, 3, 25: *clanculum abii* | *a legione*; | *operam hanc subripui tibi*, ubi tamen cretica vox *clanculum* haud minus recte vocalem ultimam retinet; v. Sent. contr. I. De removendo autem hiatu inter viros doctos magna dissensio est. Pers. 2, 2, 60: (*edictum est magnopere mihi, ne quoiquam* | *homini crederem*) *Omnes muti* | *ut loquerentur prius hoc quam* | *ego*. — *At tu hoc face*; nihil facilius est quam *uti* scribere; neque vero de *tu* correpto cogitare licet, ne eundem sonum verba habeant quem in v. 58: (*edictumst mihi*) *Ne hoc quoiquam homini edicerem, omnes muti ut loquerentur prius*. Poen. 3, 2, 37: *iam nunc ego illi* | *egredienti* . . ; aut ante aut post *illi* hiatur; Geppertus *illi ego* transponere maluit. Truc. 4, 1, 3: *divi magni!* | *ut ego laetus sum et laetitia differor!* in quo vix post verbum *sum* in caesura vocales concurrunt; cf. cap. I § 10. Schoellius vero (v. praef. p. 30) particulam *nunc* huc transtulit ex antecedenti enuntiato, quod sic fere traditur: *neque gnatust neque progignet urneque potest reperirier, Quoi* | *ego nunc* (*aut*) *dictum aut factum melius quam Veneri velim*. Prior igitur versus nihil aliud valet nisi *nemo est omnium vel, ut poetae verbis utar, nemo natus est neque reperiri potest*; ita enim nascendi verbum dicere solebant. Quod autem Diniarchus ambigua voce ludens subicit *neque progignetur*, duo ponit, et praesens et futurum tempus, sed unum sentit; nam mens adolescentis tota in praesenti tempore versatur. Quod si est, *nunc* sane quam sententiae accommodatum est. Sed videant doctiores. — Dubitationem movent: Pers. 2, 2, 40: *offirmasti* | *occultare* . . Stich. 4, 1, 70: *quin vocasti* | *hominem ad cenam?* . . ibi

enim *ne* interrogativum non potest non praetermitti (cf. v. 39); hic non tam *vocavisti* quam *<ad te>* *ad cenam* restituitur ex Plauti consuetudine; cf. versus 6 et 7 eiusdem scaenae al. — Dicere nolo de Truc. 2, 2, 47, ubi *ne* Palatini quidem hiant; nam eorum *nunc* interpretor *ñ* (*non*) *hunc*.

Atque haec in secunda septenarii sede inveniuntur; in tertia 1. Amph. 3, 3, 9: *an id ioco dixisti?* | *equidem serio ac vero ratus*; Camerarius *tu*, Ussingius *ego* inciebant; in Goetzii Loewii exemplari scriptum videmus *equidem <hercle>serio* . . . ut alia taceam. 2. Bacch. 4, 4, 36: *istoc dicto dedisti* | *hodie* | *in cruciatum Chrysalum*; ne versus bis hiaret, Ritscheliuss *dedidisti*, Ussingius *<tu>* *dedisti*, Muellerus *istoc <de>* *dicto* voluerunt. Ita tamen fit, ut ante legitimam caesuram dactylus ponatur; hoc autem, si traditum est, feremus, contra librorum memoriam inducere probabile non est. Rectius igitur, si emendatione opus est, cum Hermanno transponitur *hodie dedisti*. 3. Pers. 4, 4, 2: *urbis speciem vidi*, | *hominum mores per-spexi parum*; cum Guyeto Ritscheliuss *mores hominum* edidit. Et placent nomina ex diverso collocata, quamquam traditus verborum ordo per se iusta mutandi causa non est; v. Most. 1, 3, 147; Asin. 3, 3, 41 al.

Porro in quinto pede haec extant exempla: 1. Amph. 1, 1, 274: *eam ego, ut matre fuerat natum, vini* | *eduxi meri*; Muellerus et huic et proximo versui *ibi* vel *illi* intexuit. Fleckeisenus *vini* post *ego* male revocavit; deinde ne in eadem sede *natum* vocali exciperetur, iterum verborum *fuerat natum* ordinem invertit. 2. Men. 5, 5, 58: *salvus salvos alios video, novi* | *homines, adloquor*; Ritscheliuss *novi <ego>* *homines*, Brixius *homones* posuit, quod supra refellimus. 3. Men. 5, 9, 96: *venibunt servi, supellex, fundi, aedes, omnia*; Brixius et interposito orationem depravavit. Ritscheliuss in editione transposuerat *aedes, fundi*, ut post *fundi* gravis distinctio esset, quemadmodum in versu 3, 2, 11; postea (Opusc. II 650 adn.) cum Buechelero<sup>1)</sup> sensit, qui *fundis* restituit. 4. Poen. 4, 2, 40: *quid agis?* — *Facio, quod manifesti moechi* | *haud ferme solent*; sic Ambrosianus; idemque ceterorum scripturae *manifesto imo echi* vel *manifesto himechi* valent<sup>2)</sup>. Atque adverbium *hic*, quod Bothius inseruit, ab hac sententia abhorret. — Alia versuum dimensione hiatum exemeris, ut Stich. 4, 1, 9 omittam, Amph. 1, 1, 110: . . . *cepi* | *huius in me et statum*, ubi *med* Ritscheliuss (N. exc. 1, 35) posuit; v. cap. I § 1. — Non tam in caesura hiatum quam *abduxisti* scribendum est (cf. Luchs. in Studem. Stud. I, 1 p. 50): Curc. 5, 2, 16: *me reposcis?* — *Quam ab lenone abducti hodie, scelus viri*. Neque aliter de hoc numero eximendi sunt Most. 3, 3, 9, ubi propter similitudinem versus 11 si non poterit non addi; et Men. 5, 9, 39: *Moschum tibi patrem fuisse dixti*: | *huic utidem fuit*; sic enim liber

<sup>1)</sup> de decl. Lat. p. 18.

<sup>2)</sup> error ab ipso librario corrigitur, sicut in Vetere 'homoinem'.

Manus exhibet; sed cum dixit ex Decurtato et ex Vetere adferre, et ex hoc ita ut ab altera manu in dixisti correctum sit, ne habitari quidem potest, quin dixisti verum sit.

Atque ut ad sextam septenarii sedem veniamus, vocalium concursus accidit his locis: 1. Amph. 1, 1, 107: *attat, illic huc iturust. do ego illi | obviam*; de dativo *illic* vide supr. ad Ba. 4, 7, 1. 2. Bacch. 4, 4, 75: *quid parasti? — Quae parari tu iussisti | omnia*; Ritschelius *tute* recepit, quod tamen prorsus conveniens esse non videtur; idem *parare tu <me> iuss.* scribi posse adnotat. 3. Men. 5, 9, 29: *nam ego hominem homini similiorem numquam vidi | alterum*; pronomen *ego*, quod in initio delevit, post *vidi* transtulit cum Bothio Ritschelius. (4.) Stich. 5, 4, 51: *tecum ubi autemst, mecum | itidemst: neuter neutri | invidet*; artificiosius quam verius est quod Ritschelius edidit *neutri neuter*; hoc tamen certum pro eo quod in codicibus legitur *utri* restituendum esse *neutri*, non *alteri*; cf. *uterque utriusque cordi* (Ter. Phorm. 5, 3, 17) al. 5. Trin. 4, 3, 11: *memoriam esse oblitum? an vero, quia cum frugi | hominibus*; in priore editione Ritschelius, ut solitus erat, *tu* orationi admiscuerat; in altera Bergkii illud *homonibus* sumpsit. In eodem numero habuerim Truc. 4, 4, 32: *verum est verbum, quod memoratur: ubi | amici, ibidem opes*, etsi *ibidem* in syllaba media acuere licet. *Ubi* autem sequenti vocali corripui posse infra ostendimus; neque in hoc pro-verbio hiatus removendum, aut verbum substantivum addendum nobis persuadetur. — In alia atque in sexta thesi hiari potest: Epid. 2, 2, 59: *quam facile et quam fortunate evenit illi, | obsecro, ubi* Ussingius in incisione vocales non coniungit; Capt. 3, 1, 21: *neque me rident. 'ubi cenamus?' inquam, atque illi | abnuont*; Curc. 2, 3, 55: *quod tibi, item sibi esse, magnam argenti | inopiam*; Truc. 2, 7, 65: *iam | ego te hic offatim conficiam, occidi | optimum est*; et in his tribus versibus post sextum vel post quintum trochaicum non eliditur (de primo cf. Schmidt. de pron. dem. p. 69). — Prorsus certa exempla non sunt: Most. 3, 2, 124: *te has emissee. non tu vides hunc voltu ut tristi | est senex?* ubi coniunctivus *sit* cum Fleckeiseno facili opera restituitur. De indicativo cf. Becker, de syntaxi interrog. obliq. in Studem. Stud. I 1 p. 273 sq. et 286 sq.; de interrogationis forma v. Vahl. Herm. 17 p. 598 sq. Epid. 3, 1, 5: *nullam tibi esse in illo copiam.* — *Intertu | hercle ego*; si cum Goetzio in fine *oppido* adiecimus, non modo hiatus eximuntur, sed etiam legitima caesura numerique nitidiores versui redduntur. — Detrahendus autem est v. Bacch. 3, 3, 3: *perdidit . . filium uni | unicum*, in quo *unice* Bothius emendavit idemque editores merito acceperunt.

Sed de trochaicis septenariis hactenus; in iambicis leguntur: 1. Merc. 3, 1, 32: *ego te redemi; | ille mecum oravit.* — *Animus rediit*; 2. Mil. 4, 6, 37: *per amorem si quid fecero, clementi | animo ignoscet*; in hoc altero versu Ritschelius (N. exc. 1, 65) vocabulo *clementi* d litteram adiungit; idem vir doctus in priore r. *<illi>*; ille . .

scribere animum induxit. — Aut illi aut nam integrum manent. Truc. 1, 2, 97 supra cap. I § 7 diximus. — Ambigitur de Milio gloriosi versu, quem Ambrosianus liber habet Mil. 2, 4, 21: *mihi possunt minis tuis hisce oculis exfodiri*; et hanc versus formam unice veram esse Ritscheliuss putat (Opusc. II 650 sq.; N. exc. 114). Ipse cum Muellero Ussingio potius senserim, qui Palatinos secuti scribunt: *minaciis tuis hisce oculi exfodiri*; nam *minis pro minaciis* facilius inferri potuit quam *minaciis pro minis*; oculis autem ex nominativo *hisce* natum esse in aperto est; cf. Muell. Proesp. p. 215 adn.

Iam in octonario trochaico habes Truc. 2, 7, 28: *grata accepta oecastor habeo. iube | auferri | intro, Cyame*; *mi* vel *ad me* critica post *intro* adiciebant, in codicibus est *intro ichiame*. Alterum post *iube* hiatus Spengelius *ea* pronomine addito sustulit; Schoellii *o* natus proximo versu redarguitur.

In octonario iambico i vocalem in thesi non coniungi pro certo dici non potest; nam duo exempla eius generis sunt, ut in incisionibus post *ego* et *vincite* eodem iure hietur: Epid. 4, 1, 8: *me nominat haec. credo ego, illi hospitio usus meo venit*; Pseud. 1, 2, 18: *nempe ita animati estis [vos]: vincite hoc duritia tergi atque me*.

In dimetro iambico traditur: 1. Men. 4, 2, 33: *diem corrupti optimum*, quae verba Ritscheliuss iniuria damnavit; ita particulam inseri posse Vahlenus adnotat.

### 3. De a vocali.

Adnectimus eos hiatus, cum ultima prioris vocis syllaba in longam a vocalem excidit. Incisionis semiquinariae excusationem habent hi loci: Amph. 1, 2, 36; v. cap. I § 10; Asin. 1, 1, 5: *siquid meo erga | hodie falsum dixeris*; Aul. 1, 1, 5: *nam me qua causa | extrusisti ex aedibus?* nunc quod Vaticanus praebet, delendum videtur quomodo 1, 2, 7; 3, 2, 21 (cf. Ritsch. N. exc. 1, 129). Bacch. 2, 3, 15: *quid hoc, qua causa | eum | in Ephesum miseram?* de altero post eum hiatus v. Speng. Plaut. pag. 204 sq. Mil. 4, 7, 3: *me amoris causa | hoc ornatu incedere*; Most. 4, 3, 45: *sune. — Eademque opera | haec tibi narravero*; Poen. 5, 2, 153: *specie renusta, | ore atque oculis pernigris*; Stich. 5, 1, 3, de quo versu sup. cap. I § 2 verba fecimus. Truc. 3, 1, 10: *avis in crumina | hac in urbem detuli*. — Alia pedum dimensione tres hiatus expellas: Merc. 3, 2, 12: *nunc tamen interea | ad me hic inrisum domum*; Mil. 1, 1, 52: *quid in Cappadocia, | ubi tu quingentus simul*; Most. 2, 2, 53: *ego dicam; ausculta, ut foris conarerat*; in hunc versum etiam Ritscheliuss Lorenzianus uti recipere noluerunt; secundum vulgo dimetiuntur *quid in Cappadocia* . . . in primo Goetianus *und* scripsit; cf. Ritsch. N. exc. 1, 50 adn. 1. — Tres versus in hoc numero reponendi non erant: Most. 4, 2, 18: *unus triginta | accepti, quod sciam, ubi triginta codices praebent, sed quadraginta necessario restituendum olim intellectum est*; Pers. 1, 2, 53: *abi et istae cura | interibi ego*

*puerum volo Mittere ad amicam meam, ut habeat animum bonum;* cum hiatus et vox dactylica et numeri offenderent, Ritschelius libere transposuit . . *ego ad amicam meam Volo puerum mittere ut . .* Ipse mutatione opus esse nego; immo sic legendum: . . *intēribi egó puerum volo.* Vocabulum autem dactylicum in syllaba media acui minime inusitatum est, quamquam plerumque in primo senarii pede fieri solet; v. *hocine* Amph. 3, 1, 16; *dicere* Pseud. 1, 2, 38; *nomine* Pseud. 1, 2, 52; saepius *illius* (Curc. 5, 3, 38; Merc. 1, 1, 48) al. In Palatinis falso traditur: Epid. 3, 4, 54: *nam pro fidicina | haec subposita | est tibi*; Ambrosianus autem alterum quoque hiatus, cui excusatio nulla est, removet, cum *cerva* post *haec* interponit.

In trochaici septenarii caesura a littera non eliditur: Amph. 1, 1, 245, de quo supra cap. I § 10 dictum est; Bacch. 3, 3, 58: *verum ingenium plus triginta | annis maius quam alterist*; Capt. 2, 2, 81: *eum si reddis mihi, praeterea | unum nummum ne duis*; Men. 5, 2, 45: *postulas viros? dare una | opera pensum postules*; Mil. 4, 1, 12: *quid? hic unde est? — A luculenta | atque festiva femina*, in quo ac Klotzius voluit, atque <a> Acidalius. Mil. 4, 8, 13: *et quia tecum eram, propterea | animo eram ferocior*, de quo Ritsch. N. exc. 1, 83 disserit. Pers. 4, 4, 113: *tuo periculo sexaginta | haec datur argenti minis*; cum Bentleio dabitur ponere minime opus est. — Si quis vocaliarum *ubi eri* syllabam posteriorem producere velit, hos hiatus tollat: Bacch. 3, 3, 27: *inde de hippodromo et palaestra | ubi revenisses domum*; Mil. 2, 2, 108: *participaverit de amica | eri, sese vidisse eam*; sic enim recte in Rescripto exhibetur; cf. Ritsch. Stich. praef. p. 17 adn.; ceteri *erili se vidisse* (in Vetere est *esivevidisset*) habere videntur. — In coniectura positum est quod Ussingius edidit Capt. 2, 2, 16: *nunc senex est in tonstrina; | hic iam cultros adinet*; nam *nunc*, non *hic* ex libris adfertur; minus probabiliter Brixius *nunc erus cultros* scribendum esse coniecit. — Si libros Plautinos sequeremur, adscribendus esset Truc. 5, 64: *pecua ad hanc ego in crumina | obligata deferō*; sed optime Priscianus memoriae prodidit . . *hanc collo in crumina ego obligata . .*; atque huic lectioni eo maior fides tribuenda est, quod quo modo in Palatinis erratum sit facile cognoscitur.

Accedit octonarius trochaicus Pers. 5, 1, 2: *bello extincto, re bene gesta, | integro exercitu et praesidiis*; nam pro trochaico, non pro anapaesto versus accipiendus est.

Eius hiatus qui personae mutatione facile expurgatur, bina exempla in senario et in septenariis extant. In senario iambico: Bacch. 1, 2, 6: *cum tanta pompa? | — Huc. — Quid 'huc'? quis istic habet?* Poen. 5, 2, 81: *popularitatis causa. | — Habeo gratiam*; in trochaico septenario: Poen. 5, 7, 33: *dabo, quae placeat. — Cura. | — Aurum cras ad te referam tuom*; Stich. 2, 2, 57: *sambucas advexit secum forma eximia. | — Eugepae*; in septenario iambico: Asin. 3, 2, 40, quem v. supra cap. I § 5 explicavimus; Pers. 2, 5, 27: *sed sequere me: ad eam rem usus est tua mi opera. | — Utire*



ut vis; hunc versum cum hiato legere Ritschelius maluit quod Bothium secutus *mihi opera* pronuntiare.

Neque vero solum in oratione finita aut in incisione, verum etiam aliis versuum locis a extremum vocali excipitur. Atque primo loco senarios componam: 1. Truc. 2, 4, 91: *praeterea* | ob *nari dumtaxat mina* formam *praeteread* Ritschelius (Opusc. III 12) substituit; quod autem Bergkii *una* inserebat, *una . . mina* magis Latinum est quam *una uncia* (Men. 3, 3, 3 v. supr.). Incerti esse possumus de versu Bacch. 2, 3, 78: *quin in ipsa* | <deae> *Dianae conditum est*; nam cum versus mutilus sit, Hermannus *deae* addere voluit: quae coniectura valde probabilis non videtur; Usingius tamen *Ephesiae* intercidisae putat. — Atque haec quae modo commemoravimus in altero pede; in quarto hiato facillime evitari potest Bacch. 4, 1, 5: *tu dudum, puere, cum illis usque isti simul*; nam *illac* cum Bothio vel *ivisti* asciscere non dubitabit. — In quinta thesi certum hiatus exemplum invenitur 1. Men. 4, 1, 5: *pallam ad phrygionem cum corona* | *ebrius*; cf. Spengel Plaut. p. 235; Ritschelius, qui ediderat *corona* <hic> *ebrius*, postea (N. exc. 1, 64) *coronad* formam praetulit. — Quae praeterea leguntur, vera testimonia non sunt; nam in duobus versibus Curc. 2, 2, 28: *video currentem, ellum usque in platea ultima*; Stich. 1, 3, 114: *sat ut facete atque ex*<sup>1)</sup> *pictura astitit*? Ritschelius ille quidem (N. exc. 1, 63 et 64) venustis numeris *platead* et *picturad* scribi iussit; sed in caesura hiatum statui posse concedendum est. Primo vero obtutu cuius patet vitiosum esse v. Bacch. 1, 2, 32: *quom haec intus sit et cum amica* | *adcubet*, quem Vahlenus Herm. 15 p. 259 sanavit cum *epheb* (*ephebus*) pro *haec* reponeret; Ritschelius (N. exc. 1, 69) sic scripserat: *quom hic intus* <erus> *sit et cum amicad accubet*. Iam in septenarii trochaici sede secunda haec duo habes: 1. Amph. 1, 1, 160: *alia forma* | *esse oportet quem tu, pugne, tetigeris*; 2. Men. 3, 1, 1: *plus triginta* | *annis natus sum, quom* | *interea loci*; in priore versu vulgo cum Camerario transponitur *forma oportet esse*; neque vero hoc Ritschelius (N. exc. 1, 62) assensu suo comprobavit. De Men. versu supr. cap. I § 9 dictum est; addendum in eodem vocabulo, quamquam in caesura, hiatum inveniri Bacch. 3, 3, 58: *plus triginta* | *annis matust*. Inde cernitur ordinem verborum iniuria a criticis tentari. — Post quintum trochaeum hiatus efficitur 1. Men. 5, 5, 5: *quem* | *ego* | *hominem, si quidem vivo, vita* | *evolvam sua*; 2. Men. 5, 9, 89: *quoniam haec evererunt, frater, nostra* | *ex sententia*; ablativo *vita* Ritschelius (N. exc. 1, 64) d litteram adiecit; alterum versum emendaverat . . *evererunt nobis, frater ex* . . , quod cur praestet non perspicio; immo adiectivum, non dativum pronominis, apud Plautum legere solemus; cf. *ex mea sententia*. Accedere etiam hoc potest: Curc. 2, 3, 61: *dico me illo advenisse*

<sup>1)</sup> 'atque' Loewius in Ambrosiano legit; cf. Anal. Plaut. p. 176.

causa. | *ibi me interrogat*, ubi hiatus Spengelius (Plaut. p. 9) defendit; Ritschelius *causad* posuit N. exc. 1, 63, nec tamen (Opusc. III 126) *med* legere licere. — A Camerario recte datur Bacch. 3, 6, 6: . . *adibo contra et <con> tollam gradum*; *contollere gradum* h. e. *congre*di hoc loco requiritur, sicut Aul. 6. Similiter Pseud. 2, 4, 17: *confer gradum contra*; Merc. 5, 41. De genere errandi cf. supr. cap. II § 1 ext. ad Epid. 3, 2. In Palatinis libris hiatus exhibetur Stich. 1, 2, 97: *sed tamen intervisi. propera, | actutum redi*; sed *atque*, quod Rescriptus interpositum habet, ante *actutum* facile excidit. — Post sextam huius vocalium concursus fit his locis: (1.) Asin. 1, 3, 49: *si aes dant, dant mercem; eadem nos disciplina | utimur*; hoc uno loco *disciplina* restituere<sup>1)</sup> non nihil dubito, praesertim cum ea forma Asin. 1, 2, 74 mero errori videatur deberi. 2. Men. 5, 9, 56: *quot annos gnatus, quom te pater a patria | avehit?* Ritschelius N. exc. 1, 64 nihil mutavit, nisi quod *patriad* posuit; antea Fleckelium secutus . . *gnatus <tum> quom pater a patria te avehit* erat, cum ipse coniecisset *quom ted a patria avehit pater*. 3. Poen. 4, 13: *tenebrae, latebrae, bibitur, estur, quasi in popina, | haud secus*; in quo *haud secus* ad quasi relatum adiungitur quemadmodum apud Livium (Com. 2 R.) *corrui* quasi *ictus scena <taurus> haud multo secus*<sup>2)</sup>; atque comparandum est quod in Mostellaria 1, 2, 15 legitur: hoc . . *proinde uti nunc ego esse autumo, . . haud aliter id dicetis*. Muellereus *secius* coniectura assecutus est, quod tamen minime fulcitur Captivorum versu 2, 3, 57; ibi enim *nihil* *secius obsequiosus* . . *fuisti* separari non possunt. Eodem modo Ritschelius accepit Asin. 2, 2, 112, cum *interead hic tene* poneret N. exc. 1, 83; v. sup. cap. II § 1. — In Vetere deterioribusque libris ante extremum creticum non eliditur Epid. 5, 1, 16: *haec est. estne ut tibi dixi — adspecta et contempla, | Epidice* —; sed cum Ambros. *ista post estne* exhibeat, cum Muellero scribendum *estne ita ut* . .

Subiciam septenarios iambicos: Pseud. 1, 2, 27: *num qui minus ea gratia tamen omnium opera | utor?* ubi Ritschelius (N. exc. 1, 64) d adiunxit. Asin. 2, 4, 26: *mea causa | ut mittas*. — *Eho ecquis pro vectura olivi Rem solvit?* . . in quo *uti* cum Benteleio in textum recipi potest. Quod autem editores pro *ecquis* certum nomen (velut *Coriscus*) positum fuisse existimant, haec sententia caduca fit, si interpretamur emptorem illum ad pecuniam dandam aliquem misisse; atque in proximis dicitur *quod datum est*, non *quod dedit*. — Porro octonarium trochaicum Pseud. 1, 3, 8: *in rem quod sit praevoctaris quam in re advorsa | animo auscultes*, si modo trochaicus est, id quod cum Ussingio puto; ceteri editores anapaestos numeros agnoscunt. — In iambico octonario a ultimum ante vocalem collocatum non repperi; nam quod in Sticho cum Palatinis

<sup>1)</sup> v. Fleckeisen. Misc. crit. p. 34.

<sup>2)</sup> de quo v. Vahl. Ind. lect. hib. Ber. 1883 et 84 p. 10 sq.

vulgabatur Stich. 2, 1, 10: *quae misera | expectationest* . . , Amb. siano libro expellitur, in quo Loewius *misera in expectationest* leq

#### 4. De e vocali.

Proximum est ut de extrema e littera disseram. Ea igitur incisione vocali excipitur: Aul. 3, 6, 33: *potare ego hodie, | Euchi tecum volo*; Men. 3, 2, 43: (*surrupuistin* . .) *Pallam istanc hodie | atque dedisti Erotio?* ubi tamen *atque* <eam> vel potius *eamque* orationi commendatur. Poen. 5, 3, 8: *o mi | ere. salve. | Hanno, insperatissime*; Stich. 3, 2, 6; v. supra cap. II § 1. Trin. 1, 2, 10: *amice, salve. | atque aequalis: ut vales, Megaronides?* — *Et tu edepd salve, Callicles*: hos duos versus Ritschelius cum Lomano ad unum reduxit: *o amice, salve. Et tu edepol salve, Callicles*. Id tamen minime certum est. Nam neque liquet quo modo illud interpretamentum ortum sit: et Megaronides primum resalutat amicum (v. 11) = deinde eum v. 12 ipsum interrogare coepisse. non ad rogatum *ut vales?* respondere, hoc sermoni familiari haud ita contrarium videtur esse. — Ambigi possit de Truc. 1, 1, 67: *venturus peregre; | eo nunc comenta est dolum*, etsi vix quisquam eo bisyllabum esse credet. Aut in tertio aut in quinto pede non eliditur Stich. 1, 3, 114; v. supr. c. II § 3.

In septenarii caesura haec certa hiatus exempla extant: Amph. 2, 1, 75: *non soleo ego somniculose | eri | imperia persequi*; cf. Ritsch. N. exc. 1. 88 sq.; de *eri* cum hiatu correpto alio loco disputabitur. Bacch. 4, 4, 36: v. supr. c. II § 2. Epid. 5, 2, 51: *vinculus adsto, quoniam huic hodie | opera inventast filia*: voc. quoniam monosyllabum est, ne in quarta sede dactylus ponatur. Men. 4, 2, 104: *nam ex hac familia me plane | excidisse intellego*; Merc. 5, 2, 61: *si tu vera dicis, pulcre | aedificatas arbitro*; sic verissime Ussingius. Pers. 4, 4, 25: *i in malum cruciatum*. — *I sane. hanc eme atque ausculla mihi*; Truc. 5, 71: *meum quidem te lectum certe: occupare non sinam*. — His adnumerari posse versum Epid. 2, 2, 59 supra c. II § 2 docuimus. Immerito addubatur, quod scribitur Asin. 5, 2, 86: *ecaster cenabis hodie. ut dignum est, magnum malum*: immo nihil mutandum est: nam *dignum est* apud Plautum et Terentium saepius idem significat quod *aequum*, *fas est*: v. Ter. Phorm. 2, 3, 55 et 91; Plaut. Mil. gl. 3, 1, 129; Pers. 3, 1, 43; Brix. ad Trin. 445. Id tantum in medio relinquendum, utrum *hodie* an *dignum* non coniungatur.

Et eodem modo cum hiatu legendus erit octonarius trochaicus Amph. 2, 1, 30: *satin hoc plane. satin diserte. | ere. nunc video tibi locutus [esse]?* nam *esse*, quod in fine versus codices praebent, delendum potius quam post *diserte* inserendum videtur.

Atque haec quidem in caesuris inveniuntur: pauca sunt quibus personae mutatio praesidio est: Merc. 2, 2, 12: *tuncumst*. — *Lyismache, salve. | — Euge. Demipho*; Poen. 1, 3, 20: *ut non ego te hodie. . . — Abi modo. — Emittam manu*; Poen. 2, 2, 116: *mi patru, salve. — Et tu salve. Agorastocles*; in his Poenuli versibus

incisio legitima et finita oratio congruunt; idemque accidit in duobus septenariis: Most. 4, 2, 36: *senex hic elleborosus certe.* | — *Erras pervorse, pater*; Pers. 4, 3, 77: *sat edepol concinnast facie.* | — *Ut contemptim carnufex*, nisi forte priorem cum Muellero mavis *legere . . elleborosus est certe . .* Praeterea post tertium trochaicum persona mutatur Mil. 4, 8, 5: *Philocomasium, salve.* | — *Et tu salve.* — *Materque et soror.* Eiusdem Militis gloriosi versum 4, 8, 27 adferre nolo, quippe qui lacunosus sit. Optime autem a Camerario emendatur Most. 2, 1, 22: *tun vidisti?* | — *Egomet, inquam.* — *Certe?* — *〈Certe,〉 inquam.* — *Occidi.*

Sed qui hanc excusationem non habent loci hi sunt: Pseud. 4, 6, 9: *si ille hodie illa sit potitus muliere*; quo in versu aut *si* aut *hodie* vocalem retinet (cf. supr. c. I § 2). Ritschelius, cui utrumque displicuit, in exemplari in hunc modum expressit locum: *si ille illac hodie sit . .*; in Novis excursibus (p. 89 sq.) hiatus causa litteram adverbio illi adscribere non dubitavit, quoniam *hodie* nihil aliud esset nisi *hoc die*. Quin cum ne *hodied* quidem omnibus locis satisfaceret, *hodedie* atque *hodedied* novare ausus est. At haec argumentatio per se ipsa refutatur ac diluitur. Idem enim ille vir doctus (l. l. p. 92 adn. et p. 94) disertis verbis negat pro *hodie* cum *Bothio hoc die* poni posse, quia prima huius particulae notio illis temporibus non iam perspecta fuerit. Quod cum ita sit, quo tandem modo fieri posse putandum est, ut tali adverbio tamquam ablativo illud d adiungatur, aut forma *hodedie* Plauto vindicetur? Haec vero formatio vel ideo eicienda est, quod ablativus *hoco* in Plauti usu omnino non venit; v. Mueller. Suppl. pros. p. 130 sq.; Studem. Annal. 113 a. 1876 p. 58.

Iam in quarto senarii pede littera e in hiatus extat 1. Poen. 5, 3, 18: *tua pietas nobis plane | auxilio fuit*; Acidalius transponit *plane nobis*. Atque hic vocum ordo infra 5, 4, 107 traditur: *mi pater, tua pietas plane nobis auxilio fuit*, quem versum Ussingius non recte ut ex illo superiore iteratum delet (cf. supr. § 1 ad Mil. 4, 8, 33). Ritschelius ipse quoque (N. exc. 1, 88) aut *nobis planed* aut *plane nobis* utroque loco restituendum censet. Sed cur ordo verborum adaequandus sit, non video. — Porro bis in solo Rescripto hiatur: Most. 3, 1, 128: *nullum edepol genus est hodie | hominum taetrius*; Poen. 3, 3, 58: *rex sum, si ego illum | hodie | hominem adlexero*; in priore versu Ritschelius editoresque Palatinos codices probant, qui exhibent: *edepol hodie genus est hom.* Posteriorem idem criticus (N. exc. 1, 95) propterea ex Ambrosiano adtulit, quod de forma *hodedied* cogitare licuit. Postea tamen (v. Goetz. Loew.) missam fecit hanc opinionem; et ne veri similis quidem ea est; immo non minus quam in Most. cum reliquis libris scribendum . . *hodie ad me hominem . .*, cum praesertim ADME post *HODIE* facile intercederit. — Alios versus non adscriberem, nisi Ritschelius formam *hodied* ceteris anteponeret (N. exc. 1, 90 sq.); sunt Most. 4,

3, 39: *deludificatust me hodie indignis modis*<sup>1)</sup>; Pers. 3, 2, 2: *quod mihi iuratust se hodie argentum dare*; valde mirum Ritschelium eam dimensionem prorsus neglexisse quae mihi potissimum probatu eam dico qua pronomina *me se* in arsi cum hiatu corripiuntur.

Ante ultimum creticum vel in quarta sede vocales non commiscuntur Mil. 1, 1, 4: *praestringat oculorum aciem in acie hostibus* si *aciem* non eliditur, alium eiusdem vocis sonum habemus, id quod necessarium esse Ritscheli<sup>2)</sup> decrevit. Sed vide quae Brixii (adnot. crit. ad Mil. 4) exposuit; cf. Epid. 1, 1, 72 alia.

Venimus ad septenarios trochaicos, in quorum primo pede hactenus praebent codices: Asin. 1. 3, 53: (*aliam nunc mihi orationem despoliato praedicas*), *Longe | aliam, | inquam. praebes nunc atque olim quom dabam*; sed non tam inter vocabula *aliam inquam* dativum *mi* quam post *inquam* nomen substantivum *linguam* praetermissum esse potest, quo addito hiatus nulli sunt; vide quae Vahlenus nos Herm. 17 p. 276 sq. de hoc loco disseruit. — In Sticho vero 1, 26 ne dubitandum quidem est, quin Ambrosiani scriptura quod est *hodie* repudiata cum Palatinis recipiendum sit: *hodiene exonerem*.

Porro in altera sede haec ponuntur: 1. Capt. 5, 4, 9: *redde | Salve, | exoptate gnate mi. — Hem; quid 'gnate mi'?* 2. Tr. 4, 2, 132: *nimis argute | obrepisti in eapse occasiuncula*; in Capti-Geppertus *salveto*, quae forma raro a Plauto dicitur<sup>3)</sup>, Fleckeisen et *salve* <o> ediderunt; Spengelius hiatus ante vocativum facti patroni extitit (Plaut. p. 219). In Trinummo Ritscheli<sup>4)</sup> *me* interponebat; sed hoc pronomen quam non desideretur, discimus ex Pseudoli 7. 2, 3, 20, quem Brixius (in adn. crit.) adtulit. — Vix commemorandus est Truc. 4, 2, 26, in quo verbum *iussi* non potest deesse.

Post tertium trochaeum habes 1. Pers. 1, 1, 34: *haec dies summa hodie | est, mea amica sitne libera, An . . serviat*; vehementer displicet Ritschelii emendatio *mea* <mi> *amica*; sententiae Spengelii satisfacit, qui (de emend. metr. p. 386) haec posuit *hodie meae amicae, sitne . .*

In quinto pede 1. Trin. 3, 2, 100: *cassidem in caput — dormibo placide | in tabernaculo*; Buechelerus (de decl. p. 48) *placided* voluit, idemque Ritscheli<sup>5)</sup> in alteram editionem assumpsit (cf. N. exc. 1, 88); in priorem receperat *placidule*, tamquam si in voce tabernaculi deminutiva vis etiam tum valuisset. In incerto relin-

<sup>1)</sup> Merito hunc Mostellariae versum retinuit Ritscheli<sup>6)</sup>; neque in sequentibus (v. 40 sq.) quidquam mutandum est: 'quid tu | ais? — Haec res sic est, ut narro tibi: Deludificatust me hodie in perpetuum modum. Nunc' . . Nam uterque versus, et 39 et 41, maxime accommodatus est, quamvis sint inter se consimiles. Atque saepius in una eademque fabula similes vel compares versus inveniuntur. Cf. supr. § 1; vide Ussing. ad Asin. 185 et ad Pseud. 588; adde Aul. 2, 4, 24 et 26; Bacch. 3, 4, 14 sq. et 22 sq. (de quibus v. Weis. l. 1. p. 49); Capt. 5, 2, 6 et 15 (v. Vahl. Herm. 17 p. 602 sq.); Men. 5, 2, 27 et 59; 5, 4, 7 et 9; Trin. 2, 4, 2 et 18; 4, 2, 84 et 91 sq.

<sup>2)</sup> Nov. exc. 1, 70 sq.; cf. Prol. Trin. p. 206 cum adn.

<sup>3)</sup> cf. Loch. de imper. ap. Pl. usu p. 10 sq.

quendi sunt: Men. 5, 9, 66: *mi germane gemine frater, salve: | ego sum Sosicles*; Pseud. 2, 2, 20: *nam haec mihi incus est; procudam ego hodie | hinc multos dolos*; nam in illo versu ego pronomini syl-  
labam posteriorem producere licitum est; in hoc Ritscheliu ille  
quidem (N. exc. 1, 90) *hodied* scripsit, sed haud minus recte Ussin-  
gius in incisione hiari iussit.

In sexta denique septenarii thesi e vocalis integra manet, si pro  
*advenies* editio princeps vere substituit *advenit* Most. 5, 1, 29; at  
cum Buggio Ussingius haud male *opportune advenerit* reposuit.

Pauca sunt exempla quae in iambico septenario et in octonario  
trochaico extant. In septimo enim iambo *hodie* ante vocalem col-  
locatur: 1. Most. 1, 3, 18: *ergo hoc ob verbum te, Scapha, donabo*  
*ego hodie | aliqui*; sic Ritscheliu versum laudat (N. exc. 1, 90),  
nisi quod *hodied* formam probavit. — In eiusdem scaenae versu 15,  
si libris fidem habemus, *lepide* non coniungitur Most. 1, 3, 15: *ut*  
*lepide | omnis res tenet sententiasque amantum*; sede vide ne cum  
Bergio *mores* pro *res* reponendum sit. — In octonario autem haud  
dubie cum hiatu scriptum fuit (1.) Pers. 5, 2, 62: *graphice | hunc*  
*volo ludificari*. — *Meo ego | in loco [sedulo] curabo*, ubi codices post  
aliquot litterarum lacunam *hice* et *hic e* praebent. Ne hiatus sit,  
Ritscheliu *hunc <nunc> volo* vel *hunc volo <ego> ludificari* resti-  
tuendum esse existimavit. Quod vero idem vir doctus (N. exc. 1,  
90) Curculionis v. 1, 2, 54 in eundem numerum rettulit, cum  
Studemundo editores anapaestos numeros recte videntur describere.

## 5. De u vocali.

Denique in u vocalem extrema prioris vocis syllaba cadit Bacch.  
2, 3, 70, de quo cf. supr. cap. I § 9; Men. 1, 1, 15: *suo arbi-  
tratu | ad fatim cottidie*; in septenarii caesura: Amph. 2, 1, 84:  
*non ego cum vino simitu | ebibi imperium tuom*; forma *simitur*, quam  
Ritscheliu (Opusc. II 258; III 236) bis in Plautum inducere vo-  
luit, hoc Amphitruonis loco minime requiritur; Mostellariae autem  
v. 3, 2, 105 (*ego hic esse et illi simitu haud potui*) non tetrameter  
bacchiacus est, sed ex dimetro bacchiaco et tripodia iambica cata-  
lectica compositus, sicut versus 96 et 103; Men. 5, 2, 10. 11. 21  
aliquae<sup>1)</sup>. Pers. 4, 4, 17: *evortes tuo arbitratu | homines fundis,  
familias*; Trin. 4, 2, 148: *vapulabis meo arbitratu | et novorum  
aedilium*. — Atque haec in incisione; accedunt quae in personae muta-  
tione hiatum exhibent exempla duo, senarius et septenarius: Bacch.  
2, 3, 59: *turbare in portu*. | — *Edepol mortalis malos*; Bacch. 4, 4,  
56: *ego dabo*. — *Tum nobis opus est sumptu*. | — *Ah, placide volo*.

Praeterea in quinta et in sexta septenarii sedibus vocabula *ritu*  
et *noctu* excipiuntur vocalibus: 1. Men. 2, 3, 44: *certe haec mulier  
canterino ritu | astans somniat*. Ritscheliu olim . . *canterino astans  
ritu somniat* vel . . *haec canterino ritu mulier astans* . . transponendo

<sup>1)</sup> Spengelii ratiocinationem (de em. metr. p. 277 sq.) probari non posse puto.

effecerat. Haec tamen ipse irrita esse iussit, cum in Novis excursibus (1, 64) *ritud* scriberet. Neque aliter idem vir doctus (N. exc. 1, 85) cum Bothio *noctud* reponi voluit: 2. Asin. 5, 2, 23: *ille operis foris faciundo lassus noctu | advenit*<sup>1)</sup>, ubi Fleckeisenus *ad me* interponebat.

## 6. De oi et ae diphthongis.

Progrediamur igitur, quoniam eius hiatus qui post longas vocales in thesi accidit exempla memoravimus. Sequitur autem ut de diphthongis extremis dicamus. In oi igitur exitum habet — idque in caesura collocatum est — aliquoi: Men. 4, 2, 59: *certe familia-rium aliquoi | irata es*. — *Nugas agis*.

Saepius altera diphthongus ae in fine verborum invenitur. Et hic quoque exemplorum pars ab incisione veniam habet legitimam sunt hi senarii: Amph. 3, 1, 12; v. supra cap. II § 2; Asin. 4, 1, 14: *fores occlusae | omnibus sint nisi tibi*; Poen. 1, 1, 9: *gerrae germanae, | αἱ δὲ πολλῶραι λυραί*. His adici possunt et melius adiciuntur: Curc. 3, 28 (v. cap. I § 7); Men. 2, 2, 4: *prius iam convivae | ambulant ante ostium*, quamquam hunc versum legere licet *prius iam convivae ambulant* . . Eodemque pertineret Amph. 1, 2, 24, nisi pro certo habendum esset versus inde a 14 (vel 17) ad 33 ab ipso Plauto profectos non esse<sup>2)</sup>. — Subiciam septenarios trochaicos: Curc. 4, 4, 11: *priusquam te huic meae macherae obicio, mastigia?* Most. 3, 3, 28: *dicam, ut hic res sint quietae | atque ut hunc hinc amoverim*; quibus adnumerandi videntur: Merc. 3, 4, 34: *non tibi istuc magis dividiae | est, quam mihi hodie fuit*, nisi mihi in altera syllaba acuere mavis; v. infr. Sent. contr. I; Stich. 1, 2, 33: *salve, mi pater*. — *Et vos ambae*. | *ilico agite [istic] adside*; recte enim meo iudicio Fleckeisenus Palatinos libros secutus *istic* omisit: quod qui retinere volet, melius convertet cum Muellero quam cum Ritschelio *ambae* delebit. Ac ne in Milite glorioso quidem Ambrosianum probabimus, in quo traditur Mil. 2, 2, 56: . . *poetae | esse audi* . . ; nam cum ceteri codices *inaudi* exhibeant, scribendum erit *inaudi* nullo hiatu (v. Brix. adn.; Lor. ad Most. (ed. II) 542). — In caesura simul persona mutatur: Most. 2, 1, 51: *morigerae tibi erimus ambae*. | — *Ita ille faxit Iuppiter*, quem versum etiam Ritschelius cum hiatu legit; et Poen. 4, 2, 51, de quo v. sup. cap. I § 2.

Sed alii hiatus incisione legitima defendi non possunt. In senarii iambici sede altera legimus: 1. Mil. 4, 9, 12: *paratae | insidiae sunt; in statu stat senex*; fere transponi solet non cum Ritschelio, qui duos iambos in exitu posuit, *stat in statu senex*, sed cum Fleckeiseno *senex stat in statu* (cf. Luchs. in Studem. Stud. I 1 p. 45). Ussingius *salu* pro *statu* substituere maluit; at tamen quod contra

<sup>1)</sup> de initio versus v. Koehler de verb. acc. cum num. rat. in tr. sept. consoc. Hal. 1877 p. 53.

<sup>2)</sup> v. Uss. comm. Amph. p. 279; Langen. Symb. p. 42.

dicat notionem status non insidianti convenire sed ei qui aggredientis impetum expectet, id in hunc ipsum locum cum maxime quadrat. 2. Truc. 2, 4, 81: (*non amantis mulieris*.) *Sed sociae | unanimantis, fidentis fuit*; antea *sociennae* vel *socienni* scribebant. Schoellius autem, quem *sociae* vocabulum offendit, sic edidit: *sed unanimantis, solide fidentis*. . At verborum compositio docet summam sententiae vim in attributis *amantis* et *unanimantis fidentis* positam esse nominibusque idem fere declarari. — In quarto iambo hiatum retinet Ussingius 1. Aul. 2, 9, 9: *fugiam intro, ne quid turbae | hic itidem fuit*; pluralem numerum *turbarum* Brixius posuit, etsi singularis Nonii, non solum codicum testimonio confirmatur. — Iam in quinta thesi collocantur: 1. Bacch. 2, 3, 73: *qui illic sacerdos est Dianae | Ephesiae*; 2. Trin. 2, 4, 138: *nam fulguritae sunt alternae | arbores*; in priore post *Dianae* hiatu Ritschelius olim (Prol. Trin. p. 204 sq.) id excusaverat, quod in nomine proprio accideret; (cf. Lachm. ad Lucr. VI 743 p. 387); postea (N. exc. 1, 114 sq.) genetivum *Dianas* vindicabat<sup>1)</sup>. Et hanc antiquam genetivi formam, ut *matres familias* (Stich. 1, 2, 41) omittam, is qui Amphitruonis argumentum condidit, in versu 1 dixit; eandem in Plauti usu fuisse neque ex grammaticorum testimoniis neque ex fabulis Plautinis efficitur; nam *Molas* (Pseud. 4, 6, 38) accusativum esse Buechelerus<sup>2)</sup> mihi persuasit. Iam Trinummi versum in priore editione ita emendaverat Ritschelius, ut *tibi* post *sunt* insereret; in Novis excursibus nominativum in *as* cadentem introduxit: cuius formae in tota Latinitate ne unum quidem exemplum invenitur<sup>3)</sup>.

In septenario autem ae diphthongus bis in hiatu extat; in quinto pede 1. Mil. 4, 5, 12: *saltem id volup est, quom ex virtute formae | evenit tibi Mea opera super hac vicina*. .; Ussingius *fortuna* in *formae* locum substituit, id quod prorsus reprehendendum est. Neque enim in verbo *evenit* subiectum requiritur, neque *fortuna evenit alicui* pro *res evenit* Latine dicitur. Ritschelius vero hoc quoque loco genetivum *formas* reponere non noluit (v. Opusc. III 133). Alter locus est 2. Amph. 1, 1, 119: *nec iugulae neque vesperugo neque vergiliae | occidunt*; ita enim non in Plautinis modo codicibus sed etiam a Varrone et a Festo scribitur. Atque hiatum post Hermannum ea re tueri solent, quod *vergiliae* pro nomine proprio sit; idemque hoc Ritschelius ipse excusaverat; v. Prol. Trin. p. 204 sq. c. adn. Postea tamen (N. exc. 1, 118) nominativum *vergiliae* probavit. — Dubii vero sumus, utrum *tibi* pronomen an *aquae* non coniungamus: Amph. frg. III (p. 115 G. L.): *ne tu postulas matulam unam tibi aquae infundi in caput*, de quo versu cf. Langen. Symb. p. 94 sq. c. adn.

<sup>1)</sup> longe aliter atque olim Proleg. Trin. p. 143 adn. et p. 319.

<sup>2)</sup> v. Annal. 93 a. 1866 p. 242.

<sup>3)</sup> In Pomponii versu 141 'quod laetitia insperatas modo mi inrepsere in sinum' verbum irrepenti transitive dici optime monuit Buechelerus de declin. p. 17.



# 7. De m extremo.

Atque haec quidem de vocalibus longis et diphthongis. Ut autem monosyllabae voces non solum eae, quae in longam vocalem excidunt, ante subsequentem vocalem aut retinentur aut condemnantur a viris doctis, verum etiam quae littera m finiuntur: ita de polysyllabis in m desinentibus hoc loco verba faciam. Vocales enim quibus m consonans adiuncta est, ante vocalem positas eodem modo quo longas vocales iudicandas esse eam ob causam putamus, quod 'm finale longam syllabam facit sive producenda vocali sive obscuro sono cum vocali quasi in diphthongum coalescente' — id quod Lachmannus ad Lucr. II 991 p. 130 sq. alique docent<sup>1)</sup>.

Hic quoque, quemadmodum supra, ea exempla praemittimus, quae in mediis versibus h. e. in legitima caesura post m litteram hiatum praebent. Sunt autem hi senarii iambici: Amph. 3, 1, 15: *frustrationem | hodie incipiam maxumam*; Amph. 3, 3, 23: *fac Amphitruonem | advenientem ab aedibus*; *fac iam Amph.* apud Nonium scriptum videmus, qui ne proxima quidem integra servavit. Asin. 4, 1, 11: *alienum | hominem | intro mittat neminem*; duos hiatus Pylades exemit ita, ut *ad se* post *mittat* admisceret; Spengelius formam *homonem* ascivit (Plaut. p. 233). Sed cf. Ussing. adn. et Proleg. p. 218. Asin. 4, 1, 12: *quod illa aut amicum | aut patronum nominet*; Asin. 4, 1, 34: *talos ne quoiquam | homini admoveat nisi tibi*; Aul. 1, 1, 26: *nunc ibo, ut visam, | estne ita aurum, ut condidi*; de indicativo *est* v. Uss. adn. et Becker. in Studem. Stud. I 1 p. 273 sq. Aul. 2, 4, 37: *pulmentum pridem | ei eripuit miluos*; Aul. 4, 8, 12: *attat, eccum ipsum. | ibo, ut hoc condam, domum*; Bacch. 2, 1, 2: *postquam hinc in Ephesum | abii conspicio lubens*; Bacch. 2, 3, 35: *habetin aurum? | id mihi dici volo*; Bacch. 2, 3, 67: *auferimus aurum | omne illis praesentibus*; Bacch. 2, 3, 120: *senex in Ephesum | ibit aurum arcessere*; Bacch. 3, 4, 24: *mori me malim | excruciatum | inopia*; post *malim* Pylades addidit *misera*; Lambinus voluit *mori <mala> me* . . Versum autem delendum non esse Weisius ostendit; v. cap. II § 4. Bacch. 4, 5, 5: *senem tranquillum | esse, ubi me adspexerit*; Bacch. 4, 7, 22; v. supra § 2; Bacch. 4, 8, 59: *illa autem in arcem | abii aedem visere*; Capt. 1, 2, 66: *nam eccum hic captivom | adolescentem | Aleum* . . : *Hoc illum me mutare confido pote*; ubi *eccum captivom hunc adolescentem <emi> Aleum* Fleckeiseno placuit. Capt. 2, 3, 4: *nam ego te aestumatum | huic dedi viginti minis*; eundem verborum *te aestumatum* ordinem habes in versibus 19 et 73; cf. v. 78. Capt.

<sup>1)</sup> Dubitationem movebant cum Studemundus (Annal. 93 p. 58) tum Corsseus; is enim (de locutione vocalismo accentu ling. Lat. vol. II Lips. 1870 p. 789 sq.) demonstrare conatur in veterum Romanorum arte metrica syllabam m littera finitam, si insequens vocabulum a vocali incipiat, pro brevi syllaba in consonam cadente fuisse. At primum ex iis quae adtulit, nihil colligi potest; deinde illam opinionem irritam esse vel inde apparet, quod sexcentis omnium poetarum locis m extremum vocali subiectum cum prima sequentis vocis vocali pro syllaba est.

3, 5, 51: *sed malene id factum | arbitrare?* — *Pessume*; Curc. 1, 1, 26: *aut quam pudicam | esse oportet?* — *Nemini*; Men. 1, 1, 13: *apud mensam plenam | homini rostrum deliges*; de dimensione *apud mensam* vix quisquam cogitabit. Men. 1, 1, 20: *nam ego ad Menaechnum | hunc eo, quo iam diu*; Men. 2, 2, 18; v. cap. I § 7; Men. 4, 1, 9: *atque edepol eccum, | optime revortitur*; Men. 5, 4, 10: *atque eccum ipsum hominem. | observemus, quam rem agat*; Mil. 2, 1, 57: *apud suum paternum | hospitem, lepidum senem*; Mil. 3, 2, 19: *neque illic calidum | exhibit in prandium*; nam *illic*, nihil aliud, in codicum memoria *ille hic* inest. Most. 1, 1, 20: *corrumpe erilem | adulescentem | optimum*; vide Ussingii adnot., qui *adulescentulum* poni posse censet. Most. 1, 1, 80: *video, corruptum | ex adulescente optumo*; Most. 3, 1, 65, de quo sup. cap. I § 4 dictum est; Most. 3, 1, 145: *atque evoca aliquem | intus ad te, Tranio*; Most. 3, 1, 156: *euge, optume eccum | aedium dominus foras*; Most. 3, 2, 78: *sub sole columem | usque perpetuom diem*; sic fere ex Ambrosiano adfertur teste Ritschelio, idemque Ussingius merito defendit. Pers. 1, 2, 15; v. supr. cap. II § 2 init.; cf. Speng. Plaut. p. 235. Pers. 3, 1, 64: *librorum eccillum | habeo plenum [illum] soracum*; Poen. 1, 3, 39: *me oboedientem | esse servo liberum*; parum apte *meo* adicitur, cum voci servi opponatur *liberum*, non *erum*; nos: 'daß ich, ein Freier, einem Sklaven gehorche.' Poen. 2, 28: *volaticorum | hominum?* | — Ita dico quidem; Poen. 2, 38: *tam crebri ad terram | accidebant quam pira*; voc. *accidebant* verissime tutatus est Ussingius. Poen. 3, 3, 49: *at enim hic clam furtim | esse volt, ne quis sciat*; Poen. 3, 4, 2: *tuos servos aurum | ipsi lenoni dabit*; Poen. 3, 4, 17: *mox quom ad praetorem | usus veniet*. — *Meminimus*; Poen. 5, 2, 111: *quo me privatum | aegre patior mortuo*; Pseud. 1, 1, 104: *atque id futurum | unde [unde] dicam nescio*; particulam *unde* bis positam retineri posse Ritschelius putat (Opusc. III 143). Pseud. 1, 5, 80: *num quid peccatum | est, Simo?* — *Immo maxime*; Stich. 1, 3, 17: *nunc si ridiculum | hominem quaerat quispiam*; Stich. 3, 2, 7: *mustella murem | abstulit praeter pedes*; Trin. 2, 4, 55: *ferentarium amicum | esse inventum intellego*; Trin. 2, 4, 173: *numquam edepol quoiquam | expectatus filius Natust, quam | illud est 'spondeo' natum mihi; tam post quoiquam potest intercidisse; abest tamen* Men. 5, 6, 3: *ut absente ero rem | eri diligenter Tutetur quamsi ipse adsit aut rectius*; Rud. 4, 3, 6: *non edepol piscis expeto quam tui sermonis sum indigens al.<sup>1)</sup>* Trin. 3, 3, 71; v. cap. I § 8; Truc. 1, 1, 32: *aut perit aurum | aut conscissa est pallula*; alterum *aut* Porphyrio servavit.

Complures hiatus expellas, si alio modo voces dimetiariis: Asin. 4, 1, 17: *ne epistula quidem | ulla sit in aedibus*, ubi *epistula* vocalem ultimam producere potest; v. Mueller. Pros. p. 3 sq.; Fleckeis. Misc. crit. 11 sq. Men. 3, 3, 20: *fiat. cedo aurum: | ego manupretium dabo*; Mil. 4, 9, 2: *ego iam conveniam | illum. | ubi ubi est gentium,*

<sup>1)</sup> sic saepius locutus est T. Livius; v. Weissenb. ad 25, 15, 9 (ed III 1880).

in quibus *ego* pronomen iambum explere potest; haud aliter *tene* in posteriore syllaba acuere satius videbatur Muellero: Pers. 3, 3, 9: *tene sis argentum | etiam tu argentum tenes?* Merc. 2, 1, 15: *suae uxoris dotem | ambadedisse. oppido*, ubi *suae uxoris* vix cuiquam placebit. Mil. 2, 6, 4: *nam egomet cubantem | eam modo offendi domi*; voc. *eam* bisyllabum esse dicit Brixius; idem tamen 3, 1, 195 *ted* posuit, ut *eam* syllabam efficeret. Most. 3, 1, 94: *quod illud argentum | est. — [est] Huic debet Philolaches*, ubi *illud argentum* licet legere. Stich. 3, 1, 43: *ea ibo obsonatum, | eadem referam obsonium*; haec Palatinorum lectio praestat Rescripti, qui *atque* inserit, *ea* omittit. Trin. 3, 3, 24: *locum quoque illum omnem, | ubi situst, comederit*; ea enim dimensione qua *quoque illum om-* anapaestum explet, offensionem Kochii Ritschelii effugimus, qui *illum* in arsi collocatum moleste ferunt. Trin. 3, 3, 65: *apud portitorem | eas resignatas sibi Inspectasque esse . . quod Brixius contendit portitorum collegio*, non singulis portitoribus licuisse litteras inspicere, non sequitur ut *portitores* restituendum sit quemadmodum 3, 3, 81: *apud portitores esse inspectas*; verum id sequitur, ut singularis numerus collectivae pro plurali dictus sit. Truc. 1, 1, 3: *neque eam rationem | eapse umquam educet Venus*. — Decem versus ita comparati sunt, ut in alia sede atque in tertia hiatum statuere possimus. In primo pede minus bene vocalium concursus fit Curc. 1, 1, 55 et Pers. 1, 3, 87; v. sup. cap. I § 2 et 1. Itemque in incisione potius quam post secundam thesim non eliditur: Amph. 1, 2, 9; Asin. 1, 1, 90; Bacch. 2, 3, 27; Merc. 2, 1, 35; de quibus v. cap. II § 1; Pers. 1, 2, 17: *dimidium. atque etiam | in ea lege adscribitor*. Ante ultimum creticum haud male hiar Curc. 2, 2, 28 supra § 3 vidimus. In arsi autem ubi et tu cum hiatu corripere licitum est: Aul. 4, 8, 7: *indeque spectabam*<sup>1)</sup>, *aurum ubi abstrudebat senex*; Trin. 3, 3, 51: *tum tu igitur demum | adulescenti aurum dabis*; editores in textum receperunt *demus*, quam formam Plautinam esse ex Truc. 2, 1, 34 colligunt, ubi Palatini libri habent *qui de thesauris integris demus danunt*. Mea tamen opinione Ambrosiani lectio *demum oggerunt* genuina est, ex qua usitatus verbum *danunt* facilius ortum est quam ex *danunt* elegantius *oggerunt*. Accedit etiam, quod Festus p. 70 solum Livium Andronicum auctorem adfert. — Ambigi potest, num huc referendi sint: Bacch. 4, 5, 6: *vorsabo ego illum | hodie, si vivo, probe*; Bacch. 4, 7, 35: *forem hanc pausillum | aperi; placide, ne crepet*; Capt. 2, 3, 12: *quom servitutem | ita fers, ut ferri decet*; Epid. 3, 3, 46: *ego si adlegassem | aliquem ad hoc negotium*; Poen. 3, 3, 58: *. . illum | hodie . .*; et in his quidem versibus nullo negotio hiatus removetur, si *illunc* in primo et in ultimo (cf. sup. § 4), *pausillulum* et *adlegavisse* in altero et in quarto, *uti* in tertio

<sup>1)</sup> 'spectabam' pro 'expectabam' correxit Lambinus (cf. Langen. Symb. p. 155 sq.). Et in codicibus litteris sp st al. saepe e(ex) praeligitur, neque aliter i (ia), de quo cf. Lachm. ad. Lucr. III 283 p. 231 sq.

reponimus; Stich. 1, 3, 80: *ut decumam partem | Herculi polluceam*; uti Camerarius edidit; Ritscheliuſ verſum intercidiſſe ratus in hunc modum orationem formavit: *ut, decumam partem <ſi> Herculi polluceam, Eo maior \* \* \** — *Ecaſtor auctionem haud magni preti.* Sed EOMAIOR vel ECMATOR in Reſcripto nihil aliud niſi ECAſTOR videtur eſſe; cf. Geppert. Stud. Plaut. II p. 41. Reliqua coniecturis nituntur: Capt. 1, 1, 6: *eſtne invocatum | an non? <eſt> planiſſume*; ſic Uſſingiuſ; Bentleiuſ *ſcortum* ex praecedenti verſu, in quo ferri nequit, poſt *invocatum* collocat; Curc. 3, 76: *Libyamque <et> oram | omnem Contenebroniā*; Mil. 4, 3, 12: *vidi hic ſororem | [eſſe] eiꝯ.* — *Convenitne eam?* Poen. 5, 2, 115, de quo v. ſupr. § 2. — Detrahendi videntur: Amph. 1, 2, 13: *rediget antiquam in concordiam coniugi*; recte tranſponunt *coniugi in concordiam*; Aul. 2, 9, 2: *congrum, muraenam | exoſſata fac ſient*; ex Nonio, qui biſ hunc verſum laudat, emendatur: . . *muraenam exdoroſua, quantum poteſ*; Mil. 4, 3, 9, ubi *adeſſe* in Vetere, in ceteriſ falſo *geminam | eſſe* traditur; Moſt. 2, 1, 76, in quo *me* a Pylade haud iniuria inſeritur; Pers. 4, 6, 14: *eum ego ut requiram | atque | ut redimam, volo*; potuit ſane reſtitui *uti*; ſed valde mihi arridet quod Ritscheliuſ edidit, *<dare operam> volo*. Qui vero proceleuſmaticum admittere nolet, ei ac vel et pro atque ut erit ſcribendum. Poen. 5, 6, 30: *habeamus hilarem | huiꝯ malo et noſtro bono*; iſ enim in ſuppoſito huiꝯ fabulae exitu legitur; Pſeud. 3, 2, 82: . . *rurſum | ex . .*; ſic Palatini codiceſ exhibent, ſoluſ Ambroſianuſ *rurſus* (de quo v. Ritsch. Opuſc. II 259 ſq.); Truc. 1, 1, 50: *heri pluſ ſcortorum | eſſe iam quam ponderum*; aut *heri* aut *eſſe* vitioſuſ eſt; illud Seyffertuſ putat, cum ibi idque pro iambo poſituſ inducit. Contra Schoelliuſ fuiſſe pro eſſe ſcripſit.

Sed de iambico ſenario hactenuſ; in ſeptenarii trochaici caeſura haec inveniuntur exempla: Amph. 1, 1, 116: *credo ego hac noctu Nocturnum | obdormiſſe ebriuſ*; Amph. 1, 1, 163: *mirum ni hic me quaſi muraenam | exoſſare cogitat*; Amph. 1, 3, 13: *ego faxim te | Amphitruonem | eſſe malis quam Iovem*; Amph. 2, 2, 219: *quid, ſi adduco tuom cognatum | huc a navi Naucratem*; Amph. 5, 1, 76: *ego Tiresiam coniectorem | advocabo et conſulam*; Aſin. 1, 3, 46: *diem aquam ſolem lunam noctem, | haec argento non emo*; Aſin. 3, 1, 38: *ſine me amare unum Argyrippum | animi cauſa, quem volo*; Aſin. 5, 2, 84: *cano capite te cuculum | uxor ex luſtriſ rapit*; Aul. 2, 1, 54: *et tu, frater. — Ego conveniam | Euclionem, ſi domi eſt*; Aul. 4, 1, 16: *neque ſua opera rediget umquam | in ſplendorem compeſ*; Aul. 5, 2, de quo infra dicemus. Bacch. 1, 1, 53: *atque ecaſtor apud hunc fluviuſ | aliquid perdunduſt tibi*; Bacch. 3, 3, 88: *viden, ut aegre patitur gnatuſ | eſſe conruptuſ tuom*; Bacch. 4, 4, 41: *quid viſ curem?* — *Ut ad ſenem etiam | alteram faciaſ viam*; Bacch. 4, 4, 105: *num quid aliud?* — *Hoc, atque etiam: | ubi erit adcuſituſ ſemel*; Capt. 3, 4, 73: *mordicuſ. — Neque pol me inſanum, | Hegio, eſſe creduiſ*; Capt. 5, 2, 24: *Philocrateſ, per tuom te*

*genium* | obsecro, exi; te volo; Men. 1, 4, 1: *sportulam cape atque argentum*. | *eccos tris nummos habes*; Men. 2, 3, 48: *ego quidem neque umquam uxorem | habui neque habeo: neque huc*; Men. 2, 3, 55: *nescio quem, mulier, alium | hominem, non me quaeritas*; Men. 4, 3, 7: *tibi dedi equidem illam, ad phrygionem | ut ferres, paulo prius*; Men. 4, 3, 22: *nimis iracunde hercle tandem*. | *heus tu, tibi dico, mane*; Men. 5, 2, 94: *ni occupo aliquod mihi consilium, | hi domum me ad se auferent*; Men. 5, 5, 24: *dic mihi hoc: solent tibi umquam | oculi duri fieri?* Men. 5, 9, 53: *cum patre ut abii Tarentum | ad mercatum, postea*; Merc. 3, 4, 52: *nemo aiebat scire*. — *At saltem | hominis faciem exquireret*; Merc. 5, 2, 21: *non concedam neque quiescam | usquam noctu neque dius*; formam cusquam Ritschellius (Opusc. III 143) sumpsit; nusquam ne Brixius<sup>1)</sup> quidem restitui iussit. Merc. 5, 4, 5: *di me servant*. — *Tibi | amicam | esse nullam nuntio*; Mil. 2, 5, 38: *an ista non sit Philocomasium | atque alia eius similis sit?* sic Spengelius Plaut. p. 138. Most. 1, 3, 121: *quid olant, nescias, nisi id unum, | ut male olere intellegas*; Most. 2, 1, 42: *satin habes, si ego advenientem | ita patrem faciam tuom*; Most. 5, 1, 6: *eaque eduxi omnem legionem, | et maris et feminas*; Poen. 1, 2, 170: *em mel, em cor, em labellum, | em salutem, em savium*; Poen. 1, 2, 175: *huius mel, huius cor, huius labellum, | huius lingua, huius savium*; Pseud. 4, 8, 7: *superavit dolum Troianum | atque Ulixem Pseudolus*; Stich. 4, 1, 51: *videlicet [non] fuisse illum nequam | adolescentem, qui ilico, in quo non Ritschellius omisit*, Seyffertus ita retinuit, ut aequom pro nequam scriberet. Praeterea ille vir doctus ordinem verborum immutavit, ut cum versu 49 congrueret; ego hunc potius, ut in quo perverse exhibeatur *videlicet parcum illum fuisse senem, qui <id> dixerit*, sic transponendum esse existimo *videlicet illum fuisse parcum senem qui*. . . Truc. 2, 2, 65, de quo supr. c. II § 1 verba fecimus; Truc. 2, 7, 22: *pallida est, ut peperit puerum. | adloquar quasi nesciam*; Truc. 4, 3, 16: *meo nepote? capita rerum | expedito*. — *Istae dedi*; Truc. 4, 3, 40: *et tibi quidem hercle | idem | adtulit magnum malum*.

Si alia vocum dimensione uteris, hiatum nullum habes his locis: Amph. 1, 1, 147: *iam pridem videtur factum, | heri quod homines quattuor*; Asin. 2, 2, 89: *ego me dixi erum adducturum | et me domi praesto fore*; heri et me domi legi volunt Goetziius Loewius; Asin. 5, 2, 26: *sequere hac me modo; iam faxo ipsum | hominem manifesto opprimas*; posteriore vocis modo syllabam produci Muellerus putat. Bacch. 3, 6, 25: *nam ni ita esset, tecum orarem ut ei quod posses mali*; aut ut ei aut ei quintum trochaeum efficit; Curc. 4, 1, 10: *qui mendacem et gloriosum, | apud Cloacinæ sacrum; apud vix quisquam pronuntiabit*; Curc. 5, 2, 21: *quam ego pecuniam quadruplicem | abs te et lenone auferam*; cum hiatu legi iubet Ritsch. Opusc. III 122; Goetziius *ted* reducit; Men. 5, 2, 27: *quid tu tristis*

<sup>1)</sup> Annal. 101 a. 1870 p. 779.

es? *quid ille autem | abs te iratus destitit?* Men. 5, 2, 59: *quid tu tristis es? quid illa autem | abs te irata destitit?* in quibus non tam *quid ille autem* legere quam *ted* formam ponere licet; Merc. 2, 3, 105: *maxumam hercle habebis praedam. | ita ille est, quoi | emitur, senex*; sic Ritsch.; Muellerus *ita illest*; Mil. 2, 3, 48: *quam ob rem iubeam?* — *Philocomasium | eccam domi, quam in proxumo*; hiatus magis placet quam *eccam domi* . . Most. 2, 1, 33: *igitur demum fodere puteum, | ubi sitis fauces tenet*; cf. Ritsch. Opusc. III 140; Pers. 4, 4, 95: *nunc et illum Miserum et me Miseram | aequom est nominarier*; male *illum* in priore syllaba acuit Muellerus; Poen. 4, 2, 31: *at ob hanc moram tibi reddam operam, | ubi voles, ubi iusseris; moram, quod pro pyrrhichio est, Rescripto debetur, cum ceteri rem prodant.* — Nonnumquam in alia versus sede statui potest hiatus; atque duos locos iam supra (cap. I § 1 et II § 4 ext.) laudavimus: Asin. 2, 2, 80 et Pseud. 2, 2, 20. Praeterea extant: Men. 1, 2, 66: *mane mane, obsecro hercle: ab se eccam exit. ah, solem vide*; Men. 5, 9, 13: *ego hunc censebam te esse: huic etiam exhibui negotium*; in illo interiectio *hercle*, in hoc *ego* vel *te* integra manere possunt; Pseud. 2, 4, 61: *sed quid eo es facturus?* — *Dicam. ubi hominem exornavero*, in quo aut post quartum aut post quintum pedem non eliditur. — Aliquid dubitationis iniiciunt: Amph. 2, 2, 165: . . *rursum | obsignasti* . . Camerarius restituit *rursus*; cf. supr. Pseud. 3, 2, 82; *obsignavisti* voluit Ritsch. Opusc. II 259 adn.; Capt. 5, 4, 19: . . *adduxistine illum | huius captivom filium?* *illunc* Brixius; Muellerus, quoniam in libris est *huius filium captivom*, maluit in hunc modum componere: *captivom huius filium*; Epid. 5, 1, 34: *lunulam atque anellum aureolum | in digitum?* — *Memini, mi homo*; et apte et facili opera Goetzius *digitulum* emendavit; Merc. 2, 3, 92: *mandavit <ut> ad illam faciem, | ita ut illa est, emerem sibi*; Merc. 3, 4, 81: *nam mihi nihil relicti quidquam | aliud iam esse intellego*; idem criticus in priore Mercatoris versu *illaec* edidit; in altero *relicui* ex consuetudine loquendi posuit atque tali modo dimensus est: *nam mihi nil relicui quicquam aliud* . . ; cf. tamen Uss. adn.; Mil. 2, 3, 68: *scin tu nullum conneatum | hinc esse a nobis?* — Scio, ubi *hinc huc* esse scribendum videtur; cf. Uss. ad v. 331; Mil. 5, 2: *facite inter terram atque caelum ut siet; discindite*; sic Ussingius auctore Bothio, qui *uti siet* pro *ut sit* voluerat; neque quidquam impedit, quominus in initio alterius hemistichii, sicut in primo septenario (Curc. 2, 3, 43 et Merc. 1, 2, 63), *siet* restituatur<sup>1)</sup>. Trin. 4, 3, 18: *nisi etiam laborem ad damnum adponam epitheciam insuper*; Trin. 5, 2, 42: *si id mea voluntate factum, | est quod mihi suscenseas*; in hoc versu vulgo reponitur *factumst, est*; in illo, si *epitheciam* retinemus, post quartam aut sextam thesim hiatur; nec tamen sine probabilitate

<sup>1)</sup> Etiam in aliis sedibus 'siet' scriptum videmus; atque etsi Stich. 1, 3, 48 ante ultimum creticum hiari possit, tamen alia exempla (Poen. 1, 1, 20; Amph. 1, 1, 6 (v. Uss.); Men. 5, 2, 14) probabiliter modo non eximuntur. Cf. Luchs. in Studem. Stud. I 1 p. 31; aliter sentit Muellerus Suppl. pros. p. 83 sq.

ἐπιθήκην substituitur (v. Ritsch. adu.). — De metro parum constat Capt. 4, 2, 56: *quantum est hominum | optumorum | optume, in tempore advenis*; nam Brixius septenarium iambicum effecit, cum *hominum optume optumorum . . advenisti* scriberet. — In quatuor denique versibus a viris doctis hiatus inducitur: Merc. 1, 2, 39: *vin tu te mihi esse obsequentem | an . . ubi mihi obesse sequentem* traditur; Mil. 2, 3, 8: *maximum in malum cruciatum [que] | insulamur*. — *Tu sali*; Mil. 4, 8, 2, de quo supra c. II § 1 dictum est; Truc. 2, 5, 27: *ubi es, Astaphium? fer huc verbenam | intus et bel-laria*, ubi *intus* pro *mihi tus* Buechelerus restituendum proposuit. — Certum est in hunc numerum asciscendos non esse, etsi in libris hiatus proditur, hos versus: Asin. 5, 2, 45: (*nauteam*) *Bibere malim, si necessum | est, quam illam oscularier*, ubi sit pro *est* cum Nonio ponendum; Bacch. 3, 3, 73: . . *rem mandatam | agere* . . Curc. 1, 3, 34: *iam huic voluptati hoc adiunctum | odium* . . Merc. 5, 2, 94: *operam ut sumam ad vestigandum, | ubi sit illaec* . . ; hos tres hiatus unus Vetus liber exhibet, reliqui tollunt; nam *gerere et pervestigandum* in Decurtato et Vaticano, *adiunctum est* in Britannico et Lipsiensi traduntur. Ex contrario Decurtatus Vaticanus praebent: Poen. 1, 2, 80: *curram . . ad piscinam | aut lacum* . . ubi cum Vetere Rescriptus servavit aut ad lacum. Porro Palatini omnes adferunt: Epid. 1, 2, 62: *ne hinc foras ambulet neve usquam | obviam veniat seni*; Most. 4, 2, 28: . . *heus, Tranio, etiam | aperis?* . . Most. 4, 2, 55: *qui, postquam pater ad mercatum | abiit hinc, tibicinam*; Poen. 4, 2, 33: *ut enim, ubi mihi vapulandum | est, tu corum sufferas*; Poen. 4, 2, 71: *facile*. — *Fac ergo id facile noscam, | ut ille possit noscere*; Ambrosianus autem recte exhibet in primo versu *ne hinc foras exambulet neve obviam* . . ; in secundo *etiamne aperis*; in tertio *hinc abiit, hic tib.*; in quarto *vap. sit*; in ultimo inserit *ego*, quod Ussingius immerito neglexit. Uno loco non ex Rescripto *aures* assumendum est, sed ex Palatinis *auriculis*: Poen. 1, 2, 163: *sine te exorem, sine prehendam auriculis, sine dem savium*.

Septenariis subiciam octonarios in incisione hiulcos: Amph. 1, 1, 7: *ita quasi incudem me miserum | homines octo validi caedant*; Men. 4, 2, 29: *nec magis manifestum ego hominem | umquam ullum teneri vidi*; Pseud. 1, 3, 9: *nugae istaec sunt; non iucundum | est, nisi amans facit stulte*. — *Pergin?* de hoc cf. supr. c. II § 1 et 3 ext.

Iam vero eos hiatus ponam, quibus personae mutatio praesidio est. Senarii igitur iambici huc spectant: Asin. 1, 1, 96: *atque audin etiam?* | — *Ecce*. — *Si quid te volam*; Bacch. 4, 6, 15: *ego verbum <nullum> faciam*. | — *Etiam, carnufex*; Bacch. 4, 7, 26: *numquam auferes hinc aurum*. | — *Atqui iam dabis*; Capt. 1, 2, 49: *nunc habe bonum animum*. | — *Eheu!* | — *Huic illud dolet*; Curc. 1, 1, 88: *ita faciam*. | — *Agite bibite, festivae fores*; Merc. 4, 3, 24: *nescio quid dicam*. | — *Haeres*. — *Haud vidi magis*; Merc. 4, 3, 28: *dic igitur*. — *Dicam* . . — *Atqui dicundum est tamen*; Mil. 2, 6, 53:

*complexum atque osculantem.* | *Eanest?* — *Nescio*; Mil. 4, 9, 8: *facetum puerum.* | — *Intro te ut eas obsecrat*; Poen. 2, 28; v. supra; Pseud. 4, 6, 17: *sed convenistine hominem.* | — *Immo ambos simul*; Kiesslingius versus huius scaenae 17—24 damnavit: sed quo referemus pronomen *eo* (v. 25)? — *Eodem revoco* Pseud. 3, 2, 57, v. supr. cap. I § 2 et Truc. 2, 4, 64: *relictusne abs te vivam?* | — *Ubi illud quod volo.*

Veniamus ad septenarios trochaicos, qui in oratione finita concursum vocalium habent: Aul. 4, 4, 19: *nive adeo abstulisse vellem.* | — *Agedum, excutedum pallium*; Bacch. 3, 6, 23: *inprobum istunc esse oportet hominem.* | — *Ego ita esse arbitror*; Seyffertus (Stud. Pl. p. 12 sq.) *Et ego scripsit probavitque exemplis.* Capt. 4, 2, 63: *bene facis, iube.* — *Quid iubeam?* | — *Ignem ingentem fieri*; Men. 4, 2, 87: *quis hic homo est?* — *Menaechmus quidam.* | — *Edepol factum nequiter*; Men. 5, 9, 18: *hunc ego esse aio Menaechmum.* | — *At ego me.* — *Quae haec fabulast?* Merc. 5, 2, 48: *sanam et salvam.* | — *Ubi eam salvam?* | — *Ego scio.* — *Ego me mavelim*; Mil. 4, 4, 22: *date modo operam.* | — *Id nos ad te, si quid velles, venimus*; Most. 1, 3, 135: *quid hic vos [diu] agitis?* — *Tibi me exorno ut placeam.* | — *Ornata es satis*; Men. 3, 2, 136: *eo pretio empti fuerant olim.* | — *Audin 'fuerant' dicere?* Stich. 2, 2, 52: *lanam purpuramque multam.* | — *Est qui ventrem vestiam*; Truc. 4, 4, 36: *ita sunt gloriae meretricum.* | — *Ah tace.* — *Quid est, obsecro?* in codicibus est *aha*; vah Bothius scripsit. Truc. 5, 54: *dedi ego huic aurum.* | — *At ego argentum.* | — *At ego pallam purpuram.* — Adnumerandi sunt, nisi forte voc. *egone, ubi, abi, idem* istoc in alteris syllabis acuere vis, hi sex versus: Men. 4, 2, 88: *quis is Menaechmust?* — *Tu istic, inquam.* | — *Egone?* — *Tu.* — *Quis arguit?* Men. 5, 5, 35: *quid ego dixi?* — *Insanu's, inquam.* | — *Egone?* — *Tu istic, qui mihi*; Merc. 5, 2, 47: *tuam | amicam.* — *Quid eam?* | — *Ubi sit, ego scio.* — *Tunc obsecro?* Pers. 4, 4, 78: *nihil adhuc peccavit etiam.* | — *Ubi tu nata es?* — *Ut mihi*; Poen. 1, 2, 96: *potine mihi auscultare?* — *Possum.* | — *Abi domum ac suspende te*; Truc. 4, 2, 27: *praeterea unam in obsonatum.* | — *Idem istoc delatum scio.* — Duobus locis non in persona mutata, sed in alia sede haud minus vere hiatur: Most. 3, 2, 123, cuius versus mentionem fecimus, cum de *tu* correpto diceremus (cap. I § 4); Stich. 2, 2, 6: *quisnam hic loquitur tam prope nos?* — *Pinacium.* — *Ubi is est?* — *Respice*, in quo non falso *quisnam* non coniungitur (cf. cap. I § 7); *respice* autem, quod verbum in libris omnibus sequenti versui praemittitur, Ritschellius haud dubie recte in hunc transtulit. — Ambiguum esse potest iudicium de his versibus: Aul. 4, 4, 23: *dextram.* | — *Em.* — *Nunc laevam ostende.* — *Quin equidem ambas profero*; Merc. 2, 3, 91: (illam mandavit mihi) *Ut emerem ad istanc faciem.* | — *At mihi quidam adulescens, pater*; Mil. 4, 8, 35: *iam resipisti, <Philocomasium>?* | — *Obsecro, quem amplexa sum*; huius enim versus scriptura in coniectura posita est (cf. supr. c. II § 1); secundum Ritschellius ita



restituit: (*aliquam mandavit . .*) . . *faciem* <*ancillam*>; in primo *dexteram* cum codice Lipsiensi ponere solent. — Emendatus est ex Ambrosiano libro: Poen. 3, 2, 17: *satis praeceptum est*. — *Hic . .*; nam in Palatinis verbum substantivum praetermittitur. Ex Vetere corriguntur Merc. 3, 4, 41 et Truc. 2, 6, 24; nam *euge pape* et *ehēcquīt* in Vetere illo, in Decurtato et Vaticano *ullam* | *eugipe* (h. e. *eugepae*) et *lepidum*. | *ecquid* (vel *haecquid*) exhibentur. In Trinummo autem Palatini nobis produnt: Trin. 2, 2, 104: . . *quid id est autem unum*? — *Eloquar*; neque dubium est, quin *quid est autem unum*? | *Eloquar* librario Rescripti codicis vitio vertendum sit. Iam a viris doctis restituantur haec: Most. 2, 1, 22, de quo cf. supr. c. II § 4; Truc. 5, 65: *quin dedisti*? — *Ut extinxī hominem*. — Immo ego <*te*> vero, qui dedi, in quo *te* Bothius addidit.

Idem in oratione finita hiatus invenitur in iambico septenario: Mil. 4, 6, 4: *tuom est principium*. | — *Obsecro, tute ipsum convenisti*? sic enim Camerarius scripsit pro eo quod in libris est *tuum epsa incipium* vel *tuum est initium*. — Praeterea libri scripti exhibent Curc. 4, 2, 26: *tacuisse malle*. | — *Haud male meditate male dicax es*; sed vix mutatio est quod idem Camerarius posuit *mavellem*.

Nec tamen solum in iis sedibus, ubi persona mutatur aut binae versuum partes committuntur, extrema in littera in thesi vocali excipitur, verum etiam aliis locis, quibus illa excusatio non datur. In altera senarii thesi collocatur: 1. Asin. 4, 1, 11: *alienum* | *hominem* | *intro mutat neminem*, de quo supra diximus. 2. Bacch. 4, 2, 6: *Bacchidem*. — *Utram* | *ergo*? — *Nihil scio nisi Bacchidem*; Bothium secutus Ritscheliū edidit *utramne*; cf. supr. § 1 ad Most. 3, 1, 30. 3. Capt. 3, 5, 42: *nec quisquam* | *est mihi, aequē melius quōi velim*; Fleckeisenus *mihi* <*alius*>, *aequē* scripsit; Muellerus *hominum* pro *mihi* substituebat: nec tamen est cur dativus offendant. 4. Men. 2, 2, 12: *peniculum* | *eccum in vidulo salvom fero*, ubi Ritscheliū *tuum*, alius vir doctus (teste Ussingio) ego interponebat. 5. Men. 3, 2, 24: *flagitium* | *hominis, subdole ac minimi preti*? 6. Men. 5, 1, 9: *flagitium* | *hominis, cum istoc ornatu*? — *Quid est*? atque verba *flagitium hominis* prorsus eodem modo ponuntur in septenario iambico Asin. 2, 4, 67: *flagitium* | *hominis, da opsecro argentum huic, ne male loquatur* et in trochaico Cas. 3, 2, 22: *quasi catillatum. flagitium* | *hominis, qui dixit mihi*. Ritscheliū igitur in Menaechorum versibus *tu* inserebat, id quod Brixius suo iure ut ab usu Plautino alienum reiecit. Brixius ipse *homonis* formam in textum recepit, quae etiam maiorem dubitationem movet (v. supr. § 1 ad Men. 1, 4, 5). In Asinaria autem Goetzius Loewius hiatum omnino non tentaverunt. Et profecto ob id ipsum, quod eadem compellatio totiens sine ulla librorum discrepantia exhibetur, quaevis mutatio plurimum dubitationis afferre debet, praesertim cum per se quidem nihil inesse possit vituperationis. Atque aliqua vis ei rei non tribui non poterit, quod tale convicium a poeta confectum esse non videtur; immo *flagitium hominis* cum hiatu dictum tritum

usitatumque fuisse putandum est. Certe haec exempla ad hiatum iudicandum maximi momenti sunt. — Aliqua ex parte dubii sunt hiatus in his versibus: Aul. 3, 6, 34: *non potem | ego quidem hercle* . . | — *At ego iussero*<sup>1)</sup>; Curc. 3, 12: *cupio aliquem | emere puerum, qui usurarius*; Men. 2, 1, 11: *mare superum | omne Graeciamque exoticam*; Men. 2, 2, 26: *qui amicam | habeas eram meam hanc Erotium*? neque enim vitiosum est in primo versu *ego quidem*, in altero *cupio aliquem* cum Spengelio (Plaut. p. 234), in tertio cum Brixio *maré superum*, in extremo *amicam habeas erám* pronuntiare. Alia de causa ambigitur Pers. 1, 2, 17, in quo post *etiam* in caesura hiari posse supra vidimus; Pers. 4, 9, 1: *nisi ego illum hominem perdo, perii. atque optume*; Pseud. 4, 3, 3: *nimisque ego illum hominem metuo et formido male*; Poen. 3, 3, 38: *atque istum e navi ex* . . ubi aut voces *ego navi* (v. § 2) ante vocalem remanent, aut *illunc istunc* facile scribuntur; Pseud. 1, 5, 116: *ecfectum | hodie hoc reddam utrumque ad vesperum*; ita in Vetere codice traditur; in Decurtato Vaticano *ecfectum hoc hodie reddam*, quod Ritschelius olim probaverat. Postea tamen (v. N. exc. 1, 93 c. adn. 3) pro *hoc hodie* formam *hovedie* recepit. — Pauca de hoc numero eximenda erant: Epid. 3, 4, 51: *meum gnatum*; *is ipse* . . ubi *is* solus Ambrosianus praebet; Merc. 4, 3, 31: *ista quidem | illa est* . . ubi Bothius *istaec* restituit: id quod propter sequentem q litteram summam habet probabilitatem; Trin. 2, 4, 91: *satillum | animae qui quom ex-templo emisimus*; sic enim Palatini exhibent; quod autem in Rescripto est *satillum* haud dubie librarii mendo natum est. Sed cum *animam emittere* recte dicatur, non ita recte *satillum animae emittere* aut quod Ritschelius dubitanter edidit *sitellum animai emittere*, pro explorato habendum principalem lectionem fuisse *sal illud animae*.

Porro in quarto iambo haec leguntur: 1. Bacch. 2, 3, 1: *ibo in Piraeum*; *visam, | ecuae advenerit*; hiatus tollendi causa *ecquaenam* Hermannus posuerat, eique assensus est Ritschelius; Muellerus *eo* ante *ecuae* addebat, quod mihi propter sequentia in *portum ex Epheso navis* nimis molestum videtur. 2. Capt. 3, 5, 7: *deceat innocentem servom | atque innoxium*; Fleckeisenus *hominem* indidit; Kiesslingius versus 7 et 8 delendos existimat ut ex Pseud. 1, 5, 45 sq. fictos; sed v. Uss. adn. et cf. supra § 4 ad Most. 4, 3, 39. 3. Men. 5, 1, 20: *nam med aetatem viduam | esse mavelim*; Ritschelius primum transposuit *esse viduam*, deinde, ne in caesura hiaretur, scripsit: *nam <meam> med aetatem* . . At accusativum *aetatem*, si idem significaret quod *per totam vitam*, ubique sine *meam* pronomine dictum esse a Plauto Brixius animadvertit. 4. Men. 5, 1, 39: *quae mea flagitia?* — *Pallam | atque aurum meum Domo suppilas* . . non nego simplicissime cum Vahleno<sup>2)</sup> poni *pallas*, sicut paulo infra 5, 2, 52 *suppilat mihi aurum et pallas ex*

<sup>1)</sup> Euclionis verba 'non potem' . . media interrupta mihi videntur atque in hunc modum intellegenda: non potem ego . . , si (etiamsi) vinum mihi sit.

<sup>2)</sup> Mus. Rhen. 16 a. 1861 p. 635 sq.

*arcis domo* — quamquam singularis numerus *pallam et aurum hoc* legitur 5, 9, 82. Sed hoc velim attendatur saepius haud ita longo spatio interiecto locos continuari, in quibus si parva illa quae ex codicibus adferuntur discrimina sustuleris — ut sustulerunt critici —, nullo negotio hiatus tollas. Cuius rei insigne extat exemplum in eadem Menaechmorum scaena, in qua haec traduntur (5, 1, 19 sq.): *non ego | istaec flagitia possum perpeti: Nam med aetatem viduam | esse mavelim, Quam istaec flagitia tua pati quae tu facis*. Ritschelius Brixius in v. 19 *tua* inserunt, ut cum versibus 21 et 38 (*aperiam istaec tua flagitia*) aequetur oratio. Quo nihil cogitari potest perversius. Nam si matrona v. 19 non de flagitiis in universum, sed de certis Menaechmi loquitur, versus 21 supervacaneus est, quo tamen minime facile caremus (v. Brix. adn.). Apparet igitur pronomen *tua* in v. 21 suo loco positum esse, ab 19 abhorrere. Neque aliter in Milite glorioso 2, 2, 108 scribit poeta *amica | eri* (de quo v. supr. c. II § 3); paulo post (2, 3, 3) *erilem amicam* dicit: at certe, etsi *erilis amica* et *erilis concubina* in hac ipsa fabula octiens invenitur, genetivus non magis reiiciendus est quam *eri concubina* 2, 4, 9 aut *militis concubina* 3, 3, 63. Prorsus idem in Aululariam cadit, cum 4, 1, 2 *inperium erile*, 4, 1, 13 *eri | inperium* cum hiato ponitur. Similiterque in Militis actus quinti versu 19 habes *quod tu | hodie hic verberatus*, tribus versibus post *quod ego hic hodie vapularim*. Et alia comparari possunt; velut Aul. 2, 5, 3 et 8; Merc. 1, 2, 95 et 98. De Asin. 4, 1, 33 et 32. 34 vide supr. c. I § 6; de Most. 4, 3, 39 et 41 v. c. II § 4; de Pers. 2, 2, 58 et 60 v. c. II § 2; de Trin. 3, 3, 65 et 81 v. § 7; infra dicendum erit de Trin. 4, 2, 147 et 149. Haec igitur omnia adeo inter se comparia sunt, ut concludendum sit ad illas differentias poetam tendisse. Quod si acciderit, hiatus alius alii praesidio erunt. 5. Most. 3, 1, 33: *sed Philolachetis servom | eccum Tranium*; deteriorem verborum compositionem quam Pylades induxit *Phil. eccum servom* plerique recipiunt. (6.) Pers. 1, 2, 21: *si id fiat, ne isti faxim | usquam appareant*; cum Pylade *nusquam* reponi potest; v. Brix. Annal. 101 a. 1870 p. 779. 7. Pers. 3, 3, 10a: *non mihi censebas tantum | argenti fore*; voc. *tantum* in Ambrosiano fuisse Maius testatur, Ritschelio non apparuit; *tantum* autem ne tum quidem scriberem, si in illud spatium quadraret. 8. Poen. 5, 2, 49: *quid in hanc venistis urbem | aut quid quaeritis?* ubi aut *(hic)* *quid* Gepperto al. placuit. 9. Poen. 5, 3, 11: *cognoscin Giddeninem | ancillam tuam?* Muellerus *me* addere voluit (cf. Pros. p. 698; Suppl. 110 sq.). Immerito tamen nomen illud pro choriambos accipiunt Geppertus Ussingius; v. 5, 2, 159 et 4, 2, 76. 10. Stich. 1, 3, 81: *ecastor auctionem | haud magni preti; hanc vel eccam* intericiebant critici. 11. Stich. 3, 1, 6: *eos nunc laetantis faciam | adventu meo*; Ritschelius satis infeliciter *ego* interponit; alii ordinem vocum invertere malunt. 12. Truc. 2, 4, 62: *ad suom quemque aequom est quaestum | esse callidum*; similis versus in Asinaria invenitur (1, 3, 34): *vera dico: ad suom quemque hominem quaestum*

esse *aequomst callidum*. Neque vero eam ob causam alter versus damnandus aut alter ex altero emendandus est; v. Ussing. ad Asin. 185 (ubi add. Men. 5, 6, 22—25 et Most. 4, 1, 1—3, de quibus cf. Vahl. Herm. 17 p. 616), et cf. paulo supr. ad Men. 5, 1, 39. — Eundemque hiatum habes, si *ubi* particulam in priore, non in posteriore syllaba acuere vis: Aul. 3, 5, 33: *sed hoc etiam pulcrum est, praequam ubi sumptus petunt*; Poen. 3, 3, 89: *quid multa verba? faciam, ubi tu laveris, Ibi ut balneator . . illum verum defendit* Langenus (Symb. p. 32); in hoc Ritschellius (Opusc. III 138) *cubi* formam posuit, de qua supra diximus. — In alia versus sede effici possit vocalium concursus: Epid. 2, 3, 1; Mil. 1, 1, 4; Truc. 2, 3, 8, de quibus sup. cap. II § 1, § 4, c. I § 2 disseruimus. — Non nihil dubii sunt: Mil. 4, 9, 2: *ego iam conveniam | illum. | ubi ubi est gentium*, in quo *illunc* scribere nihil negotii est; Most. 2, 2, 4: *scies inposisse in undam, | haud causa ilico est . . quin . . ubi* Ritschellius vere videtur restituisse *haud causa est, ilico*, cf. Pseud. 1, 5, 119 *num quid causae est ilico Quin . .*; Truc. 2, 1, 16: *meretricem sentis similem | esse condecet*; quem versus senarium esse Kiesslingius intellexit; Spengelius (de emend. metr. p. 422) Rescripti memoriam sequitur, qui octonarium describit hunc: *bene lingua loqui. meretricem . . esse addecet*. — Falso hiatus traditur his locis: Aul. 4, 8, 9: *ecfodio aulam auri plenam. | inde ex eo loco*; at *inde exeo. ilico Video . .* Gulielmus reposuit. Bacch. 4, 5, 2: *. . possim | emolirier*; sic Decurtatus Vaticanus; *possem* recte Vetus servavit, de quo cf. sup. ad Mil. 5, 2. Poen. 1, 3, 21, *ubi meream | oh Palatini praebent*, Ambrosianus *merear*, de quo cf. Uss. adn. Stich. 1, 3, 35: *nihili . . verbum | ac vilissimum*; sed cum in Rescripto *it* vel *et* post *verbum* extet, Ritschellius *id* inseruit.

Iam ante ultimum creticum haec ponuntur in senario (de quibus cf. Speng. Plaut. p. 235 sq.): 1. Amph. 3, 2, 16: *et eccum video, qui me miseram | arguit*; quod additur modo non solum inutile sed etiam alienum est. 2. Asin. 4, 1, 15: *in foribus scribat occupatam | esse se*; neque particula *iam* a Fleckeiseno interposita neque Pyladis traiectio *in foribus occupatam scribat esse se* placere possunt. 3. Bacch. frg. 7: *verum hic adulescens multo Ulixem | anteit*; Ritschellius transponendum esse censet *hic Ulixem multo adulescens antidit*; Buechelerus (Mus. Rhen. 15 a. 1860 p. 438 sq.; cf. ibid. 435 sq.) *Ulixem* formam vindicabat, sed v. Ritsch. Opusc. II 322. 4. Bacch. 3, 4, 24: *mori me malim | excruciatum | inopia*; 5. Capt. 1, 2, 66: *nam eccum hic captivom | adulescentem | Aleum*; de quibus supra verba fecimus. 6. Merc. 4, 1, 10: *qui | hanc vicini nostri | aram | augeam*; v. supra c. I § 2. 7. Most. 1, 1, 20: *corrumpere erilem | adulescentem | optimum*; 8. Pers. 1, 2, 15: *eum esse civem | et fidelem | et bonum*; de quibus v. cap. II § 7 et 2. 9. Poen. 2, 39: *ut quisque acciderat, eum necabam | ilico*; pluralem *necabant* nullo pacto Camerarius Ussingius accipere debebant, quia miles aperte affirmat (v. 27 et 30) se volaticos illos homines suis manibus

occidisse. Geppertus igitur *eodem loco* scribendum esse coniecerat, quamquam *ilico* etiam in Ambrosiano legitur. 10. Stich. 1, 3, 113: *sed eccum Pinacium | eius puerum. | hoc vide*; distinctionem excusant Hermannus (Elem. doctr. metr. p. 191) Ritscheli; Fleckeisenus vero *hoc <sis> vide* voluit. 11. Trin. 1, 2, 121: *quae mihi mandatast, habeo dotem | unde dem*; priscam formam cunde, quam Ritscheli in textu posuit, supra § 1 improbavimus. — Ad haec exempla accedere mihi videntur Amph. 3, 2, 67: *redissem salvos, ea ego exsolvam | omnia*; Curc. 2, 2, 26: *. . exi, | exi; exi, inquam, | oculus*; nam minus bene *ego* et alterum *exi* in quarto pede integra manent; v. cap. II § 2. Nemini exploratum est, num huc referantur: Men. 1, 1, 25: *cerialis cenas dat, ita mensam | extruit*, ita in libris Plautinis traditur; Festus autem pro *mensam* pluralem numerum *mensas* exhibet, quem critici hiatus impatientes lubenter sumpserunt. Utra lectio verior sit, difficile est diiudicare, cum et haec et illa recte poni potuerit. Id tamen aliquid ponderis habere mihi videtur, quod, cum pluralis *cenas* praecedat, facilius ex singulari *mensam* nasci potuit *mensas* quam ex contrario singularis ex genuino *mensas*. Mil. 3, 2, 34, in quo *promere*; *verum | hoc erat* sine dubitatione legerem, nisi dactylica vox *promere* efficeretur; hoc autem evitatur, si infinitivum in tertia syllaba acuiamus, de qua dimensione Brixius verissime iudicat (adn. ad 848). — Tres senarii hoc loco omittendi erant: Stich. 3, 1, 41, ubi *harunc aedium* et Ambrosianus et Vetus recte exhibent; reliqui *harum*; (cf. Schmidt. de pron. dem. p. 48); Merc. 2, 1, 35: *. . ad navem devehor*; sic Rescriptus; in ceteris *advehor* scribitur; Trin. 2, 4, 17: *ratio quidem hercle adparet: argentum οἷχεται; nam hercle apparet* cum Palatinis codicibus ponendum est; Ambrosianus inverso ordine *apparet hercle* praebet, ita ut aut post *hercle* aut post *argentum* hietur.

Deinceps septenarios trochaicos excutimus. Atque in primo pede m littera his locis vocali excipitur: 1. Asin. 5, 2, 71: *miseram | odio | enicavit* . ., de quo cap. II § 1 disputatum est. 2. Aul. 3, 3, 4: *etiam | intro duce, si vis, vel gregem venalium*; plerique *huc* interponunt cum Camerario. Ussingius versum uncis inclusit: sed singularis numerus non modo non offensioni est (v. supr. c. II § 1 ad Aul. 3, 3, 7), verum hoc loco necessario exigitur, quia ministris — ii enim venales sunt — coquus praeest praecipitque. 3. Bacch. 3, 1, 17: *ut eum | ex lutulento coeno propere hinc eliciat foras*; pro *eum* Ritscheli *gnatum* substituebat; sed hunc quidem hiatum facilius feremus, quod post vocabulum iambicum accidit; cf. paulo supra ad Bacch. 4, 2, 6. 4. Men. 1, 2, 56: *summum | olfactare oportet vestimentum muliebre?* vulgo cum Guyeto verba sic collocantur: *summum oportet olfactare* . . — Incerti sunt versus duo: Amph. 1, 1, 124: *nisi item | unam, verberatus quam pependi perpetem*; Aul. 3, 3, 9: *coctum ego, non vapulatum, dudum conductus fui*; in priore cum *itidem*, quod Fleckeisenus voluit, tum *nisi <si> item* cum Lachmanno reponere licitum est; in posteriore autem vix

quisquam habuit, immo cum Ussingio altera pronominis *ego* syllaba producenda erit. — Eximendi sunt quattuor versus: Capt. 5, 2, 11: *tandem | ista aufer; dic quid fers* . . ; nam *istaec*, non *ista* Plautus semper dixit; v. Schmidt. de pron. dem. p. 74 sq. Duos hiatus Vetus codex Camerarii tollit, qui haec fere habet: Merc. 1, 2, 30: *hominem ego iracundiores* . . Poen. 3, 1, 48: *horunc hic nunc* . . ; Decurtatus et Vaticanus *ego* omittunt et *horum* praebent. Ex Rescripto denique emendatus est Merc. 2, 3, 123: *certumne est?* . . ubi Palatini omnes *certum | est* adferunt.

Porro in altera sede haec exstant hiatus exempla: 1. Asin. 2, 26: *edepol hominem | infelicem, qui patronam comprimat; <heu> edepol hominem* Camerarius posuerat, idemque novissimis editoribus probatum est. 2. Asin. 5, 2, 21: *eum etiam hominem | in senatu dare operam aut clientibus*; particula *aut*, quam iidem viri docti inserunt, aliena potius quam accommodata est. 3. Aul. 5, 2: *quadrilbrem aulam | auro onustam | habeo; quis me est divitior?* neque Spengelius (Plaut. 222) neque Ritschellius (N. exc. 1, 63) quidquam mutant, nisi quod hic vir doctus *aurod* scripsit. Et profecto alia ratione hiatus ille expelli vix potest. A Goetzio et transponitur *onustam auro* et *alter post est* additur. 4. Capt. 5, 4, 27: *quasi per nebulam | Hegionem meum patrem vocarier*; Brixius cum Muellero olim interposuit; Fleckeisenus *nebulas* edidit, quamquam eadem vocabula *quasi per nebulam* in Pseudolo 1, 5, 47 sq. leguntur. 5. Men. 5, 7, 22: *eripe oculum | isti, ab umero qui tenet, ere, te obsecro*; dativus *istic* haud minorem dubitationem habet quam *illic* (v. supr. § 2); alterum accusativum *te* Ritschellius post *isti*, Camerarius ante *tenet* admiscebat. Sed in tradita scriptura ad verbum *tenet*, non ad *obsecro* pronomen *te* referendum est; atque hoc etiam magis perspicuum fit, si in hunc modum dimetimur: *qui tenet ere te (ted), obsecro*. 6. Merc. 5, 1, 1: *limen superum | inferumque salve, simul autem vale*, ubi *superumque* Ritschellius restituebat. 7. Pers. 2, 3, 10: *nam hoc argentum | alibi abutar: boves, quos emerem, non erant; abutar alibi* Guyetus transposuit, Ritschellius iam inserere maluit. (8.) Pseud. 2, 3, 7: (*hic doli, hic fallaciae omnes, hic sunt sycophantiae*.) *Hic argentum, | hic amica amanti erili filio*; verbum substantivum facile auditur, neque ipse cum Camerario interiecerim. Eodem pertinere videtur: Trin. 4, 2, 43: *si ante lucem | ire occipias a meo primo nomine*; cum in Vetere libro post *ire* spatium sex litterarum sit, Ritschellius (Prol. Trin. p. 72) *hercle* interposuit; ego huic rei tantam vim non tribuerim, quoniam paulo infra (4, 2, 104 sq.) in eodem codice lacunarum spatia non servata vidimus. — Alia pedum dimensione tres hiatus exemeris: Epid. 1, 2, 18: *quem quidem ego hominem | inrigatum plagis pistori dabo*; Trin. 5, 2, 6: *nam beneficium | homini proprium quod datur, prosum perit*; fortasse Most. 5, 2, 3: *quoque modo hominem | ad <venientem> servos ludificatus sit*; quamquam in Trinummo ne Ritschellius quidem

*beneficium* in altera syllaba acuere voluit<sup>1)</sup>, sed *homoni* formam restituebat. Neque hae dimensiones *égo hominem* et *módo hominem* placent: qua re voces *hercle* et *eum* a Muellero et Ritschelio adduntur, a Buggio aptissime quoque modo *dominum* ponitur. — In alia atque in secunda sede hiari potest Amph. 1, 1, 108: *neque ego huc hominem | hodie ad aedis has sinam umquam accedere*; Epid. 1, 2, 33: *hercle miserum est ingratum esse homini id quod facias bene*; nam in priore versu eodem iure *ego*, in altero *esse* non eliditur. — In medio relinquendi sunt non pauci versus; nam levi opera *uti* pro *ut* scribas: Amph. 1, 1, 304: *ibo ad portum | atque haec ut sunt facta, ero dicam meo*; Amph. 2, 1, 52: *ordinem omnem, | ut quicque actum est, dum apud hostis sedimus*; — ordine omnem rem ut Beckerus vult —; Mil. 2, 3, 64: *vin iam faciam | ut stultivum tu te fateare?* — Age face; sed cum in hoc versu *tu te* in Decurtato et Vaticano interciderit, in Vetere ut exhibeatur superscripto *te*, Ussingius *te tute*, alii ut *(te)* *stultivum tute* receperunt. Non minus facile *illanc istunc illunc* posueris Amph. 2, 2, 36: *gravidam ego illam | hic reliqui* . . Capt. 2, 2, 101: *mitto equidem istum | aestumatum* . . Poen. 5, 5, 23: *iam hercle ego illum | excruciantum* . . Similiterque removeri possunt: Curc. 4, 4, 26: *tuom libertum | esse aiebat sese Summanum*. — *Meum?* ubi *sese aiebat esse* tam simpliciter quam apte Camerarius edidit; Men. 5, 9, 26: *sed uter vostrum | est advectus* . .; *vostrorum* Ritscheliuss emendavit (de quo v. Lor. ad Most. (ed. II) v. 280 c. adn. crit. et Uss. ad Amph. 4; cf. Langen. Symb. p. 132); sed sententiae maxime conveniens est quod Vahlenus restituit *vostrum est (hodie) advectus*; Merc. 5, 2, 40: *religionem | illic obiecit* . .; quod Ritscheliuss in adnotatione proposuerat *illic (mi)* *obiecit* ita probare possis, ut vocularum *illic mi* ordinem immutes; Mil. 5, 20: *si te salvom | hinc mittemus Venerium nepotulum*; ita in codicibus traditur; Priscianus amittendi verbum habet ut in v. 28 *ut te | hodie hinc amittamus Venerium nepotulum*; Pers. 2, 2, 39: *quid ais? certum | est celare* . .; ne interrogativum addunt quemadmodum in subsequenti versu (v. II § 2); et cf. Merc. 2, 3, 123. De Asinariae v. 1, 3, 53 supra c. II § 4 dictum est; nec non de Capt. 4, 2, 56: *quantum est hominum | optumorum* . . Coniectura probabili infertur hiatus — ut Stich. 2, 2, 20 praeteream —: Aul. 4, 9, 20: *[quid agam] abeam an maneam, | [an] adeam an fugiam. quid agam, | edepol nescio*; nam *an* particulam Acidalius recte delevit; hiatum autem distinctionis vi defendit Brixius<sup>2)</sup>, alterum addito *ego* pronomine expulit. — Nonnulli versus in eum numerum adscribendi non sunt: Capt. 4, 2, 76: *quin ita faciam, ut (tu) te cupias facere sumptum, etsi ego votem*, in quo *tute* pro *te* reponi neces-

<sup>1)</sup> v. Opusc. II 719 et 720 adn.; neque ullo alio loco illa dimensio invenitur, nam Pers. 4, 7, 9 'ted' scribendum est: 'beneficium meum apud ted. — Immo equidem gratiam'.

<sup>2)</sup> cum post 'maneam' et 'fugiam' interrogationis signa ponit (Annal. 91 a. 1865 p. 57).

sarium paene est; Epid. 2, 2, 62: *hoc quod actum. | egomet. . ubi solus Ambrosianus vere exhibet actum est*; idemque cadit in duos locos: Mil. 3, 1, 92: *ubi ea possit inveniri. . Pseud. 1, 3, 136: num quid aliud etiam voltis dicere? . . in quibus Palatini praebent ubi eam possim | invenire et num quid aliud | etiam* (de quo cf. Ritsch. N. exc. 1, 56 — et Geppert. Stud. II 57); Mil. 2, 5, 32: *hic sororem | esse audiui. . sic Vetus*; sed cum Decurtatus Vaticanus *inaudiui* tradant, recte restituitur *indaudiui* sicut 2, 2, 56 (v. supr. § 6); Pers. 4, 4, 43: *quid ita? — Quia enim | ex puella te prius percontari volo*; verba *ex puella te* hoc ordine male ex Rescripto adferuntur, ex ceteris melius *te ex puella* nullo hiato; Stich. 2, 2, 26: *quid? illas itidem | esse censes. . hiatum exhibent Palatini*; sed cum in Ambrosiano scribatur *itidemne censes esse*, Ritscheli in textu posuit *itidemne esse censes*.

Post tertii trochaei thesim hiatus efficitur: 1. Bacch. 3, 3, 91: *serva tibi sodalem | et mihi filium. — Factum volo*; Hermannus et mi (autem) filium ediderat eumque Ritscheli secutus est; eodem versus loco una interponi posse Ussingius adnotat. 2. Curc. 2, 3, 66: *'dedistin tu argentum?' inquam. | 'Immo | apud tarpezitam situm est'*, de quo supr. cap. II § 1 dictum est. 3. Truc. 4, 2, 59: *alteram tonstricem | huius, alteram ancillam suam*; cum *huiusce* forma non sit Plautina (v. Schmidt. de pron. dem. p. 54 sq.), *Suram* vel *illam* vel *eccam* post *alteram* inicere solent. — In dubium vocari possunt: Poen. 1, 2, 178: *huius cor, huius studium, | huius savium, mastigia*, qui versus a Schmidtio (de pr. dem. p. 63 sq.) al. condemnatur, quod complura nomina iterata habet: hoc tamen non nimis certum mihi videtur; Men. 5, 5, 49 et Merc. 1, 2, 38, ubi *illunc* et *dexteram* facili opera inducas; Pers. 4, 3, 76: *nisi quia aspicio. equidem | edepol liberalist, quisquis est*; Ritscheli et *quidem* scripsit, neque in prima sententia *equidem* poni solet; ceterum cf. Uss. ad Amph. 757; Ribb. de part. Lat. Lips. 1869 p. 39 sq. — Aut *accersam* aut si non coniungitur (v. supr. cap. II § 2): Most. 5, 1, 42: *quid si igitur ego accersam homines? . . . Ritscheli immerito transposuit quid igitur si . . ; v. Lor. ad Most. (ed. II) 393*; Uss. ad Aul. 48, Capt. 326; Kellerhoff, de colloc. verb. p. 72 sq. — Eundem hiatum teste Ussingio Rescriptus exhibet in hoc versu: Bacch. 3, 5, 2: *Mnesilochum ut requiram | atque eum mecum ad te adducam simul*; sed ex Palatinis emendatur *atque ut eum*. Ex Ambrosiano corrigitur Poen. 1, 2, 149: *dum te expecto, neque ego usquam aliam. . (ceteri ego omittunt)*; ex recentioribus libris Asin. 5, 2, 75: *abscede ergo paululum istuc. . — paulum* in Vetere et Vaticano extat —; ex Decurtato autem et Vaticano emendatur Poen. 3, 1, 35: *quidquid est pauxillulum illic. . , ubi in Vetere est pauxillum*.

Plura exempla in quinta septenarii sede inveniuntur: 1. Aul. 4, 9, 20: *. . quid agam, | edepol nescio*, quem versum modo adscripsimus. 2. Capt. 4, 2, 70: *scis bene esse, si sit unde. — Percam | atque ophthalmian*; voc. *percam* pro *pernam* Brixius (in adu.



crit.) restituit, idemque hiatus causa *que* particulam adiungi voluit. 3. Men. 2, 3, 74: *hercle qui tu recte dicis: eadem | ignorabitur*; possunt multa interponi, velut *ea* vel *opera* vel *enim* vel *ita*: optimum est nihil addi. 4. Men. 5, 2, 34: *ecce autem litigium. quotiens tandem | edixi tibi*, ubi *ego* vel *id* inserunt — ut de Camerarii traiectione *edixi tandem* taceam. (5.) Merc. 3, 4, 62: (*quam capiam civitatem cogito . .*) *Sicyonem, Cnidum, Zacynthum, Lesbum | an Boeotiam*; Ritscheli *Lesbumne* an posuit, in libris traditur *lesbiam*. 6. Most. 5, 2, 14: *sed tu istuc quid confugisti in aram, | inscitissimus?* Spengelius (Plaut. p. 219) suo iure hiatum tuetur; neque apte *hanc* aut *hinc* inditur. 7. Pers. 2, 2, 59: *edictum est magnopere mihi, ne quouiquam | homini crederem*; Ritscheli *effecit mihi <quoque> edictumst magnopere, ne . .*: at in hoc sermone Paegnium et Sophoclidisca solent *par pari respondere dicto* (et cf. supr. p. 49). 8. Pers. 5, 2, 16: . . *cyatho | oculum | excutiam tuom*, de quo supra cap. II § 1 diximus. 9. Truc. 2, 7, 11: *quinque nummos mihi detraxi, partem | Herculaneam*; syllabarum hiatum, cum nomine proprio excusetur, Spengelius non commutat collato Stichi versu 1, 3, 80 (v. supr.). (10.) Truc. 4, 4, 33: *propter hunc spes etiamst hodie tactum | iri militem*; haec enim in codicum scriptura *tantumrimilem* inesse Petitus intellexit. Schoellius igitur *probe* post *hodie*, Buechelerus (v. Schoell. praef. p. 47) *iterum* post *iri* inserere voluerunt. — In eodemque numero habeo: Capt. 4, 2, 99: *ut ego vidi. — Meum gnatum? — Tuom gnatum | et genium meum*; Merc. 1, 2, 75: *ubi eam vidi?* — *Intus intra navem, | ubi prope adstitit*; Stich. 4, 1, 32: *prius quam abis, praesente te huic apologum | agere unum volo*; nam in Captivis ne Bentleius quidem aut Fleckeisenus *tuum gnatum et* legerunt, sed *meumne* maluerunt reponere; in Mercatore Spengelius (Plaut. p. 221) *ubi* pro *ut* vere scripsit, idque in priore syllaba acuit; in Sticho *ted* in editione Ritscheli posuerat, in Novis excursibus versum silentio praeteriit. — Aliquid sane dubitationis movent hi versus: Aul. 4, 4, 22: *novi sycophantias. age, rursum | ostende huc manum*, ubi *rursus* Reizio, *age <age> rusum* Goetzi in opinionem venerunt; Capt. 3, 4, 98: *at ego te video maior maiorem. | em rursum tibi*; Bentleius Brixius verborum *maior maiorem* ordinem invertunt, ita ut et legitima incisio versui reddatur et nomina ex diverso collocentur; cf. supr. c. II § 2 ad Pers. 4, 4, 2. Curc. 2, 3, 28: . . *dextram. | ubi sunt . .* Goetzius *dexteram* ascivit, quod in codice Britannico exhibetur; Mil. 5, 16: . . *viduam | esse censui*; sed *eam* facillime intercidissee potest; Mil. 5, 24: *quid, si id non faxis?* — *Ut semper vivam | instabilis*; sic cum Ambrosiano restituendum censeo; ceteri habent *ut vivam semper . .*; Most. 5, 1, 42: . . *factum | esse iam oportuit*, ubi si transponimus *iam esse*, numeri evadunt nitidiores; Poen. 3, 1, 58: *ubi is detulerit, tu eo quaesitum servom | advenies tuom*; *servolum* Geppertus scribendum proposuit; Poen. 5, 4, 34: . . *operam | ut placeant viris*; Poen. 5, 5, 10: . . *faciam | ut sit merulea*; in quibus editores *uti* voluerunt;

Truc. 2, 6, 29: *intra tot dies quidem hercle iam actum | aliquid oportuit*, in quo aut proceleusmaticus pes sextum locum tenet aut altera verbi *oportuit* syllaba corripitur. Vulgo cum Bothio transponitur *aliquid actum*, quod minime displicet. — Nonnullis locis in alia, non in quinta sede hiari potest; post sextum trochaeum in quattuor versibus: Capt. 3, 1, 21; Curc. 2, 3, 55; Truc. 2, 7, 65; v. sup. c. II § 2; Most. 5, 2, 6: *qui a patre eius conciliarem pacem. atque eccum optume*; in caesura autem legitima: Asin. 5, 2, 37: *censen tu illum hodie primum ire adsuetum esse in ganeum?* Asin. 5, 2, 86; Pseud. 2, 4, 61, de quibus vide supra c. II § 4 et 7. Vix adscribendus est Trin. 4, 3, 18; v. supra. — Detrahendi videntur tres versus: Stich. 1, 2, 27: . . *culpam in se admiserint*; in hac Ambrosiani lectione aut *culpam* non eliditur, aut *sed* pronuntiandum est; at recte ex Palatinis *sese* recipitur, quia alterum se facilius omissum quam additum est. Ex Rescripto emendatus est v. Pseud. 1, 2, 66: (*cras te, quasi Dircam olim . .*) *Devinzere ad taurum, item ego te distringam ad carnarium*; id; ceteri codices perperam: *item hodie stringam | ad . .*; et EGOTE pro HODIE, quod propter praecedens *cras* ferri non potest, iam Usenerus (Ind. schol. aest. Gryphisw. a. 1866 p. 6) coniectura assecutus erat. Tertius denique a Guyeto bene corrigitur: Merc. 5, 4, 16: *optume hercle; perge <perge>*: *ego adistam hinc altrinsecus*; nam *perge perge* vel *perge porro* eodem modo quo Men. 1, 2, 41 restituendum.

Ante extremum creticum haec habes in septenario: 1. Curc. 2, 3, 79: *talos arripio, invoco almam meam nutricem | Herculem*; sic Spengelius (Plaut. p. 215); alii varie versum tentaverunt: ut Fleck-eisenus mihi post *meam* iniecit, Bothius *nutriculam*, Goetzius *nutriciam* introducebant, Muellerus ordinem immutari iussit. 2. Curc. 5, 2, 35: *nihil est, quod ille dicit. fac me certiolem, | obsecro*; interponitur *te* praeter Plauti consuetudinem; is enim pronomen fere non ponit, si *obsecro* precandi causa tamquam interiectio quaedam verbo finito adiungit (cf. supr. § 1). Qua de causa Ussingius versu 31 uti non debuit, utpote in quo sententia secundaria adnectatur: *te obsecro, ut . . facias*. 3. Epid. 2, 2, 86: *nunc occasiost faciundi, priusquam in urbem | advenit*; Acidalius *advenerit* substituerat idemque Goetzio probavit: sed praesens tempus apud Plautum legitimum esse Ussingius ostendit. 4. Mil. 4, 8, 16: *nam nihil miror, si lubenter, Philocomasium, | hic eras*; codicum scripturam Spengelius defendit (v. Plaut. p. 218); neque *<tu>* hic aut *<cum>* hoc aut *istic* scriptum fuisse nobis persuadetur. 5. Mil. 5, 7: *perii*. — *Haud etiam; numero hoc dicis. iamne in hominem | involo?* Ritscheli *ego* inserit, *iam nunc* in scribendum esse coniecit Ribbeckius. 6. Most. 2, 1, 30: *iube <eum> abire rursus; quid illi reditio etiam | huc fuit?* cum Camerario transponi solet *huc etiam*. 7. Pseud. 1, 3, 115: *i, gladium adfer*. — *Quid opus gladio?* — *Qui hunc occidam | atque me*; quamvis emendationem Ritscheli improbat, cum N. exc. 1, 64 ablativum *quid* inducit. Quod vero Ussingius in ultimo versu *atque enicem*

reposuit, iis refellitur quae Muellerus Pros. Pl. p. 746 disputavit. 8. Trin. 4, 2, 147: *abin hinc ab oculis?* — *Enimvero sero quoniam | advenis*; adv. *huc* iam Reizius addiderat; Geppertus *quandoquidem* posuerat quemadmodum in extremo versu 149: *... salvos quando equidem advenis*: sed vide supra ad Men. 5, 1, 39. — Ad haec exempla duo accedere equidem puto: Stich. 5, 5, 5: *nimioque sibi mulier meretrix reperit odium | ocus Sua immunditia, quam in perpetuum ut placeat munditia sua*; Mil. 5, 9: *quor es ausus subigitar alienam uxorem, | inpudens?* nam in hoc versu vix quisquam cum Ritschelio existimabit post *subigitar* hiari — de *voxorem* forma v. supr. § 1 —. In illo autem neque perfecto tempore *repperit*, quod ex libris adfertur, neque, nisi fallor, futuro *reperiet*, quod Goetzius edidit, locus est; immo praesens tempus Ritschelius recte restituit, non recte verba *mulier meretrix* seiunxit cum scriberet *mulier odium meretrix reperit ocus*. — Pauca sunt de quibus dubitetur: Pseud. 2, 1, 9: *... meum atque vestrum | omnium*; Trin. 4, 2, 115: *mihin concederet, ni me ille et ego illum nossem | adprobe?* Trin. 4, 3, 39: *... id genus hominum | hominibus*; Truc. 2, 6, 66: *... mox huc cubitum | ivero?* in hoc Truculenti versu *venero* pro *ivero* reponendum non puto, sed cum in Vetere sit *mox adhuc*, videndum est ne cum Camerario *mox ad <te> huc* scribendum sit (aliter Schoellius praef. 26). In Pseudolo *vostrorum* nullo negotio substituitur; cf. Men. 5, 9, 26. In Trinummi versu altero *genus* in posteriore syllaba acuere licet (cf. supr. Curc. 3, 12 et Men. 2, 1, 11); in altero autem hiatus, sive post *ego* sive post *nossem* sive in caesura post *ille* statuitur, dubitationem adferre debet, non quod censeam formas contractas *nosse nossem* in Plauti usu non fuisse<sup>1)</sup>, sed quia *nossem* et *novissem* formarum, sicut *dixi* et *dixisti* (cf. supr. § 2) tam frequens in codicibus permutatio est eaque in utramque partem valens, ut ista vix ulla mutatio sit (Ritsch. Proleg. Trin. p. 188). — Quattuor septenarii eam ob causam ambigui sunt, quod alio loco hiatum efficere licitum est: Amph. 2, 2, 82 v. cap. II § 1; Most. 5, 2, 6: *... pacem. atque eccum | optime*; in sententia finita haud minus recte *pacem* integrum manet; v. paulo supra; Amph. 5, 1, 34: *Amphitruo. piam et pudicam tuam esse uxorem ut scias; vocem tuam* in arsi cum hiatu corripere legitimum est; v. Speng. Plaut. p. 205. De Trin. 4, 3, 18 v. supra. — Si Decurtato Vaticano auctoribus uteremur, hiatum haberemus Men. 5, 9, 90: *... frater, faciam, | ut voles*; sed cum in Vetere tradatur *ut tu voles*, hoc in textum recipimus. Neque aliter Palatini omnes praebent: Stich. 2, 2, 39: *tum tu igitur, qua causa missus es ad portum, | expedi*; solus Ambrosianus *portum, id expedi*.

<sup>1)</sup> id quod Fleckeisenus (Annal. 95 a. 1867 p. 632 adn. 8) statuit; sed v. Asin. 2, 2, 81 (... eum se [se] non nosse hominem qui siet); Epid. 4, 2, 29 (quid si servo aliter visum esset, non poteris nosse, obsecro?) al. Ritschelius vero (ad Trin. 952 ed. II) etiam de 'noris' al. dubitat, immerito: v. Mueller. Pros. Pl. p. 475 adn. et Suppl. pros. p. 69.

Reliquum est ut septenarios iambicos, octonarios, dimetros perpendamus. In septenariis igitur vocalium concursus exhibetur: 1. Asin. 2, 4, 67: *flagitium | hominis, da opseco argentum huic, ne male loquatur*, de quo supra dictum est. 2. Asin. 3, 3, 108: *ne istuc nequiquam dixeris tam indignum dictum | in me*; verba *in me* post *dixeris* transtulit Bothius. 3. Asin. 3, 3, 110: *tene ego veham?* — *Tune hoc feras argentum | aliter a me?* plerique *hinc* intericiunt. — Eodem spectat, nisi pro *ut* mavis *uti*: Capt. 3, 2, 14: *ut quod me oravisti inpetres, eum hominem | ut convenias*. Melius huic loco adnumerantur: Asin. 3, 3, 43: *. . me ad mortem | adpulerunt*; Curc. 4, 2, 37: *nam et operam | et pecuniam . .* Pers. 2, 5, 18: *enim metuo ut possim | in . .*, quamquam in versu primo *me* (v. supr. cap. I § 1), in secundo *nam* (v. cap. I § 7), in tertio *metuo* (v. tamen c. II § 1 ext.) vocales ultimas retinere possunt. — Omittendi erant tres versus: Epid. 3, 2, 19: *inveni; nam ita suasi seni . .*, ubi *inveni nam* egregie scribitur pro eo quod in libris est *inveniam*; Mil. 2, 4, 52: *dudum edepol planum est id quidem . .* Truc. 1, 2, 34: *nimis otiosum te arbitror hominem esse . .*; sic in Rescripto bene exhibetur; Palatini praebent *planum | hic et otiosum | arbitror*.

Porro in octonario trochaico haec inveniuntur: 1. Amph. 2, 1, 28: *domi ego sum, inquam | — ecquid audis? — et apud te adsum Sosia idem*; alterum *domi* alius alio loco inserunt. 2. Pseud. 1, 2, 43: *quam libertam fore mihi credam et quam venalem, | hodie experiar*; Ritschellus olim *ego* addiderat, postea (N. exc. 1, 90) *hodie* voluit. Trin. 4, 1, 15: *bonaque omnia item | una mecum passim caeruleos per campos*; editores transponere maluerunt *item omnia* quam *itidem* scribere.

Atque ut octonarios iambicos adiciam, m littera non eliditur his locis: 1. Bacch. 4, 9, 63: *nunc superum limen scinditur, nunc adest exitium | Illo*; qui ponunt *nunc* <prope> *adest exitium Illo*, dactylicam vocem inferunt. 2. Epid. 1, 1, 24: *quem dices digniorem esse hominem | hodie Athenis alterum?* Goetzius *hoc* interiecit; Ambrosianus vero duos hiatus, alterum pravum, praebet *digniorem | esse | hodie*. (3.) Bacch. 4, 9, 15: *Bacchidem habet secum; ille olim | habuit ignem, qui signum daret*; in quo versu post *secum* hiatus non placet; Pylades per *ut* particulam, quam post *olim* indidit, enuntiata inter se conexuit. — Incerti sumus utrum *domi* cum Lachmanno (ad Lucr. III 954 p. 200) an *eccam* an *nullam* non coniungamus Pers. 2, 2, 44: *ubi illa altera est furtifica laeva?* — *Domi eccam: huc nullam attuli*.

In dimetro iambico pauca extant: 1. Men. 4, 2, 34: *ubi primum est licitum, | ilico*; vulgo cum Guyëto transponitur *licitum est*; cf. tamen Vahlen. Herm. 17 p. 617 sq. 2. Merc. 1, 2, 25: (*perimus*. —) *Principium | inimicis dato*; Lachmannus *id* inseruit; Spengelius (de emend. metr. p. 376) dimetrum trochaicum minus bene descripsit.

Dimetrum trochaicum, sicut tres versus sequentes, esse censeo

Epid. 1, 1, 87: *nequam | homo | es, Epidice*; Spengelius atque editores pro dimetro cretico accipiunt. Et versus a 79 ad 86 compositi sunt ex dimetris creticis et septenariis trochaicis qui alternis vicibus sese excipiunt. Sed cum dimetros praemittere in aperto sit (v. Speng. Plaut. 165 sq.), a versu 87 trochaicos dimetros incipere mihi persuasum est.

Atque haec sunt exempla ex septendecim Plauti fabulis collata, ubi polysyllabae voces longa vocali vel m littera finitae in thesi ita vocalibus excipiuntur, ut vocalem extremam retineant. Eorum igitur multa incisione legitima aut persona mutata defendi posse supra diximus: sed quid cetera? emendentur ut corrupta necesse est, quemadmodum ab Ritschelio aliisque criticis emendabantur? Mihi quidem — praeterquam quod saepissime corrumpuntur versus, non corriguntur — non modo non probabile, verum etiam perversum videtur tam infinitos et tam pares eiusdem generis locos nullam aliam ob causam commutare velle, quam quod vocalium concursus praebent. Atque satis multos versus ita comparatos esse ostendimus, ut hiatus expellere nisi cum magno orationis detrimento omnino non liceat. Accedit etiam, quod in corrigendis singulis exemplis alius criticus aliud coniectura assecutus est; quin ipse Ritschelius saepenumero unum eundemque locum variis modis scribi posse plane confitetur. Atque hac potissimum re fieri debet, ut traditam scripturam immutare valde dubitemus: nam quid iuvat aut quid prodest scire quibus rationibus versus potuerint a poeta componi? Immo quo magis licitum est varie formare, eo magis librorum memoriae habebimus rationem consideratiusque in reiiciendo iudicabimus.

Et idem hoc Ritschelius anno h. s. LXVIII intellexerat, cum in Novis excursibus Plautinis p. 120 sq. hoc fere diceret, pravam esse minimeque ferendum posthac eodem modo quo ante artem criticam in Plauti fabulis exerceri. Hac igitur de causa ille vir doctus in tollendo hiatu eam viam ingressus est, ut obsoletas vocabulorum formas in fabulas Plautinas introduceret: et saepe tali ratione hiatum specie quidem valde probabiliter exemit. Huc spectant — ut *homonis homonem homones, cubi cunde, hocedie, simitur, illic* dativum, nominativos *alternas vergilias* al. omittamus, quas formas maximam habere dubitationem supra demonstravimus — omnes illae formae, quas addito d restituit aut sibi finxit. Nam certis librorum scriptorum testimoniis id tantum constat, Plautum *med ted* et ablativos et accusativos dixisse (v. supra cap. I § 1). Quod autem Ritschelius nominum substantivorum et adiectivorum ablativis d adiungebat, ea testimonia quae ex ipso Plauto adfert, *aetated* et *dictod* (N. exc. 1, 59 sq.), a coniecturis profecta atque quam maxime dubia, ne dicam falsa sunt<sup>1)</sup>; sed cum apud Naevium legatur *Troiad* et in inscriptionibus eiusdem aetatis non numquam

<sup>1)</sup> v. Bergk. Symb. ad gramm. L. 164 sq., 67 sq.; Muell. Suppl. pros. p. 74 sq.

*illud d servetur, fieri potuit — hoc sane concedendum est —, ut ablativi in d litteram cadentes in Plauti usu fuerint. Quamquam una res vehementer repugnare mihi videtur: quod illa litterae d vis adeo non perspecta est illis temporibus, ut formis *med ted* tam accusativis quam ablativis sine ullo discrimine uterentur<sup>1)</sup>. Iam vero Ritscheliu cum omnibus vocibus, quibus cum ablativis similitudo sit, in his *pondo intro hodie interea propterea argute* al., illud d adscribi iubet, in ea re finem et modum transiit (cf. Bergkii caput XI p. 72 sq.); nam quod ex Ennio adfertur *alted* O. Muellerus finxit, non Ennius<sup>2)</sup>.*

Sed ut omnes illae formae iusto iure Plauto attribuantur, quid ex hac Ritschelii coniectura — nam quid aliud est? — emolumenti ad nos venit? licetne cunctos quos supra enumeravimus hiatus ita eximere? — Minime gentium; nihil loci est illi d in nominibus et verbis in i vocalem excidentibus, nihil in prima verborum persona in o, nihil in imperativis in a et e, nihil post diphthongos, nihil in vocibus *octo triginta* aliisque, nihil denique in sexcentis vocabulis, quae in m consonam cadunt; atque interdum ille vir doctus ne ibi quidem d reposuit, ubi repositurum eum fuisse putares. Ea autem opinio, quae exemplorum partem longe maximam non tollit, minime apta est ad fidem faciendam.

Quae cum ita sint, aliam viam ingredi non dubito. Atque proficiscendum mihi videtur ab huius modi locis: *prandi, potavi, scortum accubui, | abstuli* (Men. 3, 2, 11) vel *videre, amplecti, | ausculari, | adloqui* (Merc. 4, 4, 5) aliisque, quos Spengelius Plaut. p. 221 collegit. Haec enim exempla eius generis sunt, ut quavis mutatione non possint non depravari. Quod si verum est, qua ratione concursum vocalium tuebimur? Spengelius ille quidem in enumerando aliquid morae interponi contendit, qua hiatus defendatur. Sed aliter rem se habere discimus ex Trinummi versu 2, 1, 36: *boni sibi haec expetunt, rem fidem | honorem*, qui versus meo iudicio — et conferas Speng. Plaut. p. 232 — pro cretico tetrametro catalectico accipiendus est. Ut igitur hic de intervallo post *fidem* facto cogitari non potest, ita ne illos quidem hiatus respiratione quadam tueri velim. Qualem autem habeant excusationem, ostendunt Mostellariae versus 1, 2, 73 sq.: *.. arte gymnastica, Disco, | hastis, pila, cursu, | armis, equo, .. victitabam volup.* Nam cum Plautus longe plurimos tetrametros creticos, ex veris pedibus creticis composuerit<sup>3)</sup>, non cum Ritschelio d adiciendum esse statuemus, ita ut duo in uno versu

<sup>1)</sup> sic Bouterwek, Lucret. quaest. gr. et crit. p. 30.

<sup>2)</sup> Enn. Ann. v. 366 libri scripti exhibent: 'alte delata ceterisque ingentibus tecta'. Muellerus ille quidem scribi iubet: 'alted elata petrisque ingentibus tecta'; sed utut de extremo versu iudicamus, hoc quidem certissimum est, verba 'alte delata' nullo modo tentanda.

<sup>3)</sup> sodalis H. Freund animadvertit ex CCXXXX tetrametris acatalectis ad quinquaginta versus unum pedem molossum vel choriambum, non plus quidem duos molossos vel choriambos habere; in ceteris omnibus brevem creticum syllabam ubique servatam esse.

molossi ponantur, sed ultimam vocabulorum *disco* et *cursu* vocalem ante subsequentem vocalem correptam esse. Eodemque modo non solum ea exempla quae Spengelius intermissa oratione tueri voluit, verum etiam omnia quae supra conguessi pollysyllaba vocalem extremam cum hiatu correptam habent.

Haud ignoro Spengelium alios disertis verbis negavisse Plautum in thesi admisisse correptiones, nisi ad monosyllabas voces pertinerent (v. supra cap. II). Sed haec velim attendantur: Ritschelius omnes fere eius modi correptiones damnavit, eas tantummodo excepit quae in priore anapaesti pedis thesi fierent; Fleckeisenus Spengelius alii traditis exemplis coacti id concesserunt, monosyllaba in cuiusvis metri thesibus corripere potuisse: quid de polysyllabis, quorum exempla etiam plura leguntur? quidni eadem excusatione utamur? — Sed vide Spengelii rationem qua rem tractavit. Is igitur vir doctus in enumerando concursum vocalium accidere potuisse non negat, id quod paulo supra commemoravimus. Deinde nomina propria, verbi causa *Dianae* | *Ephesiae*, hiatum facile recipere disserit p. 214 sq., idque ita disserit, ut ultimam horum nominum vocalem dilucide tamquam correptam significet. Porro p. 232 sq., ubi polysyllaba correpta impugnat, eos hiatus seiungit, qui post quintam iambici senarii thesim h. e. ante extremum creticum incidunt, atque aliis libelli locis (v. p. 221 et 238) huius hiatus ut legitimi mentionem facit: nec tamen correptionem excusat, sed moram quae in hac versus sede intercedat. Hoc autem non potest non reprehendi<sup>1)</sup>. Nam primum mirum est sextum septenarii trochaici pedem, post quem non rarius hiatus invenitur, Spengelium neglexisse; deinde tum demum concedi posse crederem, si exempla eius generis essent, ut una et eadem vox creticum expleret — id quod ita non est; denique hoc praecipue obstat, quod in aliis versuum sedibus prorsus eundem post longas vocales hiatum habemus. Quae cum ita sint, illa opinio mea confirmatur, qua contendo in omnibus thesibus longas vocales, sive monosyllabam sive polysyllabam vocem finiunt, ante insequentem vocalem a Plauto correptas esse.

Et quae causa potest adferri, ob quam putemus Plautum ab ea correptione abhorruisse, quam Naevius Ennius admiserunt, quam posteriores poetae dactylici omnes, quam ipse Horatius non contempsit<sup>2)</sup>?

Hic quaerat quispiam: Quid? breves vocales nonne eodem modo quo longae cum hiatu in thesi positae sunt, ita ut tua de correptione coniectura stare non possit? Fateor interdum in libris scriptis id peccatum esse, quod post brevem syllabam hiatum exhibetur; verum tamen tantum abest, ut haec tam pauca exempla nostrae opinioni repugnent: etiam maxime ei praesidio sunt. Sed quo magis hoc intellegatur, exempla tradita abscribi necesse est.

<sup>1)</sup> De caesura seminovenaria cogitari nullo pacto posse supr. c. II § 1 adnotavimus.

<sup>2)</sup> v. huius disput. prooem.

Atque ut hic quoque singulos versuum pedes persequamur, post secundam senarii iambici thesim non amplius duo eius modi hiatus ex codicibus adferuntur: 1. Aul. 3, 6, 10: *plus plusque | istuc sospitent, quod nunc habes*; 2. Bacch. 2, 3, 81: *sed nihilne | adtulistis inde auri domum?* at in hoc Bacchidum versu addiderim *ad me*, quae verba ante *adtulistis* facillime omitti potuerunt a librariis (de copia dicendi cf. Merc. 2, 1, 20; 3, 2, 12 al.). In altero *tibi* interponi solet; et aliquid excidisse eo magis nobis persuadetur, quod versus superior in eadem fere sede defectum praebet. — Alii versus manifesto vitiosi sunt: Curc. 3, 76: *Libyamque | oram | omnem Con- tenebrioniam*; Capt. 3, 5, 20: *facta esse | ia, | ut dicis, et fallacis*; nam in priore *et* vel *atque* deesse non potest; in posteriore pravi hiatus ab antiquis editoribus tolluntur, qui *ut <tu> dicis* posuerunt. Iam tribus locis illic sit *quoniam* (h. e. *qm̄*) pro *ille, est, quom* (h. e. *qm̄*) tam facile restituuntur, ut versus nullo numero putentur: Bacch. 4, 8, 72: *lippi ille | oculi servos est simillumus*; Merc. 4, 2, 1: *pa- rumne | est malae rei, quod amat Demipho*; Stich. 3, 2, 8: *quom strena | obscaevavit, spectatum hoc mihi*. Duos hiatus Ambrosianus liber removet, cum haec habet: Men. 2, 2, 27: *neque hercle ego habeo . .* Most. 3, 2, 82: *nec mihi umbrast usquam [est], nisi . .* ubi Palatini *hercle | habeo et umbra | usquamst* produunt. — Vere autem adferuntur hi hiatus: Aul. 2, 8, 22: *perii hercle! | aurum . .* Men. 2, 2, 41: *heu | hercle | hominem . .* Men. 3, 2, 6 v. supra cap. I § 2); Pers. 1, 3, 60: *numquam hercle | hodie hic . .* Stich. 3, 2, 12: *Epigrome, | ut ego te nunc conspicio lubens*; nam interiectiones saepe numero cum sequenti vocali non coniungi satis constat, neque post appellationem hiatus offendit; v. Speng. Plaut. 218; cf. supr. c. II § 2 al.; Lorenz. ad Most. (ed. II) v. 886. — Hunc in numerum reponendi omnino non sunt: Capt. 2, 3, 9: *ad te atque illum; pro rota me uti licet*, in quo *ted* scribendum, nisi forte mavis *atque <ad> illum*; Bacch. 4, 1, 7: *recede hinc dierecte. ut pulsat propu- dium!* ubi *dierecte* vox quattuor syllabarum est, quemadmodum Men. 2, 3, 87 et fortasse aliis locis (v. infr.).

Porro in quarto iambo hiatur in libris scriptis: 1. Aul. 1, 2, 33: *nam non est veri simile | hominem pauperem*; 2. Curc. 3, 19: *quis hic est, qui operto capite | Aesculapium*; transponendo numeros sanant, cum in altero senario *nam veri simile non est . .* restituunt, in altero *qui* post *capite* aut post *operto* transferunt. Muellerus tamen recte monet in Curculione non modo *capite operto* sicut 2, 3, 9 et Amph. 5, 1, 42, sed etiam *operto capitulo* ut 2, 3, 14 posse reponi. — Corruptus est versus Aul. 3, 6, 29: *quin exa in- spicere in sole | e vivo licet*, ubi *etiam* aut *vel* pro *e* scribendum est. Nihil comprobatur his locis: Asin. 4, 1, 40: *post si lucerna ex- tincta | est, nequid sui*; Mil. 4, 9, 9: *te volt, te quaerit teque | exspec- tans petu*; Pers. 4, 6, 3: *cruminam hanc emere, aut facere | ut remigret domum*; Pers. 4, 6, 14: *eum ego ut requiram | atque | ut redimam volo*; Trin. 1, 2, 75: *quoniam hinc iturust ipse | in Seleu-*



*ciam*; nam primo loco coniunctivus modus *sit* cum editione principe asciscendus est. Secundo verbum *petit*, quod Decurtatus et Vaticanus exhibent, in Vetere ita demum intercidiisse potest post *expectans*, si a primo scriptum fuit *expetit* (de quo mendo v. supr. II § 2 ad Ep. 3, 2, 25). Tertio *uti* Bothius reposuit. De quarto supra c. II § 7 diximus. Quinto autem non tam *iturus est ipse* quam *iturus ipsus* emendandum est, quam formam cum alibi tum 4, 3, 63 solus Rescriptus servavit; eamque Plauti aetate usitatissimam fuisse versu 4, 2, 146 demonstratur. — Ex ipsis codicibus corrigere licet: Trin. 2, 4, 85: . . *tute | ut sis optumus*; nam *uti* in Ambrosiano recte traditur; eodemque duce emendatur Palatinorum scriptura Trin. 1, 2, 8: *tui benevolentis, si | ita | es ut ego volo*; ille enim liber si praetermisit, *te post ego* inseruit. Ex contrario idem Rescriptus hiulcos versus adfert duos: Trin. 2, 4, 17; v. cap. II § 7; Trin. 2, 4, 134: *alii exolatam abiere, | alii emortui*; sed non modo Palatini sed etiam Nonius *abierunt* memoriae produnt. — Nulla mutatione opus est Bacch. 4, 8, 61: . . *hercle | in malam crucem*; Pseud. 1, 5, 93: . . *hercle | argentum dabis*; Poen. 5, 5, 30 (v. sup. cap. I § 2); Curc. 1, 1, 46: *eam volt meretricem facere. | ea me deperit*, de quo versu v. Speng. Plaut. 222. Vix memoria dignus est Mil. gl. 4, 3, 37, ubi ne libri quidem hiatum exhibent, aut Amph. 3, 2, 30: *quam postquam audiavi te esse iratam mihi*, in quo Ritschelius (N. exc. 1, 35) *ted* legi vult.

Deinceps in quinta sede habes: 1. Most. 3, 1, 100: *id volo mihi dici, | id me scire | expeto*, ubi facillimum est *ex te ante expeto* addere; v. cap. II § 2 init. — Haud minus facile eximuntur: Bacch. 4, 8, 11: . . *nupta est illa, | obsecro?* Merc. 1, 1, 64: *fuisse; adeo arte cohibitum esse | a patre*; Most. 3, 1, 152: *bonum aequomque oras. percontare | et roga*; nam *illaec* et *sese* vel *esse* <se> vel <se> *esse* et *oras* <i> *percontare* nullo negotio restituuntur. — Falso exhibetur v. Men. 5, 4, 8: *quin suspirabo plus sescenta | in dies*, in quo *sexcentos* scribendum esse Camerarius vidit; ceterum conf. Vahl. adn. Tribus locis Palatini illi quidem hiatum praebent: Epid. 3, 4, 54; v. c. II § 3; Poen. 5, 6, 14: . . *sume | hinc quidem*; Pseud. 1, 1, 37: *repente exortus sum, repente | occidi*; sed Ambrosianus *quid lubet* pro *quidem* (cf. versus 15 et 16) adfert, in ultimo *una* cum Decurtato Vaticano *repentino* servavit. — Detrahendi sunt de hoc numero: Men. 3, 2, 53: *uxori rem omnem iam ut sit gesto eloquar*, in quo *iam* arsim explorare potest quemadmodum 2, 3, 5 *cf. infr. Sent. contr. I et Vahl. Herm. 17 p. 621 adn.; Poen. 7, 11, qui versus Plauti non est.*

Haec in senario; percenseamus nunc septenarios trochaice qui quidem in thesi breves syllabas cum hiatu positas exhibeant. primo igitur trochaeo unum eius generis exemplum repperi: 1. Mo. 2, 1, 35: *ecce | autem . . Ritschelius eccere* edidit coniectura val probabili; nam *eccere autem* etiam Mil. 2, 2, 52 et Pers. 2, 4, *ecce*

scriptum videmus<sup>1)</sup>. — In Milite glorioso vero particula quae praecedenti enuntiato versum adnectat, necessario requiritur: Mil. 4, 8, 17: (*nihil miror, si lubenter . . hic eras,*) *Forma | huius, mores, virtus animum attingere hic tuom, Quom ego servos . . lacrumem . .* sive *formaque huius* cum Ussingio sive cum Buggio <Si> *forma huius* asciscere vis; in libris *formā* traditur. Neque Ambrosianum codicem probabimus cum praebet Trin. 2, 2, 97: *egone | indotatam uxorem ut patiar?* . . immo cum in Palatinis sit *ego | indotatam te uxorem . .*, sine dubio scribendum est *egone indotatam te uxorem*; cf. sup. c. I § 1 ad Poen. 1, 2, 167. In Persa vero libri Decurtatus Vaticanus una cum Rescripto vere produnt Pers. 4, 4, 32: *esne tu huic . .*, solus Vetus *esne | huic tu amicus . .* — Quae praeterea leguntur, recte se habent: Merc. 2, 3, 99, de quo sup. c. I § 2 dictum est; Mil. 3, 1, 181: *fuisse aequae neque futurum . .* ubi prima verbi *fuisse* syllaba producit; cf. Muell. Suppl. pros. 84 adn. Poen. 4, 2, 24: *qui hercle | ipse ignaviorem . .*, nisi forte cum editoribus transponere mavis *qui ipse hercle . .*

In secundo pede invenitur: 1. Epid. 5, 1, 25: *age age, absolve | atque argentum numera, ne comites morer*; at tamen accusativus *me* abesse vix potest. — Levi opera hiatus expelluntur hi: Men. 5, 2, 70: *nisi quo nocte | hac migrasti . .* Mil. 4, 1, 15: *quid ea? ingenua | an festuca facta <e> serva liberasti?* Truc. 2, 6, 51: *suae fuere | ambae . .*; in Menaechmis verbum iunctum *emigrasti*, sicut in proximo versu, desideratur; in Milite *ingenuan an* iam Acidalio placuerat; in Truculento *fuere* a Bothio repositum est; cf. Trin. 2, 4, 134. — Alia exempla ex libris scriptis emendata sunt; ex Ambrosiano Mil. 4, 4, 49: *ut, si itura siet Athenas . .*, ubi Vetus habet *itura | est*. Ex Vetere restituitur Merc. 1, 2, 88: *occurri atque interpello . .*, ubi *occurri atque | interpello* Decurtatus Vaticanus adferunt. — Neque vero quidquam mutandum est: Asin. 2, 2, 85 et Curc. 2, 3, 58<sup>1</sup>, in quibus *med* pronuntiandum est (v. Ritsch. N. exc. 1, 35 et 36); Aul. 2, 3, 7, de quo cf. sup. p. 18. Idemque cadit in hos versus: Asin. 2, 2, 9: *mea quidem hercle | opera liber . .* Merc. 5, 4, 19 (v. sup. cap. I § 9); Poen. 3, 1, 63: *vix quidem hercle, | ita paucilla est . .* Most. 5, 2, 46: *interimam hercle ego, si vivo . .* Mil. 2, 3, 14: *edepol, Sceledre, homo sectatus . .*; et in his duobus septenariis non minus vere hiatur quam vocum *ego homo* syllaba posterior producit. Fortasse retinendi sunt hiatus Merc. 1, 2, 78: *quā, sceleste, | abstrudebas . .* Bacch. 4, 4, 86: *at quidem hercle | est perdundum magis quam ad scribendum cita*; quamquam in Mercatore et facile et apte *eam* additur; in Bacchidibus vulgo editur *est <ad> perdundum*; cf. tamen sup. cap. II § 1 ext.

Sed veniamus ad tertiam septenarii sedem, in qua haec extant:

1. Aul. 4, 10, 8: *fateor peccavisse | et me culpam conmeritum scio*;
2. Epid. 2, 2, 97: *iam | igitur amota | ei erit omnis consultatio*;

<sup>1)</sup> cf. Ribbeck. de partic. Lat. p. 43 sq.

3. Truc. 2, 6, 60: *accipe hoc, abduce | hasce | hinc e conspectu Suras*; at primo loco *me* cum Benteleio interponendum est, idemque in codice Lipsiensi post *fateor* inseritur; secundo cum Lindemanno Goetzius *fuert* pro *erit* substituit collato versu 2, 2, 41, in quo solus Ambrosianus *fuert*, reliqui vitiose *erit* vel *erat* exhibent; tertio denique optime cum Kiesslingio scribitur *hoc <atque> abduce* (cf. Stich. 1, 2, 97 supra § 3), Schoellius utrumque hiatus sustulit, cum ederet *abduce <Astaphium> hasce* . . — Palatini codices perperam tradunt Pseud. 1, 3, 158: *ex multis exquire | illis unum, qui certus siet*; sed cum in Rescripto post *multis* adiciatur *atque*, recipiendum est *atque ex multis exquire illis* . . Vix opus est adscribi versum Men. 5, 9, 72: *o salve, insperate, multis annis* . ., in quo solus Vetus liber *annis multis* collocatum habet. De Merc. 5, 4, 16 v. supr. c. II § 7. — Alii hiatus veniam habent legitimam: Epid. 2, 2, 8; Men. 1, 2, 66, sive post tertium sive post quartum trochaeum non eliditur, v. cap. I § 1 et II § 7; Pseud. 4, 7, 79: *strenue mehercle | isti* . ., ubi tamen *twisti* perplacet; Truc. 4, 3, 40: *hercle | idem* . . Omnino non hiatur post tertiam sedem: Amph. 2, 1, 51: *donec Sosia ille egomet fecit sibi uti crederem*; Bacch. 3, 6, 1: *reddidi patri | omne aurum* . . Capt. 5, 2, 2: *quid me oportet facere, ubi tu talis vir falsum autumas?* nam in secundo versu iam-bicum vocabulum *patri* non coniungitur (v. infra Sent. contr. I); in reliquis *egomet* et *ubi* in altera syllaba acuuntur, nisi forte *illic* aut *cubi* (v. Ritsch. Opusc. III 139; cf. Muell. Suppl. pros. p. 28 sq. c. adn.) ponere mavis.

Iam in quinto pede post brevem syllabam hiatus efficitur: 1. Bacch. 3, 3, 85: *egone | illam mulierem (Capitis non perdam? . .)* 2. Poen. 3, 1, 67: *quin etiam deciderint vobis femina | in talos velim*; 3. Pseud. 2, 4, 72: *avi sinistra, auspicio liquido | atque | ex sententia*; primo loco *egone <ut> illam*, tertio *atque ex <mea> sententia* verissime restituta sunt; in secundo versu Loewius *feminora* voluerat, sed versus huius scaenae a 64 ad 72 Plautinus non esse cum Goetzio Ussingio existimo. — Nullo negotio hiatus eximas: Epid. 5, 2, 37: *sed quis east mulier? — Tui gnati amica, ut omnem <rem> scias*; Pers. 4, 4, 8: *quarta invidia, quinta ambitio, sexta | obtrectatio*; Pers. 4, 4, 50: *atque | ipse iidem roga*; Truc. 2, 6, 28: *quidem ille | est*. — *Quid postea?* hoc enim loco haud dubie *illic* in textum recipiendum est. In priore Persae versu Ritschelius *autem* indidit, idemque probarem, nisi multo facilius *sextaque* reponeretur; cf. supr. § 1 ad Mil. 2, 2, 112. In posteriore *ipsus* scribere simplicissimum est; sed cum in Ambrosiano codice a . . bis, non *abi* Ritschelio apparuerit, nescio an restituendum sit *adi sis*. Idem Rescriptus verum servavit: Pseud. 1, 3, 141: *posse opinor facere me officium meum*, ubi *me* in reliquis libris intercidit. — Duo exempla huc non pertinent: Aul. 2, 2, 49, in quo *te* pronomen arsim explet; cf. Ritsch. N. exc. 1, 42; Curc. 5, 3, 49: *placidum te hodie reddam*. — CA. *Age ergo recipe | actutum*. — TH.

*Licet*; sic codices; sed optime verbum *actutum* militi, *licet* Cappadoci tribuit Ussingius, ita ut post *recipe* persona mutetur.

Pauca leguntur in sexto trochaeo 1. Merc. 5, 2, 87: . . *me decipere* | *haud potes*; 2. Poen. 3, 1, 35: *quidquid est pauxillulum illuc*, *nostrum id omne* | *intus est*; ibi Niemeyerus *memet*, Bergk *me decipere* <es> *haud potis* scribenda esse coniecerunt; hic Ussingius et particulam addidit. — Praeterea Palatini praebent Pers. 4, 3, 60: . . *hasce* | *attulit*; sed *hasce huc attulit* ex Ambrosiano restituitur. Amphitruonis vero versum 1, 1, 116: . . *obdormisse* | *ebrium* forma *obdormivisse* sanandum certissimum est.

Quoniam senarios septenariosque pertractavi, nunc de iambicis octonariis et septenariis dicendum est. Neque enim in octonario trochaico exemplum invenitur, quia Pseudoli versus 1, 2, 1: *exite*, *agite* | *ite*, *ignavi* . . ex Ambrosiano corrigitur, quippe qui habeat *exite*, *agite exite* . . — In iambico igitur octonario brevis syllaba vocali excipitur 1. Amph. 1, 1, 97: *haec illic est pugnata pugna* | *usque a mani ad vesperum*; qui hiatus probabili ratione nondum expulsus est, nisi Pyladis transmutationem *pugna ab usque muni ad* . . vindicas: et *ab usque*, *ad usque*, *in usque* posteriores poetae non numquam posuerunt. Goetio Loewioque in mentem venit *pugna* <inde> *a mani usque ad vesperum*. — *Ipsus*, non *ipse* scribendum est sicut Trin. 1, 2, 75 in v. Capt. 4, 1, 10: *tantum adfero*, *quantum ipse* | *a dis optat*, *atque etiam amplius*. Breviter attingam versum Epid. 1, 1, 24, in quo Ambrosianus *hominem* errore omisit; v. supr. cap. II § 7.

In septenario iambico denique hiatur: 1. Most. 1, 3, 77: *ut ego exheredem me bonis faciam atque* | *haec sit heres*; in quo bonis *faciam* cum Vaticano Vetus adfert; neque *faciam bonis* quod in Decurtato est ferri potest, cum in quarto pede ante caesuram legitimam anapaesto locus non sit. Ritscheli igitur *meis bonis me faciam* edidit, quod probabilius scribitur *me bonis* <meis> *faciam atque haec* . . — Nulla hiatus testimonia sunt: Epid. 3, 2, 42: *nimis doctus ille* | *ad male* . . Pseud. 1, 2, 20: . . *plagigera genera* | *hominum*; nam priore loco non *illic*, sed *ille est*, posteriore *plagigerula* (de quo v. Lor. adn.) emendanda sunt. In Mercatore Rescriptus ille quidem exhibet Merc. 3, 1, 17: *rogare* | *unum hoc te volo* . . ; Palatini recte transponunt *rogare hoc unum te volo*. — Duo post appellationem hiatus removendi non sunt: Asin. 3, 3, 26: *o Libane*, | *ut miser est homo* . . Most. 4, 2, 3: *Phanisce*; | *etiam respice* . .

Haec quidem quae inde a pagina 85 percensuimus, omnia eius hiatus exempla sunt, qui in codicibus post breves vocales efficiuntur. Eorum igitur parti aliunde excusatio datur; alia pars non in omnibus libris vitiose traditur, alia obtinere aliquem numerum omnino non potest, quod aperta corruptelae indicia prae se fert. Qui vero supersunt loci non solum quam maxime pauci sunt verum

etiam lenissima mutatione in integrum restituuntur. Qua re cum post longas vocales saepissime, post breves nusquam fere hietur, ipse facile iudicabis, quam vere longas vocales cum hiatu corripi posse censeamus.

Sed in enumerando eos hiatus supra praeterimus, in quibus personae mutatio aut incisio legitima excusari potest et excusata est (v. sup. c. II § 1). Ii enim nostrae opinioni obesse minime possunt, etiamsi magno numero legerentur; nunc vero haud ita crebro inveniuntur. Nam personae mutatae excusatione hi senarii defenduntur: Asin. 4, 1, 10: *addone?* | — *Addē, et scribas vide plane et probe*; Pseud. 1, 1, 29: *lege vel tabellas redde.* | — *Immo enim perlegam*; Pers. 1, 3, 79: *πόθεν ornamenta?* | — *Abs chorago sumito*; Aul. 3, 6, 34, de quo v. supr. c. II § 7; Merc. 4, 4, 22: *mihi quidem hercle.* | — *Ita me amabit Iuppiter*; Poen. 1, 1, 45: *non scis?* — *Non hercle.* | — *At ego iam faxo scies*; at valde dignum quod spectemus id est, quod tertium exemplum in caesura, tres posteriores post *hercle* orationem finitam habent. — Tres possunt accedere: Poen. 1, 1, 23: *mihi quidem hercle.* | — *Immo mihi.* — *Istuc mavelim*, ubi Spengelius (Plaut. p. 57) *immō mihi* pronuntiarī vult; Merc. 4, 3, 33: *non tu scis, quae sit illa?* | — *Immo iam scio*; Trin. 3, 3, 61: *paterni signum nosse.* | — *Etiā tu taces?* quamquam *illaec* et *novisse* facillime reponuntur. — Detrahendus autem est Poenuli versus, in quo *inis* cum Ussingio, non cum libris *is* scribendum: Poen. 3, 3, 85: *complexum contractare.* — *Inis, leno, viam.*

Paulo plura exempla ex septenariis adferuntur: Amph. 5, 1, 57: *.. ambo capita.* | — *Ei mihi!* Merc. 1, 2, 71: *qui potuit videre?* | — *Oculis.* Merc. 5, 2, 25: *.. bene valetē.* | — *Illico*; Merc. 5, 2, 87: *.. Charine.* | — *Erras.* Merc. 5, 2, 113: *.. est irata.* | — *I modo*; Mil. 2, 3, 32: *certum est facere.* | — *Hic te opperiar.* ; Muellērus intericiebat *ita*, quod tamen, ne longius abeamus, etiam 2, 4, 42 abest. Poen. 1, 2, 116: *eamus, mea germana.* | — *Age sis ut lubet.* . In incisione persona mutatur in his versibus: Men. 1, 2, 46: *te morare, mihi quom obloquere.* | — *Oculum ecfodito per solum*, ubi de *quom* non coniuncto cogitari non debet. Men. 5, 2, 115: *mihi equis iunctis minare?* | — *Ecce Apollo denuo*; Mil. 4, 8, 20, de quo cf. supr. c. I § 2 et II 2. Pers. 4, 3, 47: *quae istaec lucrifca est Fortuna?* | — *Istas, quae norunt, roga*; sic Ambrosianus; Palatini transponunt *fortuna lucrifca est*. Poen. 1, 2, 100: *at ego amo hanc.* — *At ego esse et bibere.* | — *Eho tu.* . (spernendum videtur quod in Rescripto est *amabo*); Truc. 5, 29: *at ego ad te ibam, mea delicia.* | — *Herclē vero?* — *Serio.* — Dubii esse possumus, num hos septenarios adscribamus: Mil. 4, 8, 47: *multo quam alii libertus esse.* | — *Habe animum bonum*; cum libri tradant *habeo bonum animum*, poni potest *habeto bonum animum*; sed vide Epid. 4, 2, 31. Most. 5, 1, 35: *vendidisse.* | — *Eho an negavit sibi datum argentum, obsecro?* Poen. 1, 2, 134: *bellule herclē.* | — *I di recte in mazumam malam crucem*; in hoc versu vocem

*dierecte* ditrochaicum efficere posse supra vidimus; de Mostellariae versu cf. Speng. Plaut. p. 202 c. adn. Most. 4, 2, 59: *aio*. — *Atque eam manu emisisse?* | — *Aio*. — *Et postquam eius hinc pater;* sic Ritscheliu Lorenzium dimetiuntur; Lachmannus (ad Lucr. III 374 p. 162) alterum *aio* non coniungi, Muellerus voculam *eius* pro bisyllaba accipi voluit. Pers. 2, 2, 68; v. supra c. II § 1. Vix memorandus est Poen. 4, 2, 61: *eo facilius facere poterit*. — At . ., ubi Decurtatus Vaticanus verborum *facere poterit* ordinem invertunt.

Singula exempla in septenariis iambicis, in iambicis et trochaicis octonariis extant: Aul. 3, 2, 33: *argenti viginti minas habesne?* | — *Hariolare;* Men. 5, 7, 14: *ecquis suppetias mihi audet ferre?* | — *Ego,* | *ere, audacissime;* Amph. 2, 1, 25: *utinam ita essem*. — *Optas, quae facta.* | — *Egone?* — *Tu istic: ubi bibisti?*

His hiatibus in finita oratione factis eos subiciam, qui in caesuris accidunt: Amph. 3, 3, 21: *nunc tu divine* | *huc fac adsis Sosia;* Merc. 4, 4, 2: *coquendast cena.* | *atque quom recogito;* Most. 3, 1, 155: *ita mea consilia* | *undique oppugnast male;* Trin. 1, 2, 148: *em mea malefacta,* | *em meam avaritiam tibi*<sup>1)</sup>; at ex his senariis sola incisione unus defenditur. — In eodem numero sunt, nisi verbum aut bisyllabum, ego iambicum esse existimas: Men. 3, 3, 1: *Me-naechme, amare* | *ait te* . . Trin. 1, 2, 136: *sed nunc rogare* | *ego vicissim te volo;* Truc. 2, 4, 6: *vah, vapulo hercle* | *ego nunc* . . Duobus locis, Mil. 4, 7, 25 et Stich. 1, 3, 84, in alia sede hiatum statui posse supra c. II § 1 et 2 diximus. — Vix dubitari potest quin illic et laudavisse iure ab editoribus restituantur in his versibus: Curc. 5, 2, 67: . . *quia ille* | *ita repromisit mihi;* Most. 3, 2, 73: *nam sibi laudasse* | *ait hasce architectonem;* et laudavisse in Ambrosiano scriptum fuisse Studemundus Annal. 113 a. 1876 p. 63 affirmat. — Certe eximendi sunt Aul. 2, 6, 5: *Cererin, Strobile,* | *has facturi nuptias?* sic libri Plautini exhibent; Festus prodit *has sunt facturi*, Macrobius *hi sunt facturi*, eumque recte sequuntur Pyllades Goetzius; Bacch. 3, 4, 17: *numquam edepol viva me inridebit* . ., ubi *me* solus Vetus praetermisit, ceteri cum Rescripto servaverunt; Epid. 3, 3, 8: *(vel [quasi] egomet, qui dudum fili causa coeperam)* *Ego me excruciare animi, quasi quid filius;* Muellerus bene scribi iubet: *(vel ego qui . . coeperam)* *Egomet me* . .; Merc. 1, 1, 81: *amens amansque vi* | *animum offirno meum;* *vi* pro *ut* optime reposuit Ussingius; Poen. 3, 4, 8: *ibi quae relicua* | *alia fabulabimur;* *quae <sunt> relicua* Ussingius edidit, Geppertus *quaevis*; de *relicuus* forma v. Lachmann. ad Lucr. V 679 p. 305; Speng. Plaut. 87; Uss. Proleg. 215 et ad Asin. 231. De Stichi v. 3, 2, 33 v. cap. I § 1.

Restat ut trochaicos tetrametros in caesura hiulcos adscribam. Octonarii igitur huc pertinent duo: Pers. 2, 2, 19: *Paegnium hic*

<sup>1)</sup> cf. Brix. Emend. in Pl. Capt. Liegn. 1862 p. 11.

*quidem est.* — *Sophoclidisca* | *haec peculiarist eius*; Truc. 2, 7, 51, de quo cf. supr. c. I § 1. — *Septenarii* autem hi: Amph. 1, 3, 25; cf. supra c. II § 2. Amph. 1, 3, 47: *prius tua* | *opinione* | *hic ad-ero*; *bonum animum habere*; Amph. 4, 1, 7: *nunc domum ibo atque ex uxore* | *hanc rem pergam exquirere*; Amph. 4, 2, 12: *quidum?* — *Quia senecta aetate* | *a me mendicas malum*; Asin. 5, 2, 1: *ain tu, meum virum hic potare*, | *obsecro, cum filio*; Asin. 5, 2, 33: *quid fatere?* — *Me ex amore* | *huius corruptum oppido*; Capt. 3, 4, 41: *nam ille quidem, quem tu hunc memoras esse*, | *hodie hinc abiit Alidem*; quoniam proceleusmaticus *ille quidem* parum placet, Ussingius tu delet, Fleckeisenus esse post tu transfert. Curc. 1, 3, 21: *verum totum insanum amare* | *hoc est, quod meus erus facit*; cf. Luchs. in Studem. Stud. I p. 60. Men. 5, 9, 32: *memorat. meliust nos adire* | *atque hunc percontarier*; Merc. 5, 3, 1: *quasi tu numquam quidquam adsimile* | *huius facti feceris*; Mil. 5, 18: *iure te non nociturum esse* | *homini de hac re nemini*; Most. 5, 2, 35: (*nunc te obsecro*,) *Stultitiae adolescentiaeque* | *eius ignoscas. tuost*; particula ut interponi potest. Poen. 1, 2, 174: *sic enim diceret, scelesti*: | *huius voluptas, te obsecro*; Poen. 5, 5, 11, v. cap. II § 1; Stich. 5, 4, 48: *uno cantharo potare*, | *unum scortum ducere*; editores et particulam iniciunt. — Neque aliter breves vocales in incisione non eliduntur, si vocabula adest apud egomet ero mihi in priore, non in altera syllaba acuius: Amph. 5, 1, 12: . . *Alcumena*, | *adest auxilium* . . ; Epid. 2, 2, 7: . . *haerere* | *apud nescio quam fidicinam*; Truc. 2, 2, 45: . . *perire* | *apud nos* . . Men. 5, 5, 37: *egomet haec te vidi facere*: | *egomet haec te* | *arguo*; Poen. 1, 2, 157: *noli amabo, sus-censere* | *ero meo causa mea*; Pseud. 4, 7, 134: *Pseudolus mihi centu-riata* | *habuit capitis comitia*; aut si voces *deerrare dierectus* per synaloephen legimus his locis: Men. 5, 9, 54: *inter homines me deerrare* | *a patre* . . Merc. 1, 2, 72: *in' hinc dierectus?* | *nugare* | *in re* . . (*nugaris* Bothius Bentleius voluerunt). Melius *med ted* formae in arsi ponuntur: Capt. 5, 2, 23: *serva, Iuppiter supreme, et me et meum gnatum mihi*; Mil. 5, 15: *obsecro hercle te, ut mea verba audias prius quam secat*; Trin. 2, 2, 30: *nimio satiust, ut opust te ita esse, quam ut animo lubet*. — Compluribus locis aut in incisione aut in alia versus sede hiatur: Asin. 5, 2, 37; Epid. 1, 2, 33; v. cap. II § 7; Aul. 2, 2, 55; Truc. 4, 3, 78; v. cap. I § 1; Epid. 2, 2, 94; v. cap. II § 1; Mil. 5, 9, in quo versu certe vocula *uxorem* integra manet, v. c. II § 7. — Duo hiatus nullo negotio ita remouentur, ut *abduxisti emunxisti* reponantur: Curc. 5, 2, 16, de quo v. supr. c. II § 2; Most. 5, 1, 61: *immo etiam cerebrum quoque omne* | *e capite emunxti' meo*. Aliis de causis ambiguum est iudicium: Bacch. 3, 3, 42: *sit magister quasi lucerna* | *uncto expretus linteo*; Truc. 2, 6, 60; de hoc versu v. paulo supra; in illo verbum *expretus* depravatam videtur. Coniectura nititur (cf. sup. II § 1) Stich. 4, 2, 16: *quid ais, Pam-phile?* — *Ad cenam hercle* | *alio promisi foras*. — Detrahendi deni-

que videntur: Amph. 2, 2, 107: *sed, mulier, postquam experrecta | es, prodigiali Iovi*; Asin. 5, 2, 44: *dic amabo, an foetet anima | uxoris tuae?* — *Nauteam*; nam utroque loco Nonii scripturam probabimus, qui *te* post *es* inserit, atque *tuae | uxori* transponit (v. Lachm. ad Lucr. III 954 p. 200); Curc. 5, 2, 14: *cum bolis, cum bulbis? redde | etiam . .*, de quo vide Langen. Symb. p. 160 sq.; Merc. 5, 4, 23: *vacuum esse istac ted aetate | his decebat noxiis*; hunc versum ostendendum, versuum 21 et 22 ordinem immutandum esse Goetzius ostendit. A Bothio et a Seyfferto corriguntur: Pers. 2, 2, 52: *sed ego cesso*. — *Mane*. — *Molesta es*. — *Ergo <ero> quoque, nisi scio*; Poen. 1, 2, 158: *ego faxo, si non irata es, <aes> nimium pro te dabit*. Ex codicibus restituuntur: Merc. 5, 2, 45: *maxume quod vis audire, id audies . .*; pronomen *id* in Vetere intercidit, ab reliquis libris servatum est; contra Vetus exhibet Mil. 4, 4, 60: *iam exiturum esse intus*. — *Celebre est apud nos imperium tuom [est]*, ubi *est* (h. e. ē) in ceteris facillime excidit; ex Ambrosiano recte adferuntur: Mil. 3, 1, 89: *hercle vero liberum esse med, id multo lepidius*; Mil. 4, 8, 12: *. . facere uti fluat facetiis*; Palatini in altero *esse id multo est lepidius*, in altero *ut fluat* praebent.

Haec igitur exempla, ubi breves vocales ultimae in personae mutatione et in caesura legitima vocalibus excipiuntur, si cum magna ceterorum copia comparamus, pauca sunt in septenario, in senario vero haud multum abest quin nulla sint. Neque temere aut casu evenisse potest, ut etiam in his versuum sedibus fere post longas vocales hiatus acciderit. Immo hoc Plautum intendisse censeo, ut tales quoque vocalium concursus, maximeque ii qui in senarii incisione fierent, eadem correptionis excusatione defenderentur qua illi qui ceteris versuum locis et in media oratione efficerentur: nec tamen adeo angustos fines terminosque poetam sibi constituisse, ut in oratione finita et in caesurae sede, ubi propter versuum conformationem oratio paulisper intermittitur, numquam a consuetudine sua recederet neque ullo loco brevem admitteret syllabam.

Sed ut sit iam huius disputationis modus: unum est quod nostrae coniecturae officere videatur, illam legem dico supra (cap. I § 1) laudatam, qua ante extremum creticum iambici senarii et septenarii trochaici correpta thesis poetis non placuerit. At primum eadem nostra opinione non numquam fit, ut duae breves syllabae in quinta et sexta thesibus efficiantur; v. supra l. l. et Amph. 4, 3, 15; Men. 4, 1, 10; Merc. 1, 1, 83; 3, 2, 9; Mil. 1, 1, 65; 3, 1, 125; 4, 8, 4 et 28; Most. 2, 1, 45; Pers. 4, 7, 7; Poen. 1, 2, 77; 5, 2, 92; Pseud. 3, 2, 11; 3, 5, 1; Stich. 5, 6, 3; Trin. 2, 4, 119; Truc. 2, 4, 43; 4, 3, 58 (*si | aquam bibit*); atque haec quidem in vocabulis monosyllabis; in polysyllabis Men. 3, 2, 43; 3, 3, 1; Most. 3, 1, 101; Pers. 2, 2, 38 (*me quidem | addece* Both.); Poen. 4, 2, 90; Stich. 2, 2, 66 al. Deinde illa est observatio quaedam — sive elegantiam dicere malueris —, non rata lex; et in



Trinummi fabula teste Ritschelio (Prol. Trin. p. 210) senarii circiter quinquaginta, h. e. pars ferme duodecima, totidemque septenarii, h. e. pars nona, huic legi adversantur. Qua de causa quod ad veritatem illius observationis adinet, nullius momenti est, utrum ad illa correptae thesis exempla pauca adiciantur necne.

Sed haec quidem hactenus.

---

Alteram huius disputationis partem una cum tertia, cuius summam infra posui, in medium proferam, cum primum Cas. Cist. Rud. fabulae ad optimos codices castigatae erunt.

---

## Tertiae partis summa

(Sentent. contr. I):

Voces iambicas et in vocalem vel in m litteram excidentibus a Plauto ita cum hiato poni potuisse, ut longam vocalem sub ictu positam retineant, Lachmannus docet. Nec tamen adeo angustis terminis hiatus in arsi factus circumscribendus est; immo idem quod in iambica cadit

I. in vocabula monosyllaba quae longa vocali finiuntur;

II. in vocabula cretica;

III. in ea vocabula bisyllaba, quorum vocalem extremam poeta et brevem et longam facit, velut *mihi abi ubi eo modo ego*.

---

## Corrigenda.

---

pag. 11 v. 31 pro *haecte* lege *haec te*.

p. 25 v. 14 addas Poenuli versum 5. 2, S (*creta est profecto : horum  
hominum oratio*). quem in subsequenti pagina omittas.

p. 39 adn. 2 lege 1870.

p. 71 v. 2 haec inserantur: 'Fortasse adiciendus est 7. Stich. 3, 1,  
25 b, qui versus in solo Ambrosiano sic fere servatur: *ad  
cenam !* *ho.* — *Si vocatus, cenabo*'.


Praeterea alii versus non multi hic illic addi poterant, quos  
tamen hoc loco enumerare nolo.

---

Berolini, typis expressit W. Porrmutter.







Lp 26.622  
De hiatu Plautino quaestionum prima  
Widener Library 004021825



3 2044 085 220 994